

1:1 NKIWSHITON ne'tum msInukIn, O Tiapinus, caye'k Cibus
kaoshkawe'pwshItot, ipi e'ki kuknomake't. 2 Nash i e'kishkiwuk
kaotapnukasot, shpumuk kakishminat okukie'kwe'wunIn shi
PanakwsIt Cipam, ni nwakanacIn kaowe'napmacIn; 3 Nie'ni ke'iapI
kawaptacIn wia`w e'pmatsIt kakish kwtukitot shi mce'sh we'we'nI
te'pwe'tatwunIn e'kiwapmukot nie'waptuk tsokwun ipi e'kiactuk
cake'ko Kshe'mIne'to otokumauwunuk: 4 Me'kwacI e'ie' maosomat
okiwitmowan e'wipwa shi ocI macinIt Cinose'ne'muk e'wi pwitowat
Osma kowawituk, win kakitot nin kaocI notake'ie'k. 5 Can we'we'nI
ki kcItapie'nwe', mpik nIshcI kinwa kukcItapie'nkom, shi panakwsIt
Cipam e'pwamshI mce'shkonkuk. 6 IcI kamaoce'tiwat okinatawawan
otI kikItwuk Te'pe'nke'n ConI otI e'picak minI kuminasi Isne'iIn o
kumauwun. 7 IcI otI okinan cosu wi kinwa e'wi ke'ntume'k pic nikan
wapiamkuk win osma katot shi owishkiwunuk. 8 KuotItnanawa
wishkiwun ipi panakwsIt Cipam kikishotIskoie'k, ipi nin kaocI
witmake'm caye'k shi Cinose'ne'muk ipi caye'k Cwtie'uk, ipi shi
Se'me'ne'ok ipi shi mamwI pnocak shotI kik. 9 Pic cI kakish iactuk
notI ke'ko me'kwa e'ie' wapmawat kiwcI otapnIkaso shpumuk; ipi shi
ankoton okipon wapmawan. 10 Me'kwacI e'ie' kanapwat ipI
shpumuk; kanmIshianIt, pInI nish nInwun okiwicka pwutakwan
kiwapshkianI kapiskumwacIn. 11 OtI cI ke'iapI okikowan, Ke'nInI
tshI nInituk tacI we'cniipwoie'k shpumuk e'napie'k? OtI nasap Cibus,
kaocI otapnImakoie'k shpumuk; iw nasap ke'shI piat kashu wapme'k
shpumuk kashu shiat. 12 IcI Cinose'ne'muk kishu kiwe'k kiwcIpie'k
e'pkotnianuk AnIpIt kishInkate' e'nume'kishkuk e'picak shi
Cinose'ne'muk. 13 Pic cI kapitke'we't shpumuk kishie'k wikwamuk
kaci iuwat Pitu, ipi Ce'ms, ipi can ipi E'ntnu, Pinip, ipi Tame's,
Pe'toniu, ipi Me'to `Ce'ms kaokwismukot E'npiusIn, ipi Sayi mun
Sinotus, ipi Cwte's, wikane'iIn Ce'ms. 14 KotI caye'k pIne'
kimsone'ntumwuk akimimawat, ipi kimumatmok shi kiInkwe'n, ipi
Me'ni kaokie'imat o Cibus ipi niw wikane'iIn 15 IwcI notI
e'kishkiwuk Pitu KinipwI na`iukwan ni ke'knomake'cuk (e'tshuwat
cukI tInoswunwa kansoiwat nkotwaktshik, ipi nishwaptuk) otI cI
kikItto; 16 NInituk, ipi nikane'ituk, otI kikItowIn taocI nomkuk

e'wite'pwe'mkuk Te'pIt kaocI kItot ni PanakwsIncIn CipamIn
e'kiiacimat nikan ni Cwte'sIn, win kapmInikansIt e'kiwtapnawat
CisusIn. 17 Win kiwictkokcIkaso ipi o kiwtItnan anIt otl
pmitake'wun 18 OtI nInI okikishpIne'ton ktukan iwtpu` ukoswun
miashuwe'psiwun, ipi nikan kishI pmokocIn kitokce'shInce'
na`iukwan icI caye'k picnI kisaktakwte'nI. 19 Ipi otl
okikuke'ntanawa, caye'k ki katacuk shi Cinose'ne'muk kikuke'ncIkate'
i ktukan, e'shInkate'kw winwa kwiuk e'shumwat E'sIntime' e'tmuk i
ktukan mskwI. 20 Osam onIpie'kate' shi msInukIn Nkumwunuk, Win
e'tat kupe'pshukwsInI ipi cowIil shi Ite'si, ipi i otukwapke'wun
pe'kansInIt okinapshkamakon. 21 OtI cI ie'i kotI nInwuk
kapmuwice'okonuk, pIne' Tope'nmukwiIkon Cisus e'ki pitike't, ipi
e'kisakuk, shi e'cIiIikon. 22 E'we'pkcItapie'nwe't Can nash i
e'kishkiwuk kaotapnmakoikon nkot okInapshkawan e'wi wicwitma
ke'ikon e'ki iapsishnInIt. 23 Okiwe'napmawan cI Nish Cosip
kishInkaso Pe'se'pe's ipi ke'iapI kashInkasot Custus, ipi Me'taye's. 24
IcI e'kinumawat, ipi otI kikItwuk; Kin Te'pe'nke'n, kin
ke'ke'ntumwutwa, caye'k nInwuk ote`iwan, knomoshInak
we'kwe'nshutuk kote' nkote'il kaowe'napmItwa. 25 Win e'wi anIt
pmitake't ipi NokantawIn win o Cwte's kaocI pmukocIk iw omaia
tuwe'psiwun, win e'wishiat tpInowe' e'cliIt. 26 IcI e'kitatiwat wincl
Me'taye's kiw tapnuk aso ipi kitkokcIkaso ni mtatso shItnkot
nwakanmIcIn.

2:1 Pic e'kishkuk PIntikast wikwtowun kaocItsak, caye'k kimsote'e'k
kimaoce`tik mamwInkoci. 2 IcI ka`w kiwcI pie'mkItInI notakwsIwun
shpumuk ke'cwa e'ki cI wishkanmuk, ipi kimosh kIne'se'nI caye'k shi
wikwamuk kacI cipitupwat. 3 Owaptanawa se'knInwaknIn
ne'swakwianuk ke'cwa shkote', ipi nankot e'tshowat kite'nI wiuwak.
4 Ipi caye'k okimoshkIne'shkakwan ni PankwsIt Cipam icI
kiwe'pkakikitok pkan kinowe'k kashu minkowat OcipamIn. 5 Kite'kcI
ipi CInose'ne'muk Cwiuk me'noshuwe'pse'cuk nInwuk e'tsoshumowat
shotI kik kiwcIpie'k mtunmuk shpumuk. 6 IcI otI kanotmoat, pnoc
kamaoce'ticutk kipie'maoke'tik? ipi kimamkate'ntumwut os am e'tshIt

nInI okinotwawan e'kikitonIte'shumot. 7 Caye'kcI
kimamkate'ntumwuk, ipi pkan okine'mawan otIcI kishItwuk, PInI
coe'I kotI caye'k kakitocuk Ke'nInI nInwuk? 8 TInicI e'shnotwukon
e'tshIt nInI, e'ki ie'i nowe'ikon kashu nikiiIkon. 9 Pe'tie'nuk, ipi
Mitiuk, ine'mituk ipi ki e'tacuk shi MIIsopote'miuk, ipi shi Cwtie'uk,
Kpe'toshie'uk shi Pantusuk ipi E'shie'uuk, 10 Pnicie'uk ipi shi e'kiwuk
Nipie'uk ipi ipI Sinie'nk ipi pwake'ntakwse'cuk kiw cupie'k Nom ipi
Cwiuk ipi te'pwe' twacIk. 11 E'nitniuk, ipi E'ne'pie'niuk knotwamIn
e'kikitowat e'shumie'kon o oimamkate'nta kwIwun Kshe'mIne'ton. 12
Ipi caye'k ki mamkate'ntumwuk ipi kikwinwune'ntumwuk otIcI
kishItwuk, we'kwnicI otI we'cnom Kuk? 13 AnItcI okinaptotwawan
kItwuk, kotIsI nInwuk Omoshkne'shkakwnawa wshkI shomnapo. 14
NIshcI Pitu akiwickapwutwan ni mtatso shItnkot okiknonan otI
okinan; kinwa e'tshI nIniwie'k Cwtie'uk, ipi caye'k kinwa, e'taie'k
Cinose'ne'muk otI kuke'ntmok, ipi psItumok notI nkikitoonIn, 15
Cowi kotI kiwIshkwe'pie'sik i e'ne'nme'k o samkInI nsotpukIn
e'kwokishkiwuk. 16 OtIsi ie'i katuk nakanacimot Cowun; 17 OtI
ke'nomkuk pic wishkwakishkiwuk kItwak Kshe'mIne'to NkIsikna
ncipam kwIciukwan caye'k wias, ipi kokwIswak, ipi kitansu`wak
knikanacimok, ipi ktoshInunwe'mwak kukwsaptumwuk ipi
ktukwe'simawak oke'iapwatanawa iapwe'wunIn. 18 Ipi
npumitakaimuk, ipi ntupa`nkwe'imuk nkIsiknumwak nci pamIn niw
e'kishkiwuk icI knikanacimok. 19 Ipi nkuwaptuwe'
mamkate'ntumwunIn shi shpumuk kishkok, ipi mataoshuwe'psuwun
shotI kik namiukwan, mskwI, ipi shkote', ipi ke'c pkwe'ne'k. 20 Ipi
kisIs kukiskupkoniawapkIse', ipi tpukisIs kumskwiwe'
e'pwamshupiamkuk i kcIkishIk, ipi omiuk kukishkom Kshe'mIne'to.
21 KnomkItcI we'kwe'ntuk ke'wawitmowakwe'n otInoswun
Kshe'mIne'to kuke'skona. 22 Isne'iuk e'tshI nIniwie'k psItmok notI
kikitonIn Cibus Ne'sInI nInI kamnonwe'kot Kshe'mIne'to
kamataototuk, ipi mamkate'ntumwunIn, ipi mataoshuwe'psuwunIn
win Kshe'mIne'to katotuk shi wiwunuk me'kwe' nawe'nI kinwa
ke'iapI kuke'ntanawa. 23 Win kapkIt nukasot kane'nmat ipi nikan
kashuke'nmat Kshe'mIne'to, kinwa kautapne'k ipi kmIconIciwan

kiskakwawa ipi kinsawa. 24 Win Kshe'mIne'to kapsukwitmat kaiapскопитот, i wis ke'ntumwun shi upomuk, o samco otakshkumac konkosin shiw. 25 Osam Te'pIt otI kItwak e'ki iacimot, nikan nkiwapma Kshe'mIne'to pIne` e'nasmupian shiuwak nte'pniw nak, e'wi pwamatpe'ian. 26 IwcI ie'i nte` kimnowankosimkIt ipi nse'knInwakIn kinciwe'nmomkIt wusimI ke'iapI ntuwiasum kInwashmomkIt shi pkose'nmowunuk. 27 Osam kin, cokInkinasi ncipam shi namkumuk, coke'kin kIne'nmasi panakwsIt Nkot e'wiwaptuk mpIshknInwun. 28 KikInomowasha pmatse'ian kin kumoshkIne'sto`w papine'nmowun shi ktIshnakwsiwunuk. 29 NInituk ipi nikane'ituk nocima we'we'nI kuknonum e'witshumuk, o osma Te'pIt iw e'kinpot, ipi e'kinkokasot, ipi i ocipe'okumuk e'ci iIikon te'nI otI e'kishkiwuk. 30 Osam win e'iacimot ipi e'ke'ntuk Kshe'mIne'ton e'kie'tnamukot niw nicansun shiw otowiasum okaocI psukwitnan ni KnaystIn e'wi cipitupnIt shiw cipitupwunuk. 31 Win nikane'kiwaptuk okitshItomowan e'wiapsishnInIt ni KnaystIn nike', ocipamIn, cokinkIc kasin shi namkumuk coke'i otowiasum co kiwaptusin mpIshknInwun. 32 OtI Cibus Kshe'mIne'to kapsukwitnat ie'i kinan caye'k watmake'ikon. 33 Iw ie'i ote'pniwnanuk Kshe'mIne'ton kapsukwitnukot ipi kaminkoni osIn kawawitmakot ni panakwsIncIn CipamIn kanitawe't iw nkom waptume'k ipi nwatme'k. 34 Osam Te'pIt comshu shpumuk shiIsi nIshcI. win tpInwe' kItto, Te'pe'nke't okinan ni Te'pe'n mukwian, cipitupIn shotI nte'pniwnak. 35 Nash kiw shu ukwa me'iane'nmukwiIn e'wipIste'piIn. 36 OtI cI ie'i caye'k otu wikwamwa Isne'iIn we'we'nI okuke'ntana Kshe'mIne'to okiwshuan oie'o Cibus kinwa kaskakwoe'k ne'ne'ish Te'pe'nke't ipi Knayst. 37 Pic cI otI kanotmoat kiptukte'e'shke'k ipi otI okinawan ni PituIn, ipi ni anIt nwakanmIcIn NInituk ipi nikane'ituk we'kwnicI ke'totmukon. 38 OtI cI Pitu okinan kisate'ntmok, ipi kcItapie'nkasok e'tshlie'k shiw tInoswunuk Cibus Knayst e'wi we'pnakoie'k ni kmIashuwe'psiwnawan icI kuminkom i mikwe'wun o panakwsIt Cipam. 39 Osam i wawitmake'wun, kuwawitmakom, ipi ki ktupInoce'imowak ipi ki caye'k pnoc e'icIk; ke'iapI tso Te'pe'nke't Kshe'mIne'tomnan ke'ntomakwe'n. 40 Ipi mce'sh pe'kankInkItwunIn,

kiwitmake', ipi kiki'e'kwe', otl kiki'to, kiskontIsok, shiw ki me'iashuwe'pse'cIk pmats cIk. 41 Pic cI i kanciwe'nmocuk e'kiwtapnumwawat, iw kikitowun, kiki'ltapie'nkaswuk icI i e'kishkiwuk, nsuk mtatswak knIpIc kitshik. 42 IcI kitotmok we'we'nI i nwakancuk ote'pwe'ie'ntumwunwa, ipi tpantuwwun, ipi e'kipikupitowat pkwe'shkIn ipi e'numawat. 43 Ipi se'ksowun, okiwtuskonawa e'tshuwat cipamwan, ipi mce'sh mamkate'ntumwunIn, ipi mataototmonIn kitotmok ki nwakancuk. 44 Ipi caye'k ki te'pwe'ie'ntukuk mamwI kiik; otIpInoe'wsiwnawa mamawI okitupe'ne'ntanawa. 45 Ipi kitawe'k otIpnoe'usiwnawan, ipi otInkackInwan, icI e'ki swe'nmowawat, caye'k nInwun kashumne'snIt cak nInwun. 46 Ipi pIne` e'tso kishkIt nuk e'kimsone'ntumwuk shi kcI nume'okumkok ipi okipikupitonawa pkwe'shkIn, e'tsunuk wikwame'n ipi okimicnawa micum shi mnowankoswunuk, ipi kinkotnInI ote`iwa. 47 E'winwanawat Kshe'mIne'ton, ipi e'mnonwe'awat caye'k nIshInape'n, ipi Kshe'mIne'to okiianke'san ni te'pwe'ie'ntumnIcIn e'tsokiskIt nuk; ki wake'skonkascuk.

3:1 IcI Pitu ipi Can, kiwice'twuk shpumuk kcI-nume'okumkok shaktso tpukIn e'pite'ntakwuk, pic wanumak. 2 Iwcl ukot nInI e'konikIt co kinupmose'si kipmaocIkaso; okisawan e'tso kishkuk e'clI shkwate'mkate'nuk kcI-nume'okumkok e'shnukate'k Ke'cwunuk; e'wintotmowawat mikwe'wunIn nipatike'nIt shi kcI-nume'okumkok. 3 E'wapmatcI Pitu, ipi CanIn e'nmupitike'nut kcI-nume'okumkok okintotmowan mikwe'wun. 4 Pitu cI okikanapman, ipi Can kItwak, WapmIshnak; 5 Iwcl okinaksowapman e'pkose'nmat ke'koe'wiminkot. 6 Pitu cI kIt; Lonia ipi osaw shonia, cointe'isin; nIshcI e'toian kuminIn, Otnoswunuk, Cibus Knayst, Ne'se'nIt nInI, psukwin, ipi pmose'n. 7 Iwcl e'kiskInce'nat ote'pniciwnuk ipi okipsukwitnan iwcl papuk niwslte'n ipi okate'n kiwishksimkIt nI. 8 Iwcl e'kipsukwit kinipwI, ipi kipmose', ipi e'nmowice'wat shi kcI- nume'okumkok, e'nmupmose't, ipi e'nmukwakwaskwse'ot, ipi e'uwinwanat Kshe'mIne'ton. 9 Ipi caye'k ki nIshInape'k oki wapmawan e'pmose'nIt, ipi e'uwinwananIt Kshe'mIne'ton. 10

Okikike'nmawancI e'ki cipitupnIt shi ke'c wuntInuk shkwate'muk
kcI-nume'okumkok icI kimoshkne'shkakwnawa kimamkate'ntumwun
ipi okimamkate'nmawan kashu shuwe'ntakwsInIt. 11 Iwci o
pwanupmose't nInI kane'se'e't okimackonan PituIn ipi CanIn, caye'k
ki cIshInape'k ki pItok e'ciInIt shkwate'muk e'shnukate'k Sanuman,
otIshkwate'mwun kcImamkate'ntumwan. 12 Iwci pic Pitu kawaptuk,
okiknonan ni nIshInape'n, Kinwa isne'iuk nInwuk, we'kw nicI
we'cmamkate'ntume'k otI ipi we'kwni, we'ckanapmiak, ke'cwa ninan
te'pinak nwishkIsiwnInan tanke', nmInoshuwe'psiw nInan
kaocIkshkukIt otI nInI e'wipmose't. 13 Okshe'mIne'tomIn.
E'pe'ne'e'm, ipi Aysik, ipi Ce'kap, ipi okshe'mIne'tomwan kosnanuk
oki kcI pite'nman okwIsIm CisuusIn kinwa kapkIte'n me'k, ipi kaian
we'nme'k e'nasmupIt Payne't, pic kawishte'pwe't e'wipkItnat. 14
NIshcI kianwe'nmawa panakwsIt, Nkot ipi me'noshuwe'psIt, iwci
kintuwe'nmawa e'wipkIte'ntmakoie'k. 15 Okanshuwe't kintonawa
okuma pmatsowun Kshe'mInato kapsukwIt nuk shi npoonuk ninan
iwe'cwitmake'iak 16 Ipi otInoswunuk, ote'pwe'ie'ntumwIn shiw
otInoswunuk, kaocI oshe'It otI nInI e'wishkIsIt kowapmawa ipi
kuke'ntanaw we'we'nI ote'pwe'ie'ntumwun shiw tInosunuk we'cminIt
otI kwiuk we'cne'se'e't e'nasmupie'k kinwa caye'k. 17 Ipi nkom
nikane'ituk, Nin kuke'ntan, ke'ko e'pwakuke'ntume'k iw, kaocItotme'k
katotmowat ke'ki ktokmamwak. 18 NIshcI notI clie'k Kshe'mIne'to
nikan kashu knomowat ni caye'k NakanacmoncIn, ni KnaystIn
e'wikwutuke'ntumnIt, iwsI kanomkIt nuk. 19 Kisate'ntumok, ipi
kwe'knoik tanakmIcshuwe'psiwnawan ktakasipie'makom, pic
piamkuk e'wshkinakwutot e'nasmupIt Kshe'mIne'to. 20 Cisuus
KnaystIn, okupie'nokanan ke'isha kashupie'wawitmakoie'k. 21
Kishuk win, ke'otapnukot nash kiwcItsunuk cake'ko, win
Kshe'mIne'to, kashI kikitot shiw toninuk caye'k panakwsIncIn Nakan
acimocIn nash e'kowe'pkiwuk 22 Mosis we'we'nI okinan nosnanIn
Nakan acimot Kshe'mIne'to Se'pe'nmukwie'k, kupsukwit namakwa
kikane'iwak ke'cwa nin, winsu kupsItwawa cake'ko, we'kwe'ntuk
ke'koie'k. 23 KnomkItcI we'kwe'ntuk cipam ke'pwapsItwakwe'n ni
nakanacimocIn win kupinatsI me'kwe' nIshnape'kI. 24 Ipi caye'k

we'piacimocuk Se'mwInIn ipi ki ke'naktone'wacuk e'tshowat kakItwat winwake' okinikan iactanawa notI e'kishkiwuk. 25 KinwasI ktonicansumkowak Nakan acimocuk, ipi wawitmatwun, Kshe'mIne'to kawawitmowat kosnanIn okinan E'pIne'e'mIn, ipi knicansuk caye'k noe'twun shotI kik kIshwe'ntakwsik. 26 Kshe'mIne'to kapsukwitnat okwIsIn CibusIn, okinokanan kinwa ne'tum e'wishwe'nmukwie'k, e'wiwe'pnumakwie'k kmiashuwe'psiwnawan.

4:1 Me'kwe'cI e'ie'knonawat ni nIshInape'n me'matmoncIn ipi Kapte'n shi kcI-nume'okumkok ipi Se'cwsuik, oki pie'naskakwan. 2 Kikisate'ntumwuk e'ki knomowanIt ni nIshInape'n, ipi e'kie'kwe'nIt, i e'wionIshkanIt, ni ne'poncIn shi CibusIn. 3 OkimshunawancI, ipi okikpakwawan nash wiapnInuk osam e'nmupkonianuk. 4 NIshcI mce'sh okite'pwe'takwan, kanotakwat nianuk mtatswak nInwuk kitshik kate'pwe'takwat. 5 KanomkukcI wiapuk kiw nakanse'cuk, ipi otukwe'simowan, ipi we'npie'makwcIn. 6 Ipi E'ne's ke'cmatmot, ipi Ke'Ipe's ipi Can, ipi E'nukse'ntu, ipi e'tshowat e'nwe'mawacIn ni ke'cmatmonIt kimaoce'tik shi Cinose'ne'muk. 7 IwcI na`wiukwan kacipitupawat okinatowawan. We'kwnicI kshke'osuwun tanakI we'ni otInoswunuk otI kaocItotme'k. 8 IwcI Pitu e'moshkIne'shkakot, PanakwsIncIn CipamIn, otI okinan, kinwa nakane'nmukwie'k nIshInape'k, ipi e'kwe'simukwie'k ki isne'iun 9 KishpIn nkom e'kishkiwuk natakoik, we'cmnototwut, otI pwanu`pmose't otI nInI, kaocI ne'se't? 10 Kuke'ntanawa kinwa caye'k, ipi caye'k nIshInape'k shi isne'iuk, shiw tInoswunuk Cibus Knayst Ne'se'ni nInI kaskakowe'k Kshe'mIne'to kapsukwitnat e'kinponIt, winsI otI nInI we'cniptwIt e'ne'se't e'nasmupie'k. 11 OtIsI ie'i sIn, kawepne'me'k we'ske'ie'k, iw sI ie'i ne'tmIsuk shi e'wikwe'ak. 12 Coke' pe'kanuk ke'skonwe'wun otItosin cowi pe'kanuk noswun namiukwun kishkok minasik ninwuk ke'ocI ke'skonkoikon. 13 IwcI kawaptumwawat i onikansiunawa ni PituIn ipi CanIn, e'ke'nmawat ke'ko e'pwake'ntumnIt okimamkate'nmawan ipi okinaktowe'nmawan e'kipmowice'wanIt ni CibusIn. 14 Ipi e'wapmawat, ni nInwun, kane'se'mIt e'wickapwItakwat coke'ko okinasiwan. 15 PicI

kamace'nashkawawat shi e'tshI kikitowat okitshItanawa winwa. 16
OtI kItwuk, TInicI ke'totwukon kotI nInwuk we'we'ne'se'
mataonokie'wun kitotmok ke'iapI caye'k waptanawa e'tacuk shi
Cinose'ne'muk, coce' ktanIakwne'tsimIn. 17 E'pwamshI cI
kuke'ntumwat nIshInape'k kuikwamamIn, e'wipwa kinonawat wIi
nInwun shi i noswunuk. 18 Iwcl e'kintomawat ipi okinawan ke'ko
e'wipwakItnIt, ipi e'wipwakukinomake'nIt shiw tInoswunuk CibusIn.
19 Iwcl Pitu ipi Can, okinkwe'twawan otI okinawan, Nakitowe'ntmok
kinwa wusIme'nI kau`wunIt e'wiwaptuk Kshe'mIne'to e'wipsItoukon
kinwa wusimI icI Kshe'mIne'to. 20 CosI ntakshkItosimIn
e'wipwatshItmak notI ke'ko kawaptmak ipi kanotmak. 21 Iwcl
wusimI kaikwamawat okipkItnawan e'pwamkumwat ke'ko e'wiwcl
mcl totwawat osam e'kwsawat ni nIshInape'n, caye'k nInwuk
okiwinwanawan Kshe'mIne'to i katotmInIt. 22 WusimI nie'waptuk
kitsoponkIsI onInI kamataone'se'It. 23 Iwcl kapkItnItwa kishie'k
e'tnukie'wat ipi kiactanawa caye'k, kakowat, ni ke'cmatmoncIn, ipi
ke'ctaose'cuk. 24 Iwcl i kanotmowat, mamawI okiwawinawan
Kshe'mIne'ton, otI kItwuk Te'pe'nke'n Kin Kshe'mIne'to, KawshIton
kishuk, ipi kI, ipi kcIkum, ipi caye'k pic iukwan e'te'k. 25 Kin
kpumitakam Te'pIt otonik kikIto, TacIki me'ikIscIk,
kaocInshkatsowat, ipi ki nIshInape'k kaocI shIte'awat ke'ko
me'ante'nuk? 26 We'kimaocIk shotI kik, kipsukwik ipi nakanse'cuk
kimaoce'tik e'nshke'nmawat Te'pe'nke'ncIn, ipi e'nshke'nmawat, Win
KnaystIn. 27 We'we'ne' te'pwe'wIn kinshke'nmawan ni
panakwsIncIn, knicansun CibusIn kin kawe'napmIt, E'nut ipi Pantus
Payne't ipi ki Me'ikIscIk, ipi ki nIshInape'mIn isne'iun kaocI
maotoshnowat. 28 E'witotwe'k we'kwe'ntuk knIciwan ipi
ktIshte'e'wnowan, kane'nme'k e'pwamshI i totwe'k. 29 Ipi nkom
Te'pe'nke'n waptumo`u kote' ome'iushtakwsonowa, ipi mish
kupumitakaimuk, e'wiwishkIte'awat e'witshItmowat i kukikitowIn. 30
E'wishipnIce'niIn, e'wine'se'we'n, ipi me'matawiak, ipi
mamkate'ntumwunIn e'wiwcl wshItok shiw, tInoswunuk panakwsIt
knicanIs Cibus. 31 Iwcl kakishnumawat shi cace'iIwat,
kiunukshke'nI; katshI maoce'tiwat, ipi caye'k,

okimoshkIne'shkakwan, panakwsIncIn cipam kiwishkItle'kcI
e'kitshItmowat okikitowun Kshe'mIne'to. 32 Iwcl kimaoce'ticuk
cate'pwe'twacuk kin kot nInI ote`iwa ipi kinkotwin cipamwan, coke'
wliI ke'ko okishItsini i te'pe'ntuk, win e'ilt, okimsotpe'ntanawa
cake'ko. 33 KcI wishkIswun cIki, nwakancIk, kikukInomake'k i
Te'pe'nke't Cisuus kiwonIshke' e'npopIt; icI kcI shuwe'ncuke'wun
caye'k okiInawa. 34 Coke' wliI e'tshowat kintowe'nkuke'si e'tshowat
katpe'ntukuk otukimwa tanake' e'tawacIn kitawe'k, ipi, kipie'tonawa
kapite'ntakwtunuk, ni katawe'wacIn. 35 Iwcl mcliakwan okitonawan
e'nasmup nIt ni nwakancIk osItiwak, icI e'kimatu`mwat e'tshowat
nInwuk, e'shntawe'ntumwat. 36 Ipi Cosis ki nwakancIk
kashuwawinItke' Pe'ne'pe's, e'iauke'notmuk, We'kwIsmukot
mnowaukoswun, Nipayt nInI ipi e'tnukie't Saypusuk.. 37 OkiIn, kI
kitawe'cI, ipi okipie'ton i shonia, icI e'kipie'pkItnumwat ni nwakaucIk
e'tshIste'pnIt.

5:1 NIshcI nkot nInI E'ne'naye's kishInkaso mamwI Se'payne' wiwun
kitawe'k otInpnowe'wsiwnawa. 2 Iwcl i e'kiuwat i anIt
kapite'ntakwte'nuk ke'iapI ni wiwun okike'ntan icI i anIt e'kipie'tot,
ipi okipkItnumwan ni nwakancIk osItinuk. 3 OtI cI Pitu okinan
E'ne'naye's, TacI mclmIne'to kashI moshkIne'sat kte`ik e'wikInwush
ke'nIt panakwsIt cipam, ipi e'kiwtapnumIn, anIt i kapite'ntakwuk i
kI? 4 Shi e'ie'te'k conI kin, kitpe'ntusin, ipi katawe'n conI ktakinI`
wishkInsin TacI otI kaocI shIte'an shi kte`ik cosuwi kuknosh
kumasik nInwuk Kshe'mIne'toie'k kuknoshkumu. 5 Iwcl E'ne'naye's
e'notuk notI kikitonIn kipmukocIn, ipi okipkItnan ocipamIn icI kik
cIse'ksik caye'k ki kanotkuk notI. 6 Iwcl ki oshkInowe'k
e'kipsukwiwat ipi okiwiwe'knawan icI e'kisakconawat icI
e'kinkowawat. 7 NsotpukIncI e'pite'ntakwuk wiwun e'pwake'n tuk
kanomkIt nuk kipie' pitike'. 8 PitucI otI okinan WitmoshIn iwnItso
kanukite'k i kI? otIcI okinan e`iwsI kanukite'k. 9 Pitu cI otI okinan,
TInicI e'shwitokwtatie'k e'wikwcite'pe'nme'k ocipamIn Te'pe'nke't
PInI osItiwanki kawInkowacuk knape'mIn cik shkwate'muk ke'iapI
kin ksakconukok. 10 Iwcl e'kipmukocuk kie'nup shiw osItik cI

okipkItnan ocipamIn, icI ki oshkInowe'k kipie' pitike'k, ipi okimkawawan e'nponIt icI ke'win e'kisakconawat okiwunkowawan cik iukwan onape'mun 11 KicI saksikI caye'k ki te'pwe'ie'ntukuk ipi e'tshuwat kanotkuk notI. 12 Iwcl ki nwakancuk shi onIciwak kinInkie'k mce'sh mataototmowun ipi mamkate'ntumwun me'kwe' nIshInape'ke', (ipi caye'k mamawI kiikikshi sanamun otI shkwate'muk.) 13 KicI pe'kanse'cIk cowIiI nInI okiwitokwasiwan kicI nIshInape'k okikcI winwankowan. 14 WusimIcI okite'pwe'twawan Kshe'mIne'ton patie'n wucuik nInwuk ipi kwe'k. 15 Iwcl kaocI pie'nawat iakwnokancIn shiw otan mie'uwuk, ipi mpaknuk okishkIshmawan te'pnak e'wikIckakshkumakwat anIt ni PituIn e'ie'pmose'nIt. 16 Kipie' ocI sakumwuk maoce'ticIk shi kcI otanIn, kiw tayiukwan Cinose'ne'muk e'pie'nawat iakwnokancIn, ipi ni McIme'ton e'kIshkwancIn, icI caye'k kine'se'k. 17 Iwcl e'kipsukwit kcI me'matmot ipi ni caye'k watokakwcIn Se'cwsIn kimoshkIne' nshkatsikI. 18 Iwcl e'kimackonawat ni nwakancIn icI e'kikpakwawat kpakwotiwkumkok. 19 Kshe'mIne'to cI omIshIne'we'mIn e'pkonianuk okipie'n sakwnan kpakotiukumuk shkwate'me'n icI e'kipie' sakcowunat ipi otI okinan. 20 Shiak ipi wunipwuk shi kcI-nume'okumkok ipi witmouk ki nIshInape'k i caye'k kikitonIn otI pmatsowun. 21 Iwcl pic kanotmoat i kipitike'k shi kcInume'okumkok kukishie'p, ipi kiknomake't kcI me'matmot kipie' ipi ni kapie' wice'okot okintoman e'wikikitowat ipi caye'k okIctaos simwan Isne'iIn OnicansIn ipi kinokashwe' shi kpakotiwkumkok e'wi pie'ckasnIt. 22 NIshcI okumuk kapiawat ipi kapwa mkuwawat shi kpakotiwkumkok kikiwe'k ipi kiwitmake'k. 23 OtI kItwuk we'we'nI nkimkamIn i kpakotiwkumuk e'wike'kpak wukate'k ipi ki e'kwapicuk sakciukwan shkwate'muk e'nipwowat nIshcI kansakwne'mak cowIiI nInI nkimkawasimIn shi pituk. 24 Iwcl pic kanotmoat kcI me'matmot ipi Kapte'n shi kcI-nume'okumkok, ipi me'matmo cuk kikwInwune'ntumwuk we'kwe'ntuk otI we'cnomkItIke'n. 25 Iwcl nkot okipie'witmakwe'n otI kikiIto PInI kiw nInwuk kakpakwe'k shi kpakotiw kumkoki ni pwik shi kcI-nume'okumkok ipi o kuknomowawan no nIshInape'n. 26 Iwcl e'kishiat Kapte'n,ipi ki

okumac tokumci okinanawan osam okikwsawan ni nIshInape'n e'wisInokwat. 27 Iwcl kapie'nawat okicipitupawan e'nasmupwat shi kikitonuk icl o kcl me'matmot okinatawan. 28 Otl okinan, Conl kiikwamIsnonmIn e'wipwe'knomake'ie'k shi noswunuk icl pInl kimoshkIne'stonawa shi Cinose'ne'muk, i kukie'kwe'wunawa ktne'ntanawacI e'wipie'twuiak o nInl muskwim. 29 Iwcl Pitu, ipi kipe'kanse'cll nwakancIk kinkwe'twawan, otI okinawan Kshe'mIne'to sl wusiml nta`te'pwe'twamIn, icl nInwuk. 30 Kosnanuk okshe'mIne'tomwan okipsukwitnan CisuusIn kinwa kanse'k ipi kakone'k mtukok. 31 Win Kshe'mIne'to, kapsukwitnat ote'pnIciwnak e'wi okumaonIt, ipi ke'skonwe'nIt e'wiminat kisate'ntumwun, ni Isne'In; ipi pone'ntumwun miashuwe'psiwnIn. 32 Win sl ninan we'c knomake'iak notI ke'ko, ipi winke' PanakwsIt Cipam, Win Kshe'mIne'to kaminat ni te'pwe'takwcIn. 33 Iwcl i kanotmowat ki okiptukite'e'shkakwnawan ipi okitshImawan taocInsawat. 34 Iwcl nkot ki nipwI shi atshI kikitowat Pe'ne'si nInl shInkaso ke'me'niIn ke'knomake't i tpakwnuke'wun, okicInme'nukon caye'k ni nIshInape'n, e'wisakcocIkasIt ni nwakancIk kishowe' nomuk. 35 Otlcl okinan, kinwa isne'iIn, nInwuk ikwame'ntumok kiiwawa, otI watotwe'k kotI nInwuk. 36 E'pwamshI notI e'kishkiwuk kipsukwiwak Tiwtie's kiwinwantIso e'kcl pite'ntakwsIt, nie'waktso nInwun okiwitokwawan kansIckasIt ipi caye'k kikate'pwe'twacIk kiswe'shke'k cocI ke'ko, kipite'ntakwse'sik. 37 Iwcl minl kipsukwi Cwte's Ke'ne'ni nInl, shi e'kishkiwuk, i maocIcke'wun, ipi mce'sh nIshInape'n kipmnashkakon winke' ke'iapI kipnatsI, ipi caye'k, tso kate'pwe'takot kiswe'shke'n. 38 Otl nkom ktInum ponikwouk kotI nInwuk ipi ponmuk kipIn otI kiktowun tanake' mikce'wiwInInwuk, ocupiamkuk coke'ko ke'nomkIscon. 39 Kshe'mIne'tok kishpIn ocupiamkuk cokitapinactosinawa kcumiuk ke'iapI ktamkakom, e'mikane'k Kshe'mIne'to. 40 Kite'pwe'twawancI, icl kantomawat ni nwakancIk, icl kapsItie'wawat okinawan e'wipwa kikitowat shiw tInoswunuk CisuusIn icl e'kipkItawat. 41 Iwcl shi kiw nmamacik shiw e'tshi ki kitokiwnunuk, nmumnowankoswuk i e'pite'ntakwse'wat, e'wiwcl kwtukitowat, otInoswunuk CisuusIn. 42

Iwcl e'tso kishkuk shiw kcI-nume'okumkok ipi e'tsuk wikwaman cokipon kInomake'sik, ipi kipun kie'kwe'sik, shiw tInoswunuk Cibus KnaystIn.

6:1 Iwcl e'kishkiwuk, pic, ki wusimI katshuwat kite'pwe'ie'ntukuk, kipsukwimkItInI mcIkikitowun ki Knishie'nuk okinawan ni ipiniwiIn osam ni oshikamwan, e'kipwapame'ntakwsInIt shi e'tso kishkuk pmitake'wun. 2 IcIki mtatsoshItnish, okintomawan ni maoce'tincIn ni te'pwe'ie'ntumnIncIn e'ciuwat otI cI okinawan, Co su wi wunsmon e'winkItmokon Kshe'mIne'to okikitowun icI. e'wipmitmukon, topwunIn. 3 OtIcI ie'i, nikane'ituk, we'napmuk kin mamawI nouktso nInwuk me'nwacIkascIk moashkne'shkakwcuk PanakwsIncIn Cipam, ipi npwakawun, e'wi otI, miktumwat mikce'wiwun. 4 NIshcI win ninan nkumikwe'mIn niwunanIn moshuk e'winumaiak ipi e'wipmitmak i kikitowun. 5 IcI i kItwun okimnwe'ntanawa ki caye'k maoce'ticuk ipi e'kiwe'napmawat StipnIn, nInI moashkne'sanuk te'pwe'intumwun, ipi ni PanakwsIucIn CipamIn, ipi PInip Pnokonus ipi Nayke'na, ipi Taymun ipi Pminus ipi NIkone's te'pwe'ie'ntuk shi E'ntiakuk. 6 Ni wie'ni kaciptupawacIn anasmupnIt ni nwakaumIcIn, pic kanumawat niw nIciwan okitonawan shi wiwunuk. 7 IcI i Kshe'mIne'to okikitowun wusimI kimaue'nI, ipi katshawat, kite'pwe'ie'ntukuk wusimI kitshik, shi Cinose'ne'muk, ipi ke'cmaoce'ticuk kime'matmocuk, kite'pwe'tanawa i te'pwe'ie'ntumwun. 8 IcI StipnIn e'moshkIne'shkakot i te'pwe'ie'ntumwun ipi wishkIswun kitotum, kcI-mas kate'ntumwunIn, ipi mataonInkie'onIn shi e'kiiInIt ni nIshInape'n. 9 Pic, cI kipsukwik anIt shi nume'okumkok, iw kashInkate'k otInume'okumkomwa ki, Nipintin nInwuk, ipi sayniniuk ipi E'ne'kse'nte'niuk, ipi ki kaie'cuk Sinishie'iuk, ipi E'shie'iuk okiakwne'twawan ni StipnIn. 10 Cocu okikshkItosinawa, e'winkwe'tmoawat iw ne'pwakawun, ipi i cipam iw kaocIkikitot. 11 OkinokanawancI, nInwun e'wikItInIt nkinotwamIn otI, e'pcIknonat ni MosusIn, ipi ni Kshe'mIne'ton. 12 IcI e'ki opwe'awat, ni nIshInape'n ipi ni onikansimwan, ipi ki we'npie'ke'cuk, icI e'kipie'naskawawat, ipi okimshInawan icI e'kipitkInawat shi

e'tshu, kikitokiw nInwuk. 13 Ipi okipie'nawan, waknoshkacmacIk otI kikitwuk, otI nInI co ponkikitosi e'pItshItuk otI panakwuk nume'okumuk, ipi i tpakwnuke'wun. 14 Osam nkinotwamIn e'kItot otI Cisuus Ne'se'ni NIn nI okupnacton otI nume'okumuk, ipi oke'iacton iw otIshcIke'wun Mosus kamiukoikon. 15 Ipi ki caye'k, kacipitupcuk, shi e'tshI kikitokiwuk kan okinapmawan, okiwapmawan shiw shkishkonuk e'shInakwsInIt ke'cwa, mshInwe'n.

7:1 Iwcl otI kikito kcI me'matmot, inI notI e'nomkuk? 2 OtIcI kikito NInituk ipi nikane'ituk ipi nostuk psItwushuk Kshe'mIne'to ome'nwankoswunuk; okiwaptaan wi`ow Kosnan E'pe'ne'e'mIn e'ie'iIt shi Misopote'mi e'pwamshe'tat shi Ke'ne'nuk. 3 OtI cI okinan ocI macin shi e'tnukie'n, ipi e'tshI nowe'tasiIn, icI shian ke'knomonan, ksh. 4 Iwcl shi kapie'ocI sakuk otukimwak shi Ke'ntie'nuk nIshInape'n ipi kite'wak shi Ke'ne'nk ici shi kanponIt ni osIn okipie'shonan shotI nkom e'cI tayie'k. 5 Co cI ke'ko kiminasin tpInwe'osuwun cotIna wacI pInkit nIshcI kiwawitmowan e'wiminat tpInwe'osuwun ipi ni nicansIn wapie'pmatsInIt e'pwamshI onicansut. 6 OtIcI Kshe'mIne'to okishIknonan niw nicansIn e'witanIt Me'ikIsnIncIn otukimwak ipi e'wi miashtotwumIt, ipi e'wikwtukumIt nie'wak tsopon. 7 KicI nIshInape'k ke'otokianawat nkItpakwnak Kshe'mIne'to okinan icI kupie'macik ipi nkupmitakok shotI e'ciIuwat. 8 OkiminancI wawitmatwun shiw tpakwn uke'wunuk. Ipi E'pne'e'm kiwosmukon ayse'k icI kitpakwnan ka shwatsokwnuktunuk ipi ayse'k kiw osmukon Ce'kap ipi Ce'kapIn kiwosmukon mtatso shItnish Osma. 9 NIshcI osmak e'nshke'nmawat kitawe'k CosipIn shi Iciptuk nIshcI Kshe'mIne'to okiwise'wan; 10 E'kikwtukste'nIt cI okike'skonan, ipi okiminan mnoshuwe'psuwun ipi mpwa kawun e'nasmupnIt Pe'noiIn okuma shi iciptuk, icI e'kiwshuat e'wi nikane'ntakwse'nIt caye'k shi iciptuk ipi caye'k i e'tat. 11 Iwcl kipie'mkIt kcI-pkIte'wun caye'k e'kiwuk iciptuk ipi Ke'ne'nine'k ipi kcI kwtuke'ntumwun, ipi kosnanuk cokimkIsinawa waocI pmatsowat. 12 NIshcI Ce'kap kanotake't e'pInIt shi ntamnIn iplI Iciptuk okinokanan ne'tum kosnanun. 13 Iwcl nishuk kashiawat Cosip

wikane' iIn okikuke'n mukon ipi Pe'no okikuke'n man Cosip
e'nwe'mancIn. 14 Cosip cI kinokashwe' ipi okintoman ni osIn
Ce'kapIn ipi caye'k ni e'nwe'macIn nouksomtIne' shItnianIn kitshik.
15 Iwcl Ce'kap kishie'wak Iciptuk ipi shi kitpIne` kosnanuke'. 16 Ipl
cI kishocukaswuk shi Saykumuk ipi shi kinkokaswuk cipe'okumkok
E'pne'e'm kakishpnItwacIn e'kiminat shonia ni We'kwIsmukwacIn
E'maiIn kaosmat SaykumIn. 17 Iwcl pic ci kiukwan e'piamkuk
Kshe'mIne'to kawawitmowat ni E'pne'e'mIn ki mnokwuk, ipi
kimane'k nIshInape'k shi Iciptuk. 18 Nash pe'kansIt kapsukwit kcI-
okuma kapwake'nmat ni CosipIn. 19 Win okiwie'shan e'nwe'nkonuk
ipi okim iashtotwan kosnanIn iwkaocI we'pnawat otoshknicansowan
e'wipwa pmatsInIt. 20 Iwpic Mosus kinikwakak cowunsut ipi kitshI
ka`owe'pcIkaso shi osIn e'tanIt nso kisIs. 21 Pic cI
kasakcowe'pnukasot, Pe'no otansIn okiwtapnan ipi kikishkInmatso
e'wi okwIsmat. 22 Mosus caye'k okike'ntumwan onupwa kawunInIn.
Ini Iciptuk nInwun ipi kiwish kIsI shi okikitonuk, ipi
otInkumkIsuwunuk. 23 PicI kwiiIn nie'waptuk katsoponkIsIt kishIte`e'
e'wiwI mpwacat; ni wikane'iIn kaonicansumkowacIn ni Isne'iIn. 24
Iwcl nkot e'wapmat e'miashtotwumIt ipi okiwickapwItwan ke'ko
e'wipwato twumIt ni me'iashtotwumIt icI e'kinsat ni Iciptuk nInI. 25
Okine'nmanI ni wikane'iIn e'ke'nmanIt ni Kshe'mIne'ton win one'cik
e'wi ocI pkIt nukasasat cocI okike'ntusInawa. 26 WiiapnInuk cI
okiwaptan wiiow` me'kwa e'kikatwat, icI okine'nman e'wi
mnototatnIt minI otIcI okinan PInI ktowikane'itum We'kwnicI we'c
miashtotatie'k. 27 Iwcl o kamiashtotwat ni nkot okikatokon otIcI
okinan We'nicI kaoshuuk e'wikawapme'iak ipi e'witpakwne'iak. 28
KInshInI ke'cwa katotwIt o iciptuk nInI onako? 29 Pic cI otI kanotuk
Mosus kiwshumo cocI kike'ntakwse'si shi Mitie'nuk e'kiwuk shi
katshI osmukot nish okwIsun. 30 Iwcl nie'waptuk tsopon katpIsak
Kshe'mIne'ton omIshIne'we'mIn okiwaptu`ukon wiiow` shi
na`wmtukwakik e'pkotniak Sayne'e'iuk shi e'pskone'nuk mtukosuk.
31 PicI Mosus kawaptuk okimamkasaptan kawapituk icI pe'shoc
e'pie'naskuk e'wiwapituk okiwtuskon Kshe'mIne'to okikitowun. 32
OtI kikitwun Nin koswak okshe'mIne'tomwan ipi E'pIne'e'm

okshe'mIne'tomIn, ipi ayse'k okshe'mIne'tomIn ipi Ce'kap
okshe'mIne'tomIn; icI Mosus kinukshke' ipi okikwtan e'wiwaptuk. 33
Iwci Kshe'mIne'to otI okinan we'pnIn ni kmuksInIn osam shi e'ci
nipwin pinakwut, ne'kwuk kI. 34 Nkiwapitan, Nkiwapitan
okwutke'ntumwwnwa ntInIshInape'muk e'icuk shi Iciptuk ipi
nkinotmowak omumatwe'onuwa, i we'c pie' ni sasiian e'wi pkIt nukwa
pianci ke'nokanIn shi Iciptuk. 35 OtI ie'o Mosus kaiakwne'twacIn
okinawan We'nici kaoshauk e'wikawapme'ie'k, ipi e'wi shpakwne'iak
otI ie'o Kshe'mIne'to kanokanacIn e'wikowapmat, ipi
e'wisakonawe'nIt onIcinuk ni mIshInwe'n kawotuskocIn shi
e'pskone'nuk mtukosuk. 36 Kakish waptaat mamkate'ntumwunIn ipi
kInwatIntumwunIn shi Iciptuk ipi shi msko kcukumik ipi
no`umtukwakik nie'waptuk tsopon oki sakicawunan. 37 OtI ie'o
Mosus kanat nicansIn isne'iIn kikane'iwak Kshe'mIne'to
Te'pe'nmukwuie'k okuoci psukwitnamakwa Nakan acimot ke'cwa nin
WinsI kupsItwawa. 38 OtIsI ie'o kawitokwacIn te'pwe'take'ncIn shi
no`wmtukwakik ke'iapwke'ni mshInwe'n kaknonkocIn, shi
e'pkotnianuk Saynie'uk ipi ke'iapI kosnanuk kaotapnukuk, kakuk
kikitowun e'wi min koikon. 39 Niwie'ni kosnanuk kapwa
te'pwe'twawacIn nkociie'k ikishi katwawan ipi shi kishi'e'k
ote'iwak e'wi kiwe'wat minI Iciptuk. 40 Okinawan ni E'nunIn
oshItwushnak Me'ntokascIk e'winmInikaniwat, Win otI Mosus kapie'
oci sakconImIt shi e'kiwuk Iciptuk coukuke'nmasimIn e'ciIt. 41 Iwci
ni e'kishkiwuk okiwwaawan pshukisun icI e'kiciknumwawat
mikwe'wun ni me'ntokasnInIn kimnawankoswukci kashi
mikce'wiwat tpInwe' winwa onIciwan. 42 Iwci Kshe'mIne'to
e'kinkInat ipi okipkIte'nman e'winume'ktuwanIt ni maoce'tincIn
shpumuk e'npie'kate'k shiw omusnIkInwak ki Nakanacimocuk, O
kinwa wikwamuk isne'iIn kipie'tnumwumnI ne'scIk we'siuk ipi
mikwe'wunIn niawapituk tsopon shi no`wmtukwa kik? 43 We'we'nI
kiwtapnanawa pukwoian wikwam i Monak ipi otInukomIn
kmIntomwa Nimpin me'ntokas cuk kaoshi'e'k e'wi nume'kitawe'k, ipi
kumacinum wushinowuc Pe'pe'nunak; 44 Kosnanuk okiiI nawa i
pukwoian wikwam ke'ke'ncukate'nuk shi no`wmtukwakik

kashukumowat kiwitmoan MosusIn i e'wishI oshItonIt
 kashuwapitukupIn, 45 Ke'iapI ki Kosnanuk shkwe'iak kapiacuk
 okipie'nawan CibusIn shi otukimnInuk Me'ikIscIk niwie'ni
 Kshe'mIne'to kamace'nashkawacIn masmasukawunIt kosnanIn nash
 otukishki muk Te'pIt. 46 Winwa kamnototakwat Kshe'mIne'ton ipi
 okinuwe'ntanawa wikwam e'wimkumwawat Ce'kap
 okshe'mIne'tomIn. 47 NIshcI Sane'mun okiwshItwan wikwam. 48
 NIshcI Mamoshpe'ntakwsIt wikwamuk we'shcIkate' nuk cote'si
 e'shkItot Nakanacimot. 49 Spumuk sI i; Ntuptie'pwun, ipi kI ntupsIt
 e'pwun, TInicI e'shnakwuk wikwam ke'oshItwin? KItywak
 Kshe'mIne'to tanake' tInipi tatshI nwashmoian? 50 ConI nlce'n
 nkiosinIn notI caye'k e'kiwshItoian? 51 Kinwa capcukwiiuwaie'k ipi
 washkIte'aie'k ipi kito`kawan kinwa pIne', knIshke'nmawa o
 PanakwsIt Cipam koswakatotmowapItiw ke'kinwa e'totme'k. 52
 TIninukcIki Nakanacimocuk kapwa kwtukawat kikoswak? ipi
 okinsawan ni kaknoma kwacIn nikan e'pwamshupianIt ni Nkot
 Ne'pwakat kinwa kawie'she'k, ipi kanshuwe'ie'k. 53 MishInwe'k
 kiminkowak i tpakwnuke'wun cocu kiwtapnIsinawa. 54 Pic cI otl
 kanotmoat notI kiptIkte'e'shke'k ipi okiwmtwe'iapte'twawan. 55
 NIshcI win e'moshkIne'shkakot ni PanakwsIncIn CipamIn; shpumuk
 kankinapI okiwaptan Kshe'mIne'to ome'nwankoswun, ipi CibusIn
 e'nipwunIt shi ote'pnIciwnak Kshe'mIne'ton. 56 Ipi otl kikito PInI
 nowapitan shpumuk e'nsakshkak, ipi We'kwIsmIt NInwun e'nipwut
 ote'pnIciwnak Kshe'mIne'ton. 57 Iwcl kiwishkowe'k, ipi oki
 kpakwanawan ota`wkawan okimsomwunawan. 58 Ipi
 kisakciwe'pnawan shi kcI otanuk icI e'kisInwawat kicI kapatamacuk
 okikiskanawan paskumwacIn, ipi okitonawan e'tshIste'pnIt nkot
 shkInowe' San, kishInkaso. 59 Iwcl e'kisInwawat ni StipnIn
 okiwawinan Kshe'mIne'ton ipi otl kItwak, Te'pe'nke'n Cibus otapIn
 ncipam. 60 Iwcl e'kiowucikwnIkapwut, ipi kiwishkowe' e'kinumat
 Te'pe'ke'nke'n ke'ko nkot ne'nmakIn otl e'shmiashtotmoat icI
 kakishkItot, iw kashukwoukw`shuk.

8:1 Ipi San kiwitokaso e'nsumut. Iwcl pic kicI miashtotwak ki

te'pwe'ie'ntukuk kaie'cuk shi Cinose'ne'muk, ipi caye'k kiswe'shke'k caye'k e'nkokwkwkumkiak Cwtie'uk, ipi Se'me'ne'iuk, mtInoie'ki e'nkacuk. 2 Iwcl ke'cmno shuwe'pse'cIk nInwuk okimacinawan StipInIn e'winkowawat, ipi okikcImao`mawan. 3 San cl, okinshonacan, ni te'pwe'ie'ntumnIcIn, e'pmupitke't, e'tsunuk wikwame'n, e'saktItacmat nInwun ipi kwe'n, e'pitke'we'pnat, kupakwotiwkumkok. 4 Osam cl otI kaswe'shkawat kishie'k, cak nkoci e'pmukie'kwe'wat. 5 Iwcl pic Pinip, kiniscowe', kcI otanuk shi Se'me'ne'uk, ipi okimnwactumwan KnaystIn. 6 Ipi ki nIshInape'k oki mamwe' te'pwe'twawan ni PinipIn, kakItnIt e'psItwawat ipi e'wapmawat, kashumataototmInIt. 7 WansIncIn mIne'ton kakukIshkwanIt, kiwishkowe'n e'pie'sakumnIt ipi mce'sh kaie'cuk nie'psowun ipi kapwanIupmose'cuk, okine'se'an. 8 KicI pakine'nmok, shi kcI-otanuk. 9 NIshcI nkot nInI Sayiman kishInkaso, pic i e'pwamshI piamkIt nuk, shi otanuk, okikie'patsian ni nIshInape'n shi Se'me'niuk e'witmowat win e'kcIpite'ntakwsIt. 10 Caype'ksI okipsItwawan cak wIiI otI kikItwuk otIsI nInI, ote'ion, owishkIswun Kshe'mIne'to. 11 WinsI okipsItwawan osam kInowe'i okikie'patsian, i mIne'to si kaswunIn. 12 Pic cl, te'pwe'twawat ni PinipIn e'mnwactumnIt i ke'ko otokumauwun Kshe'mIne'to ipi shi otInoswunuk Cibus Knayst, oki kcItapie'nan nInwun ipi kwe'n. 13 Winke' Sayman okite'pwe'twan picI kakcItapie'nIt kiiuwak shi e'cliInIt PinipIn ipi okimamkate'ntum e'waptuk ni mataototmonIn ipi kInwace'ke'onIn katotmInIt. 14 Nwakancuk kikaie'cuk Cinose'ne'muk, kanotake'wat e'psItmowat okiktowIn Kshe'mIne'to shi Same'niuk okishInokanawan shi PituIn ipi CanIn. 15 Winwa kapiawat okinume'kItumwatwan e'wi ke'win wa minmIt PanakwsIncIn CipamIn. 16 E'pwamshIcI pkIshnotakwat, mtInoki ka kcItapie'ntwa shiw tInoswunuk Te'pe'nke't Cibus. 17 Iwcl wiuwawak okitaknIcamawan iwcl winwa kashuotuskowat ni PanokwsIncIn CipamIn. 18 Pic cl Sayme'n kawapmat ni nwakancIn te'pnak e'taknuwe'nIt i e'otIskowat panakwsIncIn Cipam okiwawitmowan shonia. 19 OtIcI okinan mishuke'nin otI kshkI-e'osuwun, ninke' we'kwe'ntuk ke'taknuk, win kaotIskon PanakwsIt Cipam. 20 NIshcI

Pitu okinan, Nocma i kshoniaium kukInshonatIs, osam kine'ntum
Kshe'mIne'to omikwe'wun kuocI kshkItom shonia. 21 Cosukin,
ktpe'ntusin, otI mikce'wiwun osam i kte` comnosInon e'waptuk
Kshe'mIne'to. 22 Kisate'ntum otI kmIashuwe'psiwun, ipi
nume'kito`w Kshe'mIne'to kIne'pIc e'shte'an shi kte`ik
kitapone'ntumako. 23 Nowapitan kine'in shi wisup ke'iwiskuk ipi shi
tkopcukunuk miashwe'psiwunuk. 24 Iwcl Sayiman e'kinkwe'twat ipi
otI okinan, Kin ne'me'kito`w moshIn; Kshe'mIne'to e'wipwa ke'ko
nomkuk notI ke'ko kashu wawitmoiIn. 25 Iwcl winwa kakish
mnowactumwawat okikitowun Kshe'mIne'to kikiwe'k Cinose'nInuk
icI okimnwactanawa i mnowacimowIn shi otane'sun ki Se'me'ne'
nInwuk. 26 IcI Kshe'mIne'to mIshIne'we'mIn, okiknonan PinipIn otI
okinan, Psukwin ipi shian we'c shawunu`uk iw mie'w` we'tsuk
Cinose'ne'muk ipi Ke'se'uk now`mtukwakik. 27 Iwcl e'kipsukwit ipi
e'kimacit icI pInI, Itiopi nInI nkot iwnuk, ke'cpite'ntakwsIt
katpe'nmukot Ke'nte'se'n otokumakwe'mwan, Itiopi nIuwuk, win
kakuwaptumwacIn caye'k otIpInoe'wsiwnInIn, ipi kishiakpIn
Cinose'ne'muk e'kiwunumat. 28 E'pie'kiwe't kipie'ciptupI, shiw
ototapianuk, owuptanomusnukIn Ise'usIn Nakanacimot. 29 Iwcl
cipam okinan ni pinipIn, Shian pe'shoc ipi wice'o oaI otapian. 30 IcI
Pinip e'kipItot ipI, ipi okipsItwan e'waptumnIt i musInukIn, Ise'us
Nakanacimot otI cI okinan, kinIstotanI otI waptumIn? 31 OtI cI
okinan, TInicI ke'shI kuke'ntuman, kishpIn wIil nInI,
pwake'noomowat, icI e'kintomat ni PinipIn, e'wipie'kwutasinIt, ipi
e'wiwitpumkot. 32 Shiwcl kacuwaptuk i msInukIn otI ie'i kiskapie'na
ke'cwa mantane'sh, watshInsIc kasat, ipi ke'cwa mantanshe's, co
okInonasin mowashkocIn iwsI kashupwapakitone'not. 33 E'ie'
tpIse'nmlt cokipkIte'ntumwasi mnototatwun, We'nicI ke'wawitmakot
iw iaianke' pmatsowun osam iw opmatsowun kiw cIotapnukate'nI
shotI kik. 34 Iwcl o iwnuk kinkwe'twan, ipi okinan, ni ni PinipIn,
WitmoshIn We'nicI, e'nacIn o Nakanacimot? WinI tpInwe' tanake'
pe'kansIt nInI? 35 Iwcl Pinip e'kinsakwunuk i oton, ipi
okiwe'pkukinomowan i musInukIn ipi ikimnwactumwan ni CisuusIn.
36 Iwcl e'ie'nme'ie'wat shi mie'wuk, okiwtItanawa mpish, icI o

iw` nuk kikIto WapitIn otIsI mpish, We'kwnicI ke'pwaocI
kIcitapie'nkasian. 37 Pinip cI otI okinan, Caye'ksI kte'ik, kishpIn
te'pwe'ie'ntumIn iwsI ke'nomkuk, icI e'kinkwe'twat ipi otI kikIto. Nin
te'pwe'ie'ntum Cisuus Knayst, otokwIsmukon Kshe'mIne'ton. 38 Iwcl
tokum ikinipwaat ni otapianIn, icI e'kiniscowe'wat ne'ne'ish
e'kipkopie'wat shi mpik, Pinip ipi Iwnuk icI e'kikcItapie'nat. 39 Iwcl
kakash pie'kwashnowat shi mpik, Kshe'mIne'to CipamIn, okiwtapnan
ni PinipIn, icI o iwnuk cominI okiwapmasin, icI e'kinmumacit kinmI
mInowankosI. 40 Pinip cI kimkukaso, shi E'sotusuk icI
e'nmIshapshkuk, kinImI kie'kwe' caye'k shi kcI otanuk, nashkapiat
shi sisne'iuk.

9:1 Iwcl San me'kwa moshuk mcIkikito e'nshke'nmat ni
ke'knomowacIn Te'pe'nke't kishie'wak ni kcI me'matmonIt. 2 Iwcl
e'kintotmowat musInukInIn, shi nume'okumkok, ipi Te'me'skusuk,
kishpIn wIil mkuwat i e'shwe'psIncIn, tanak nInwun tanake' kwe'n,
e'wipie'nat ipi e'witkopnat shi Cinose'ne'muk. 3 E'nmupiskat
kipie'wak ci kiilkwan, Te'me'skIsuk kukaw` wiiwuk kiwtayiukwan
kiwawasnote'nI wase'anuk, kiwclpie'mkItInI shpumuk 4 Iwcl
kipmukocIn kik ipi kinotan kiki towun, otI kikItomkIt San, San,
We'kwnicI we'c kwtuk, in? 5 OtI cI okinan We'nicI kin, Te'pe'nke'n?
Te'pe'nke't cI otI okinan. Nin sI Cisuus, kin me'iashtotwin kcIsnukIt sn
kin e'witkIshkwutwa kakawshiiuk. 6 Iwcl e'ie'nukshkat ipi
e`ie'nmamkate'ntuk, otI kikito, Te'pe'nke'n, We'kwnicI e'ne'nmin
e'wishowe'pse'an? Te'pe'nke't cI otI okinan, Psukwin ipi shian kcI
otanuk, shiw cI kuwitmako watotmIn. 7 Kiw cI nInwuk kap mI
wice'wacuk kinipwik co kinI kikitosik e'notmowat i kikitowun wIilcI
kInwun e'pwawapmawat. 8 San cI shi kiwcl psukwi shi kik, icI
kantuwapIt co wIil nInwun, okiwapmasin, okipmIskInke'nawan icI
e'kishonawat shi Te'me'skusuk 9 Nsokishuk cI co kine'ntuwapsi,
coke', kiwisnIsi, ipi co kimnukwe'si. 10 . Si Te'me'skusuk nkot
kiuwak ke'knomowut E'ne'naye's, kishInkaso, Kshe'mIne'to otI
okinan, kinaptum E'ne'nayus, otIcI kikito, PInI Te'pe'nke'n shotI
ntli`I. 11 Kshe'mIne'to cI otI, okinan, Psukwin ipi shian, shi

otanmie'wuk TapasI e'shnukate'k, ipi natake'n shiw Cwte's e'tat nkot e'shmukasot San, Tasus nInI, PInI win nume'wak! 12 Win kinaptum e'wapmat, nkot nInI E'ne'naye's., e'shnukasot, e'pie'pitike'nIt, ipi okituwan onIce'n shi wiIuwuk e'wintawapnIt. 13 Iwcl E'ne'naye's okinan, Te'pe'nke'n nkinotwak mce'sh, otI nInI mce'sh me'iante'nuk, e'kiwat tapwe'ie'ntukuk shi Cinose'ne'muk. 14 Ipi shotI kshke'osuwun minkon ni kcIme'matmoncIn, e'wi tkopnat caye't ke'wawitkuk ktInoswunuk. 15 NIshcl Te'pe'nke't otI okinan, Mumacin, Win kawe'uapmuk, e'wi pe'naotot, ntInoswIn e'nasmupnIt ni Me'ikIscIk ipi kcI okumak ipi Isne'iIn nicansIn. 16 Nkawapta`a, tso ke'ko ke'ocl wiske'ntuk i ntInoswun. 17 Iwcl E'ne'naye's kin mumacit kinmupitike' shi wikwamuk icI e'kitot, one'ce'n shi wiiwInuk otIcl okinan, Nikane' San Te'pe'nke't ie'i ipite'ntakwsIt Cisuus, kawaptu`kon wia`w e'pic pie'shian shotI, nokanuk, e'wiocl ntawapian, ipi e'wi moshkIne'shkakwiIn PanakwsIt Cipam. 18 Kie'nup kipmukote'ne' shiw shkishkok ke'cwa onu`ke'iuk icI e'ki ntawapit kie'nup, ipi kipsukwi icI e'kikcltapie'nIt. 19 Iwcl kawisnIt, kiwishkukine' icI San, okiwitokwan, ke'knomoncIn onatsokwIn, shi kaie'ncIn Te'me'skusuk. 20 Ipi kie'nup okimInwaciman KnaystIn shiw nume'okumkok win e'okwIsmukot Kshe'mIne'ton. 21 KicI caye'k kanotwacuk kimamkate'ntumwuk, ipi otI kikItwuk, ConI wi otI kanshonacat ni kawawitmInIt otI Noswun, shi Cinose'ne'muk, ipi shotI we'c piat e'witkopnat ipi e'wisha`otuwat ni kcI me'matmoncIn? 22 NIshcl San wusimI kiwishkIsI ipi, kimamkate'nmukon ni CiwiIn shiw Te'me'skusuk kaie'ncIn kie'tnam kikIto owiie'o Knayst. 23 Iwcl kakish mce'ish tsokwnuktInuk katpIsanuk ki Ciwiuk okitshumawan e'winsawat. 24 Iwcl e'kuwapmukot, okikInman o San Ipi okikuwaptanawa ni shkwatame'n e'kishkiwuk, ipi e'pkoniak, e'winsawat. 25 Iwclci te'pwe'ie'ntukuk okimacinawan e'ie' pkonianuk ipi kokpInaknuk okisawan icI osakiiukwan e'ki pkIsapie'nawat. 26 Iwcl San kapiat, shi Cinose'ne'muk, okiwikwclton, e'wiwitokwat ni te'pwaie'ntumnIt nIshkl caye'k okikwsawan ipi co kite'pwe'twasiwan winke' e'te'pwie'ntuk. 27 NIshcl Pe'ne'pe's, kimacinan, ipi okisha`onan iciiInIt ni nwakancIk, ipi kiwitmowan kashu wapmat ni

Kshe'mIne'ton kanmupiskat; ipi e'kiknonat ipi kashu kie'kwe'nIt shi Te'me'skusuk otInoswunuk CibusIn. 28 Ipi shiw okiwican e'pitke'wat, ipi e'sakumwat, shi Cinose'ne'muk. 29 KiwishkItakwsI e'kie'kwe't shiw tInoswunuk Te'pe'nke't Cibus, okiwikwce'an ni Knik nInwun nIshcI okikwce'nsukon. 30 Iwcl ni wikane'iIn kake'ntumnIt okipie'nawan shi SisInie'uk, ipi okinokanawan ipI Tasusuk. 31 Pic cl ki maoce'ticuk te'pwe'ie'ntukuk, kinwashmok, caye'k Cwtie'uk ipi Ke'nIniuk, ipi Se'me'ne'iuk, ipi kiknomowak, ipi pmose'k shi okwutacwunuk, Te'pe'nke't, ipi shi omInwankoswunuk PanakwsIt ocipam wusimI cl kitshik. 32 OtI cl kanomkuk, Pitu kapmIshiat cak onukumuk, okipie' naskawan, ke'ni te'pwe'ie'ntukuk katacuk shi NItie'uk. 33 Shi okimkawan nkot nInwun Inie's kishInke'so, nouktso pon kishkIshIn onupaknuk kiakwnoke' i nie'psowun. 34 Pitu cl okinan Inie's Cibus Knayst, ktosh`uk e'wine'se'n, Psukwin mmoston knupakIn, icI e'kipsukwit kie'nup. 35 KicI caye'k katacuk shi NItie'uk, ipi Se'nunuk kiwapmawan icI e'kikwe'knoitwawat Kshe'mIne'ton. 36 Cape'uk cl kite'wak nkot te'pwe'ie'ntuk kishInkaso Te'payte' i e'anke'notmuk, Takus, e'ktok otI kwe' kimoshkne'se'nI we'onIt nuk mikce'wiwun ipi katotuk mnototake'onIn. 37 OtI cl kanomkuk shiw e'kishkiwuk kiakwnoke' icI e'kinpot kakishksipie'nawat okishkIshmawan, shpumuk wikwamuk. 38 Osam cl NItie' ki pe'shocaiIn shi Capiuk icI ki te'pwe'ie'ntukuk kanotake'wat ni PituIn shi e'iInIt okinokanawan nish nInwun e'ntomawat kie'nup shi e'wipie' shianIt. 39 Iwcl Pitu e'kipsukit e'kiwice'wat pic cl kapiawat okisho`nawan shi shpumuk wikwamuk ipi caye'k, ki shakaocIk okiwickapwutakon e'mwuwat, ipi e'wapitu`kot ni piskumwaknIn, ipi kwawo`nIn Takus kaoshItot me'kwa e'ie'pmatsIt. 40 NIshcI Pitu caye'k okisaktInan icI e'ki owucikwnukapowIt, ipi kinume` ipi okikwe'knoi shi wiwunuk, otI kikIto, Te'payte', Psukwin, icI e'kipaknuk, niw oshkishkwe'n, icI kawapmat ni PituIn, kicipitupI. 41 Iwcl e'ki minat niw nIce'n icI e'ki psukwitnat pic cl kantomat ni te'pwe'ie'ntumnIncIn ipi shakaocIk kiminan e'pmatsInIt. 42 Caye'k cl shi kikuke'ncukate' shi Cape'uk mce'sh cl kite'pwe'twawan Kshe'mIne'ton. 43 OtI cl kanomkuk,

okiwican me'kwe'tsokwun, shi Cape'uk, nkot Sayimun
we'she'knIke't..

10:1 Nkot nInI kiuwak Sisine'uk, Kuninius kishInkaso,
Kapte'nmowan ki shuma knIshuk, e'shnukascuk Ayte'niun nkotwe'nI.
2 Ke'cnumat nInI, ipi nkot, kakwsat Kshe'mIne'to, ipi caye'k,
e'tsoke't, kaminat mce'sh, mikwe' onIn ni nIshInape'n; ipi pIne',
e'nume'ktawat Kshe'mIne'ton. 3 Kshe'mIne'to, omIshIne'we'mIn
owaptuan, kinap tum, we'we'ne', shaktso tpukIn, shi e'kishkiwuk,
e'pie'naskakot, ipi otI otukon, Kuninius. 4 IcI kantowapIt, kikwtacI,
ipi otI kikIto, We'konicI Te'pe'nke'n? OtIcI okikon, ni ktInume'onIn,
ipi kimikwe'onIn shpumuk, pie'mkIt e'winaktIwe'nmukwiIn
e'nasmupIt Kshe'mIne'to. 5 Nkom nokash nInwuk e'wishiawat
Capie'uk ipi ntom nkot Sayimun ke'iapI e'shnukasot Pitu; 6
Witke'man nkot Sayimun we'she'knIke't ci kcukimik, e'tat e'te'nuk,
win kawitmak, wanukmuksin. 7 IcI o mshInwe', kakinonat
KuninusIn, kan mamacit, nish okintoman, nish opmitakaimIn, ipi
te'pwe'ie'ntuk shumakunIsh, ni pIne' kapmitakwcIn. 8 Iwcl pic caye'k
kakish witmoat, okinokanan ipI Cape'uk. 9 Iwcl, wiapuk pe'shoc
e'nmIuwat shi kcI otanuk, nkotwatso tpukIn e'pite'ntakwute'nuk Pitu,
kishie' kwItpuk e'winumat. 10 KicI pkIte', ipi takiwisnI, me'kwace'
e'iI oshIstowat, kiapwe'. 11 IcI e'kiwapituk kishIk, e'nsakshkanuk, ipi
nkot tnacke'wun, e'piamkIt nuk e'ciIt ke'cwa, kcI wapoian e'tkopte'nuk
shi nie'wuk, e'shkwe'ie'knuwuk, e'pie'nisnukate'nuk shotI kik. 12 Shi
cI pic iukwan, caye'k e'shnaKwsawat nie'okata cuk, we'siuk, shotI kik,
ipi pkocwe'siuk, ipi pe'pa mote'shkuk, ipi pe'pamsacuk. 13 IcI
notakwsuwun okiwtuskon Psukwin Pitu; nta`we'n, ipi wisnIn. 14
Pitu, cI otI kikito, Coin Te'pe'nke'n Cowi wika ke'ko nkimitsin, ke'ko
me'anuk tanake' wanakwuk. 15 OnotwancI minI owliI e'kikitonIt,
iwni nishuk, Iw Kshe'mIne'to, kapinakwtot, ke'ko winakwut, kItkIn.
16 Nsuk otI kitotam, tnacke'wuncI ne'iap, minI kiwtapnukate' shiw
shpumuk. 17 Me'kwacI Pitu e'ie'kwinwune'ntuk i wio`w we'kwe'ntuk
otI napitumwun, i kanaptuk, ke'nomkuk, pInI ki nInwuk Kuninius,
kanokanacIn kinatake'k Sayimun e'tat ipi kinipwik shkwate'muk. 18

Ipi kinatake'k tanak shi Sayimun e'shwawinIt Pitu shi e'wiiInIt. 19 Me'kwacI Pitu e'ie' nakituwe'ntuk Cipam, otI okikon, pInI nswI nInwuk knItwapmukok. 20 Psukwin ipi niasin, icI kowice'wak, ke'kokwinwune'ntukIn, nin kwshI ntInkanak. 21 IcI Pitu e'kishiat ni nInwun, Kuninius kanokanaIn otI cI okinan, pInI, NinkwshI ne'twapmlie'k, We'kwnicI otI we'cpiaie'k. 22 OtI cI kikItwuk, Kuninius nkot kapte'n ne'pwakat nInI, ipi, kwe'sat, Kshe'mIne'ton, ipi me'notshumkot caye'k ni CwiIn, Kshe'mIne'to, okinokanan panakwsIncIn omIshInwe'n okikan e'wintomkon, e'wishian e'tat e'wipsItuk kikitounIn. 23 Iwcl e'kintomat e'wipitke'nIt shinI kiik icI wiapnInuk, Pitu okinmawice'wan, ipi anIt wikane'iIn, kiwcIpie'k, Cape'uk okinmI wice'o kon. 24 Iwcl owiapnInuk, kanmIuwat shi SIsinie'uk, Kuninus okipwian, kakish maosomat ni e'nwe'macIn, ipi te'panacIn wikanIn. 25 IcI Pitu e'ie'pi e'pitke't, Kuninus okinkwe'shkwan ipi kipmukocIn mcliukwan asItinuk, ipi okinume'ktuwan. 26 NIshce' Pitu okipsukwitnan, otI cI okinan, Nipwun, ninkwshIke', nInI, ke'iapI. 27 Iwcl e'pic kInonat, kinmupitke', icI okimkawan shi mce'sh, e'maoce'tinIt. 28 OtIcI okinan kuke'ntanawasI, cowunsInon nInI e' Cwiwut, e'wiwitokwat tanake' e'wipie'shiat ni pkan, e'shumnIncIn, nIshcI Kshe'mIne'to nkiwapitu`uk e'wipwa, wliI nInI shInkanuk me'anuk, tanake' wanakwuk. 29 Iwcl ie'i, we'cpie' naskonan, co ke'ko ukikItsi pic kantomiIn knatoncI nkom, We'kwnicIwe'c ntomiIn? 30 Iwcl Kuninus otI kikIto, shiI nie'okonkIt, coin nkiwisnIsi nash otI tpukIn, icI shaktso tpukIn e'pite'ntakwuk, nkinuma shi e'taian, ipi pInI, nInI, e'nasmupian kinipwI kiwaste'ne', paskukIn. 31 OtI cI kikIto Kuninius kitInume'owun kinotam ipi kmikwe'onIn omikwe'ncIkate', e'nasmupIt Kshe'mIne'to. 32 Nokashwe'n ipI Cape'uk, ipi ntom, Sayimun e'shnukasat Pitu shiw iuwak owikwamuk nkot Saymun we'she'knIke't, cikcukumik, win kipiati kawitmak. 33 Kie'nup, nkinokashwe' e'wi ntomkon, kimnototum cI e'pian, nkom shotI caye'k nte'imIn, e'nasmupIt Kshe'mIne'to, e'wipsItumak, cake'ko kashu wamitmakwiIn Kshe'mIne'to. 34 Iwcl Pitu kapaktone'not, ipi otI kikIto, We'we'ne' nkuke'nma Kshe'mIne'to, co wliI wusimI,

otupite'nmasi. 35 E'tsoshumowat win kwe'sat, ipi mnototuk, nie'ni we'tapnacIn. 36 Kikitowun, Kshe'mIne'to kanitaat, ni Isnium nicansun, omInwacimowun, o Cibus Knayst; Win mamwi Te'pe'nke't. 37 I kikitowun kuke'ntanawa kawawickate'k, cak iukwanuk Cwtie'uk, ipi kiw cupie'mkIt Ke'ne'niuk, iw Can kakie'kwe't, kakishcI tapie'n we't. 38 Kshe'mIne'to kashu siknumwat ni CibusIn Ne'se'ni nInI, ni PanakwsIncIn, OcipamIn ipi i kshke'osuwun, winkipashie' we'onIt nuk, e'kipmInukmuksIt, ipi e'kine'se'at caye'k ni kaktukukwacIn ni mcImIne'ton; osam Kshe'mIne'to kipmawice'wan. 39 Ninan nkuke'ntamIn, caye'k notI ke'ko katotuk, shotI otukiwak Ciwiuk, ipi shi Cinose'ne'muk ni wie'ni kansawacIn ipi kakonawat, mtukok. 40 Win Kshe'mIne'to kansokwnuktunuk kapsukwitnat, ipi kiwaptu`we' wiwunuk; 41 Coin nish caye'k nIshInape'n, mtIno ki ke'ke'nmacIk kauwe'napmacIn, Kshe'mIne'to ninan, kawitopmukIt, ipi kawicmnukwe'mkIt kakish psukwit e'kinpopIt. 42 Ninanki nkikatonkonan, e'wikie'kmukIt, ipi e'wiwitmokIt ki nIshInape'k, win e'ki we'napmukot Kshe'mIne'ton e'witpakwnat, ni pe'matsIncIn, ipi ne'poncIn. 43 Win kaminat caye'k iacimoncIn, e'wi iacimonIt, shiw tInoswunuk we'kwe'ntuk ke'twe'pwe'ie'ntuk kupone'ntumwa ni muiashuwe'psiwnIn. 44 Me'kwacI Pitu e'ie' kakikitot, PanakwsIt Ocipam okipkIshnotakwan caye'k, ki kapsItkuk i kikitowun. 45 KiwcI winwakaka`otashmocuk kate'pwe'ie'ntukuk kimamkate'ntumwuk, tso kapie' wice'wacuk, ni PituIn osam kie'winwa ki Me'ikIscIk, ke'iapI, kisiknumwak i mikwe'wun PanakwsInIt Cipam. 46 Osam kinotwawan, e'miukshumnIt ipi e'winwanawat Kshe'mIne'ton, PitucI otI kikito. 47 WliInI nInI takIto compish, ke'iosImIn kote' e'wi kcItapie'ntwa, kamincuk ni PanakwsInIt Cipam ke'cwa ninan. 48 OkukatonancI e'wi kcItapie'nkasIt shiw tInoswunuk Kshe'mIne'to; okiwishte'pmawancI e'wi iInIt o nat sokwun.

11:1 IwcI ki nwakancuk, ipi wikane'iIn kaicuk shi Cwtie'uk kanotake'wat, ni Me'ikIsnIncIn winwake' e'kipsItmowat Kshe'mIne'to kikitowun. 2 IwcI Pitu kapiat shi Cinose'ne'muk, kiw cI

kate'pwe'tkuk, (CiwiIn winwa ka kaotashmocuk)
otupakwnuke'owunwa okinshkuknonawan- 3 OtI cI okinawan;
kipitikawak, ki nInwuk (me'ikIscIk) pwa kaotashcuk ipi kiwitopmak.
4 Pitu cI we'we'ni okiwitmowan e'wshkuwe'p nomkIt nuk, ipi oki
iactumwan, otI okinan. 5 Shi nkiiI kcIotanuk Cape'uk, nkinuma icI
nkiapwa nkiwapitanCI, kanaptman nkot tnacke'wun
kipie'nisashke'mkIt ke'cwa kcI wapoian kiwCI nisnukate' shi shpumuk
nie'wuk, e'wikwe'ie'knIwuk icI nkipie' naskakon. 6 IcI kawaptuman
nkinaktowe'ntan, ipi nkiwapmak ne'ie' ostacuk we'siuk, ipi pkoc
we'siuk shotI kik, ipi pe'pamote'shkuk ipi pe'pamsacuk. 7 Ipi
nkinotan notakwsuwun otI ktomkIt Psukwin Pitu, nta`we'n, ipi
wisnIn. 8 NIshcI otI nkikIt, Coin Te'pe'nke'n; coin ke'ko me'anuk
tanake', wanakwuk wika ntIshkumosi. 9 NIshcI minI notakwsuwun,
nkiwCI, nkwe'takon shiw shpumuk iw Kshe'mIne'to kapinakwtot
ke'ko wanakwuk shInkatkIn. 10 IwCI otI nsuk kinomkIt icI caye'k,
minI ki opashke'mkIt ipI shpumuk. 11 IwCI pInI kie'nup shi kiik nswI
nInwuk, kishashikiik, wIk wamuk, kaciiian e'kipie' icI ntomwat, shi
Sisine'uk. 12 IwCI o Cipam, nkiwitmak e'wiwice'okwa e'wipwa
ianwe'ntuman; wusimI kI nkotwatso nikane'uk, nkiwice'okok, icI
e'kinmupitike'iak o nInI e'tat. 13 Ipi nkiwitmaknan kashuwapmat
mshInwe'n shi e'tat e'nipwunIt, ipi otI kikItwun nokashI nInwuk, ipI
Cape'uk, ipi ntom Sayimun, e'shnuk asot ke' Pitu; 14 Win kuwitmak
kikitonIn ke'ocI, ke'skonkoie'k kin, ipi caye'k ktowikwamuk, e'icuk;
15 Pic cI e'we'pkInonkwa PanakwsIt Cipam okipkIshnotakwan
ke'cwa kinan, e'wshkI shuwe'pse'ikon. 16 IwCI pic kimikwe'ntan
okikitowun, Kshe'mIne'to iw e'kikItplIt Can we'we'ni kikcItapie'nwe'
shi mpishuk, nIshcI kinwa kukcItapie'nkasom shi PanakwsIt Cipam.
17 Osam win Kshe'mIne'to e'kiminat i kashu minkoikon, kinan,
kate'pwe'twukon, Te'pe'nke't Cibus Knayst, we'kwnicI nin,
takshkItoian, e'wiwtumu`k Kshe'mIne'to. 18 IcI otI kanotmoat,
coke'kokikItsik, ipi o kiwinwanawan, Kshe'mIne'ton, otI kikItwuk,
Kshe'mIne'to nukwuke' ni Me'ikIsnIncIn, okiminan kisate'ntumwun
shi pmatsowunuk. 19 Kiw cI kaswe'shkacuk, onukmuk, osam
e'kimiastotwut StipIn, kipmI shishie'k shi Pinusuk, ipi Saypusuk ipi

E'ntiakuk, e'pmumnwactumwat i kikitowun; cowi wliI mtlno ni CwiIn. 20 Iwcl anIt Saypusuk nInwuk, ipi Saynin nInwuk, kapiawat shi E'ntiakuk okikinonawan Kniksh nInwuk, Te'pe'nke't Cibus kukie'kwe'wun. 21 Kshe'mIne'to cl okshke'osuwun, okiwe'okonawa, mce'shcI okite'pwe'twawan, ipi okikwe'knIwitwawan Kshe'mIne'ton. 22 KicI te'pwe'ie'ntukuk, shi Cinose'ne'muk kanotmoat notI ke'ko, okinokanawan Pe'ne'pe'sIn, e'wishianIt, shi E'ntiakuk. 23 Win kapiat, ipi kawaptuk, oshuwe'ncuke'wun Kshe'mIne'to, kinciwe'nmo, ipi okiakwaman caye'k, e'wiwishkIte'anIt ipi, e'wiwickapwutwawot ni Kshe'mIne'ton. 24 Osam kimnoshuwe'pse' nInI, ipi okimoshkIne'shkakon ni PanakwsIn Cipam, ipi te'pwe'ie'ntumwun, mce'sh cl nIshInape'k kitkwaknoik Kshe'mIne'ton. 25 IcI kinmamaci Pe'ne'pe's e'shiat Tasusuk, e'wuntuwapmat Sanun; 26 Iwcl kamkawat okipie'nan shi, E'ntiakuk otI kanomkuk, nkot pon, kimaoce'tik ki te'pwe'ie'ntukuk, ipi okiknomowawan mce'sh nIshInape'n, ipi ki ke'knomocuk, Knayst nIshInape'k kishInkasok, ne'tum shi E'ntiakuk. 27 Iwcl notI e'kishkiwuk Nakan acimocuk kiw cupie'k, Cinose'ne'muk, kipie'shie'k E'ntiakuk. 28 Nkot cl ki nipwI E'kipus, kishInkaso, kiwitmake' shi cipamuk, e'wikcl, pkIte'kiwnunuk, caye'k, shotI kik, iw kashuwe'puk, otukishkimuk Knatius Sise'. 29 Pic cl ki te'pwe'ie'ntukuk, e'tshowat washukshkItIt kine'ntumwuk, e'wi nishokomowawat ni wikane'iwan, katanIt Cwtie'uk. 30 Iw katotmowat, ipi okinitaawan ni nakane'ntakwsIncln, Pe'ne'pe's, ipi San, onIcinuk.

12:1 Pic cl otI, E'nat kcI okuma, kishipnuke'no e'wi miashtotwat anIt te'pwe'ie'ntIncln. 2 Ce'msIncl okinsan wikane'iIn Can okion i kishkowun. 3 Osamcl e'wapmat ni CwiIn i e'mnwe'ntumnIt kishIte'`e`, ke'ni e'wiwtpnat ni PituIn pic cl ni e'kishkiwuk, pwaopce'te'k pkwe'shkIn. 4 Iwcl kaotapnat okikpakwoan, okikuwaptumoan ni mtotsoshItInkotwatso, shumaknIshIn, e'wikawapmanIt, kine'ntumwak kikishkwe'pmose'mkuk wikwtowun, e'wi sakcowunat, e'nasmupnIt ni nIshInape'n. 5 Iwcl Pitu kaocl kpakot, kiwcl te'pwe'ie'ntukuk, pIne', okinume'ktuwawan

Kshe'mIne'ton win, i kaocI shuwe'psInIt. 6 Iwcl i e'pkonianuk, E'nut, wasakconapIt Pitu kinpe'wak, na`iukwan nish shumaknIshIn, nish cl piwapikwe'n tkopso ipi ki e'kwapcIk cikshkwate'm oki kowaptanawa i kpakwotiwkumuk. 7 PInI, Kshe'mIne'to omIshInwe'mIn, kipie'n e'ciiIt ipi kiwasnote'ne' shi kpakwotiwkumkok, ipi okipkuman ni PituiIn wiwunuk, ipi okipsukwitnan, ipi otI okinan Psukwin, icI ni piwapkwe'n kipmukote'ne', katkopsot shiw onIcik. 8 Iwcl omIshwe'n otI okinan, kicipnItson ipi tkopton kmuksInIn, iwcl katotuk; ipi otI okinan, piskIn kpiskumwakIn, ipi pmnashkoshIn. 9 Iwcl e'kisakuk, ipi kipmnashkawan, cokike'ntusin e'te'pwe'wunuk katotmInIt, ni mIshInwe'n, nIsh niapwa kishIte`e`; 10 Iwcl kakwe'pmosanawat, ni ne'tum, e'kwapnIt ipi ni ianke' kowapnIt; kipie'kshi piwapko shkwate'muk e'suk, shi kcI otanuk, nIshcI nshukI kinsakwshke'ne' icI e'kinmIsakumwat, icI kakwe'pmosatmowat, nkot otan mie'o, ipi kie'nupcI omshInwe' okinkInan. 11 Pic cI Pitu kake'ntuk, otI kikIto, Nkom nkuke'ntan, we'we'nI Kshe'mIne'to omIshIne'we'mIn e'kinokanat, ipi nia`w okiktusknIce'pnan ni E'nutIn, ipi ki caye'k Cwiuk, kane'nmawat. 12 Iwcl kakishnaktawe'ntuk iw kipie'wak e'tanIt Me'niIn, okie'iIn Can, e'shnukasotke' Mak, shi mce'I kimaoce'tik e'numawat. 13 Me'kwacI Pitu e'ie'papakakwuk, shi shkwate'muk, kikiak, kipie' psIcto, kishInkaso Note'. 14 Iwcl kansItowat ni PituiIn, cokin nsakwnIsin i shkwate'm,, e'pic nciwe'nmot, kipitke'pto ipi kiwitmake' PituiIn, sakci ukwan e'nipwunIt shkwate'muk. 15 OtI cI okinawan, kawawunum; kiwish te'pwe'cl, i e'nomkIt nuk. OtI cI kikItwuk omIshInwe'mIn sInI. 16 NIshcI Pitu pIne', Kipapakakwu`uke', icI kakishnsakwnumwat i shkwate'm, ipi kawapmawat kimamkate'ntumwuk. 17 Oki iaine'nkawan e'wipwa ke'ko kItnIt okiwitmowan kashu sakcowunukot ni Kshe'mIne'ton shi kpakwotiwkumkok ipi otI okinan wuwitmo otI, Ce'ms ipi ki kikane'nanuk. Iwcl e'kinmamacit pkan koci kishie'. 18 Iwcl kawapnInuk, kinatatwuk kishumaknIshuk e'ciiInIt PutuiIn. 19 Pic cI E'nut, kantowapmat ipi kakwintawapmat okitpakwnan ni e'kwapnIncIn ipi kishowe' e'wi nsIckasnIt. Kiwcl nmamaci shi Cwtie'uk, e'kishiat isinie'uk; icI shi e'kiIt. 20 E'nut okikcInshke'nman,

ni kaiInIt ipi Tayniuk ipi Saytunuk, nIshcI kipie' msou`tik e'ciiInIt icI kawikanmawat Pne'stiIn kcI okuma, opumitakaimIn, okintotanawa, noe'twun osam iw otukimwa, kiw tInke'k shi kcI okuma otukimuk. 21 E'nut cI e'kikito kishkIt nuk, okipiskanIn kcI okuma otikwame'iIn, ipi shi kicipitupI ocipitupwunuk, icI kika kikito. 22 Iwci ki nIshInape'k kinotakwsik, otI kikItwuk, Kshe'mIne'to otI okikitowun, cowi nInI. 23 Ipi kie'nup cI, Kshe'mIne'to omIshInowe'mIn, okiwe'potwan osam co, okiminasin Kshe'mIne'to winwacke'wun; mIne'tose'iIn cI okimokon, icI e'kipkIt nat ocipamIn. 24 Kshe'mIne'to cI kikitowun, kikishkInI, ipi kimane'nI. 25 Iwci Pane'pas, spi San, kiwci kiwe'k shi Cinose'ne'muk, kakish knomake'wat, okinmumacinawan, CanIn; kashInkasotke', Mak.

13:1 Te'pwe'ie'ntukuk cIshi, anIt kiik, E'ntiakuk nakanacimocuk, ipi ke'knomake'cuk Pe'ne'pe's, ipi Simiun kashInkasotke' Nayku, ipi Nwsius, Saynin, nInI, ipi Me'ne'in kapie'wic, kishkIcIn ni E'nutIn, okumas, ipi San. 2 E'ie'cI pmitwawat, ni Te'pe'nke'ncIn ipi e'pwawisnawat, PanakwsIt Cipam otI okikowan, papke'ptoshuk, Pe'ne'pe's ipi San, i mikice'wiwum kaocI ntomkwa. 3 Iwci pic kapwa wisnawat, ipi kakishnumawat, ipi katawawat niw nIciwan shi wiwunuk, okinokanawan. 4 PanakwsIt Cipam, okinokankowan kishie'k, shi Sinwshiuk icI shi kiwci macik kinashwuk shi Saypnusuk. 5 Ipi shi kaiIwat Sine'musuk, okimnwactanawa okikitowun Kshe'mIne'to, otInume'o kumkomwak ki Cwiuk. CanIn kie'ni, ke'iapI okinishokmakwan. 6 Iwci kanmIt kumshkumwat i mnIshI kishie'k Pe'posuk okimkawawan nkot me'ntokasnIt, iacimokasot, Cwi nInI, pacisus kishInkaso. 7 Win okiwitokwan, okinasIn, shi e'tnukie'wat Sinicius, Panus, ne'pwakat nInI, okintoman Pe'ne'pe'sIn, ipi SanIn, e'ntowe'ntuk e'wipsItuk i okikitowun Kshe'mIne'to. 8 NIshcI Inimus, mIntosikasot, (i ie'i e'shnukasot e'ianke'notmuk) okiwikwce'an, e'wi te'pwe'takot ni okumasIn, i te'pwe'tatwun. 9 Iwci San, ke'iapukI e'shnukasot Pan, e'moshkIne'shkakot, PanakwsIncIn, Cipam, kancI okinapman; 10 IcI otI okinan, O! moashkIne'shkakwiIn caye'k, wie'shtowun ipi caye'k,

me'anuk, we'nicansumkon mIcImIne'to, me'iane'ntumIn caye'k
me'noshuwe'psowun, ConI kuponiksim Kshe'mIne'to
omInoshuwe'psiwun? 11 Ipi nkom pInI; one'ce'n Kshe'mIne'to
oshIton shi kiiwuk, ipi ku`kie'pikwa, co kuwapmasi kisIs nomuk. IiI
kie'nup kipuksInI shiw shkishkok wunsiwu`n, ipi
kiskupkoniawapwun, icI e'ki pantawapmat owIiI wapmIskIncInkot.
12 IwcI okumas pic kawapituk kashotwumIt kite'pwe'ie'ntum osam,
okimamkate'ntum, okuknomake'wun Kshe'mIne'ton. 13 Pic cI Pan,
ipi ni kapmIwice'wacIn kawe'pshkawat shi Pe'posuk, kipie'shie'k
PInke'uk, shi Pe'mpinie'uk, icI Can, shi kacInkInat kikiwe'
Cinose'ne'muk. 14 PInke'uk, cI kaocI maciwat, kishie'k E'ntiakuk shi
Psitie'uk, ipi kipitike'k shi nume'okumkok, icI e'kicipitupwat;
e'nume'kishkIt nuk. 15 IcI i tpakwnuke'wun, ipi nakanacimocuk,
kakish wapcIkate'k, shi msInukInuk, e'kwaptukuk i nume'okumuk
okintomawan, ipi otI okinawan, NInituk, ipi nikane'ituk, KishpIn
ke'ko kikitowun, wikie'kme'k, kotI nIshInape'k, ktakikitom. 16 IcI
pan, e'kipsukwit, ipi okiiaine'nkowan, otI okinan, NInwuk shi IsniIn,
ipi kinwa, kwe'se'k Kshe'mIne'to; psItmok. 17 O Kshe'mIne'tomwan
kotI nIshInape'k, shi IsniIn, okiwe'napman kosnanIn, ipi
okipsukwitnan ni nIshInape'n, winwa cokike'ntakwsusik, e'kitawat
shi e'kiwuk Iciptuk, ipi wishkInkaonuk shiw o kipie' ocusakcowunan.
18 Pic cI nie'wapituk tso pon; okipkIte'ntumwan iw tIshwe'psiwawan
shi na`wmtukwakik. 19 IwcI kakish pnacat, nouktso e'shnmnIn
e'kiwuk shi Ke'ne'e'n, okimatan iw tukimnInIn e'ki tatiwat. 20 IcI
kakish, icI showe'psIt okimanan tpakwnuke' onInwun nie'wak, ipi
niano mtInI tso pon nash Se'mnwIn nakanacimot. 21 IcI i kakish,
showe'psIt, okintuwe'nmawan okuman, ocI Kshe'mIne'to okimanan
SanIn we'kwIsmukot, E'Ish Pe'nce'mIn kashIcmot nInI nie'wapituk
tso pon; 22 IcI ni kaotapnat minI nkot okipsukwitnumwan, Te'pItIn
e'wi otokumamwat, win Kshe'mIne'to kaiacimat otI kikiIto,
Nkimkowa Te'pIt we'kwIsmukot Ce'siIn, nInI tpInwe' nin nte`
we'te'it win, ke'kshkItot, kaye'k, ntIne'ntumwun. 23 OtI nInI
onicansIn, Kshe'mIne'to win kashowawitmake't e'wipsukwitnumwat
ni Isni In ke'skonwe'ncIn CibusIn. 24 Pic Can, kawepkie'kwe't

e'pwamshI pianIt; kcItapie'nwe'wun i kisate'ntumwun; kicaye'k
nIshInape'k; Isne'iIn. 25 IcI me'kwa Can, e'ie', kie'kwe't, otI okinan
we'nicI nin e'ne'nmie'k? coin win nte'isi, nIshcI, pInI, nkot pe'kanksIt
shkwe'iak, pie'tne'sI win omuksInIn, shiw osItik cointupite' ntakwsIsi,
e'wiapskoptuwuk. 26 NInituk, ipi nikane'ituk we'nican sunkoie'k,
E'pe'ne'e'm, ipi we'kwe'ntuk kwe'sakwe'n, Kshe'mIne'ton, kinwasI i
kikitowIn otI ke'skonwe'wun knitakom. 27 Kikatacuk shi
Cinose'ne'muk; ipi onikansimwan, osam cokike'nmasiwan, coke'
okinsItowasiwan ni NakanacimoncIn e'tso nume'kishkuk, kaiactmuk
okite'pwe'tonawa i e'ki pkIte'nmawak. 28 Pic cI kapwamkumwat,
ke'ko e'wiwcIne'nIt, ke'iapI okintuwe'nmawan Payne'tIn e'winsIc
kasnIt. 29 Pic cI kacaktpIse'stawat, caye'k i e'shonupie'kasot shi
msInuknuk okiwcI nisnawan, shi mtukok icI e'kishkIshkawst shi
cipe`okumkok. 30 NIshcI Kshe'mIne'to minI okipsukwitnan
e'nponpIt. 31 Mce'sh kon kiwapmukon kapie'ocI wice'kocIn shi
Ke'nIniuk, kipie'shie'k Cinose'ne'muk, winwaki ke'iacimukot ni
nIshInape'n. 32 KuwitmonmIn mciwe'nmowun i witmatwun,
kashIwawitmotwa kikosanuk. 33 Kshe'mIne'to sI win nasap,
okitpIstaknan kinan we'nicansumkoikom iw e'ki psukwit nat, minI ni
CisusIn, iwke'shI e'npie'kate'k, shi nish Nkumwunuk Kin
we'kwIsme'nan, otI e'kishkiwuk, kiw, osum. 34 Ipi i e'kipsukwitnat i
e'nponpIt, cowi minI e'wipkIshkIne'not, otI kikiIto kuminIn we'we'ne'
oshuwe'ncuke'wun Te'pIt. 35 I ie'i otI osam, minI we'ckito mkuk
pe'kanuk nkumwIn, co minI kne'nmasi pan nakwsIt Nkot e'wiwaptuk
pkIshknInwun. 36 Te'pIt cI kakish pmitwat niw wicpmatsiIn
kane'nmukot Kshe'mIne'to, kinpe', ki wic nkokaso niosIn, ipi kinpIsh
kinpIshknIno. 37 Wincie'ko, Kshe'mIne'to kapisukwitnat minI co
okiwaptusin mpIshknInwun. 38 I ie'i ke'ocI kuke'ntusme'k nInituk, ipi
nikane'itnk, Win otI nInI we'c kie'kmukoie'k, i e'wi we'pnukate'k
miashuwe'psiwnIn 39 Ipi win caye'k ki te'pwe'ie'ntukuk,
pkIte'ntumwak cake'ko; iw tpakwnuke'wun Mosus tapwa
pkIte'ntumake't. 40 Naktuwe'ntmok, osam otI ktanI otIskonawa kashu
kikitowat ki Nakanacimocuk. 41 PInI, shake'nke'ie'k, ipi
mamkate'nkie'k, ipi knIshnatsum; osam nin nmikce'wi mikice'wiwun,

shi ktuki, shkimwak mikce'wiwun, co kite'pwe'ie'ntusinawa; nInI
 ianwI witmakwie'k. 42 KicI Cwiuk, kanmI sakumwat, shi
 nume'okumkok, ki me'mataose'cIk, okiwishte'pmawan e'wi
 kie'kmukwat ni kikitonIn, minI nume'kishkIt nuk. 43 IcI ki pic
 maoce'ticIk, kanmumaciwat Cwiuk, kimane'k ipi e'nmaa cuk,
 kakwe'knoicuk, okipmInashkawawan PanIn, ipi Pe'ne'pe'sIn,
 e'knonkawat, oki ikwamukwan, e'wi ikwamtonIt Kshe'mIne'to
 oshuwe'ncke'wun. 44 IcI minI e'nume'kishkuk kaka, caye'k e'icIk shi
 kcI otanuk; kimaoce'tik e'wip sItmowat, Kshe'mIne'to okikitowun. 45
 NIshcI pic Kawapmawat ki Cwiuk ni maoce'tincIn, kimoshkIne'se'nI
 miane'ncke'wun, ipi okipapshItanawa notI kaiactuk Pan,
 okiakwne'twawan ipi pcI- kikitok. 46 IcI Pan, ipi Pe'ne'pe's
 kiwishkukwuk, ipi otI kikitwuk, kiw wunItsI Kshe'mIne'to
 okikitowun, kinwa ne'tum; e'wi iactumakoie'k, osamcI nkoci
 e'ne'nme'k, ipi e'waptuwuie'k kiiuwawa e'pwa pite'ntakwsie'k
 e'wiililie'k kakuke' pmatsowun pInI naskawa mIn, ki Me' i kIs cIk. 47
 OtIsI ie'i Kshe'mIne'to nkikatonkonan, otI kikitok; kukicipitupe'num
 e'wiwase'shkmoe'k ki me'mataose'cIk, kinwa kuke'skontuwe'wun
 e'wishiamkuk e'kokiwuk. 48 IcI ki Me'ikiscIk, kanotmoat otI
 kinciwe'nmok, ipi okiwin watanawa Kshe'mIne'to okikitowun ipi cI
 tso kawenapme'cIk, ika kukie' pmatsowun kite'pwe'ie'ntumwuk. 49
 Ipi i Kshe'mIne'to okikitowun, kimnwacIkate' caye'k shi
 katnukie'wat. 50 NIshcI ki Cwiuk, otopwe'mawan ni e'nmaancIn,
 nakansIncIn kwe'n ipi ni nakansincIn nInwun, shi kcI-otanuk, ipi oki
 miash totwawan PanIn, ipi Pe'ne'pe'sIn, ipi oki miwnashkawawan, shi
 e'tnukie'wat. 51 Oki papiwshkumakwan, i ne'kwukI, shiw osItiwak
 icI kipie'k shi Ikoniumuk. 52 Ipi ki ke'knomocuk;
 kimoshkIne'shaknawa mciwe'nmowun, ipi ni PanakwsIncIn Cipam.

14:1 IcI kanomkuk shi Ikoniumuk, ne'ne'ish kin mIwice'twuk
 e'kipitike'wat, shiwtIn une'okum komwak ki Cwiuk ipi kikitok, icI ki
 ke'cmaoce'ticuk ne'ne'ish ki Cwiuk, ipi ki ke'iapI Knik nIshInape'k, ki
 te'pwe'ie'ntumwuk. 2 NishcI ki kapwa te'pwe'ie'ntukuk Cwiuk oki
 wpwe'mawan ni Me'ikIsnIncIn icI okimiane'nmawan ni wikane'iwan.

3 Iwci ie'i shi kInwe'sh kaocIuwat kiwish kI kikitok shi Kshe'mIne'to
otImoswunuk kimikwe' cI shkIe'osuwun iw kikitowun
oshuwe'ncIke'wun, okiminankI kInwacIke'onIn, ipi
mamkate'ntumwunIn e'winuk kmuksInIt. 4 NIshcI kimaoce'ticIk shi
kcI otanuk okipapkantonawa wiwa`wa`, anIt okiwitokwawan, ni
CwiIn, anIt cI ki okiwitokwawan ni nwakanme'cIn. 5 Pic cI ki
Me'ikIscIk, ipi ki Cwiuk, ipi niw onikansimwan, pic e'wi
miashtotwawat, ipi e'wi sInwawat. 6 Okike'ntanawa icI e'ki
nInshumwat shi Nayste'uk ipi Te'piuk, kcI otanuk shi Ne'koniumuk,
ipi shi e'kiwuk kiw tayiukwan. 7 Shi cI kkie'kwe'k i mnoacimowun.
8 ShicI nkot nkot nInI kicipitupI, shi Nayste'uk kimiakikate', co kinI
pmose'si e'konikIt. 9 Win okinotwan PanIn e'kikitonIt, win kan
okinapman, ipi e'ke'nmat e'te'pwe'ie'ntumnIt e'wine'se'nIt; 10 Otl
kikIto kiwishkowe', Nipokapwun shi ksItik. IcI e'kikwasksoot, ipi
e'kipmose't. 11 Pic cI ki nIshInape'k kawaptumwat Pan katotmInIt,
Kiwishkwe'we'ksik, e'shumnIt ni Naykonie' nInwuk, ipi otl kikItwuk,
Te'pe'nke'cuk, pie'nisasitakwnanuk e'shnakwsawat nInwuk. 12
OkishInkanawan cI Pe'ne'pe'sIn CwpitI, ipi PanIn, Me'kwnius, osam
win nakan kakitot. 13 IcI CwpitI omumatke'mcIn, win e'nasmupIt
shiw okIcotanwak, okipie'nawan psukwun, ipi wawaskone'toiIn, shi
shkwate'muk, ipi otaki wic pitakimiman mikwe'wunIn ni nIshInape'n.
14 IcI ki nwakancIk, Pe'ne'pe's ipi Pan, kanotmowat i
okinanisikpItonawa ni paskumwacIn, ipi kipItok me'kwe'
nIshInape'kI, kinotakwsik. 15 Ipi otl kikItwuk, We'kwnicI otl
we'ctotme'k, NinansIke' ntIniwIn e'shwe'psie'k kinwa ipi kukie'
kmInmIn otl e'wi ponikme'k otl pe'shkwacak, icI e'wi kwe'knoitwe'k
kakuke' pmatsIt Kshe'mIne'to kaoshItot kishuk, ipi kI ipi kcIkum, ipi
cake'ko piciukwane'te'k. 16 Winke' isha kapkIte'nmat caye'k
e'shumnIt e'shte'anIt e'wishowe'psInIt. 17 Ke'iapI cI otl kiwapitu
konan pIne` kimnototakwnan, ipi, kiwci minkonan kmowIn
shpumuk, ipi e'wi minokuk ke'ko e'tso mnokmuk,
kmoshkIne'stakwnan kte`inanIn i micum, ipi nciwe'nmo wun. 18 Otl
cI i e'kianwInawat, kawa okikshkawan ni nIshInape'n e'ipwa minawat
mikwe'wunIn. 19 Kipie'kcI shi anIt Cwiuk, kiw cupie'k E'ntiakuk ipi

Ikoniumuk, okiwishte'pmawan ni nIshInape'n, ipi kasInwawat ni
 PanIn, okisakcowe'pnawan shiw kcI otanuk, kinpoak e'ne'nmawat. 20
 NIshcI ki te'pwe'ie'ntukuk, kinipwik e'ciiInIt, kipsukwiwak, ipi
 kishie' shi kcIotanuk, icI wiapnInuk Te'piuk, kishI macik
 okiwise'wan Pe'ne'pe'sIn. 21 IcI pic, kakishkie'kwe'wat i
 mnoacimowun shi kcI otanuk, ipi mce'sh kaknomowawat minI
 kishIkiwe'k, Nayste'uk ipi Ikoniumuk, ipi shi E'ntiakuk. 22 E'wi
 shke'ntumoawat nite'pwe'ie'ntumnIncIn ocipamnInIn, ipi
 e'ikwamawat e'wi nishkI te'pwe'ie'ntumnIt, kuwaptamI nmce'sh
 ianmIswun, winmI pitike'ikon Kshe'mIne'te' otokumauwunuk. 23 IcI
 kakishonakwnawat Ke'kie'kwe'ncIn, ki caye'k te'pwe'ie'ntukuk,
 onukmuk, ipi kakishnumawat e'ki pwawisnawat
 okinume'kitumwawan ni Kshe'mIne'ton, kate'pwe'ie'nmawacIn. 24 IcI
 kakish cakshkumwat, shi Psitie'uk kipie'shie'k Pe'mpinie'uk. 25 IcI
 kakish mnoactumwat i kikitowun shi Pinke'uk, kipie'shie'k shi
 E'te'nie' uk: 26 Shiw cI kiwcI nashwuk, ipI E'ntiakuk, shiw ie'shi,
 katshI nume'kitotwa, Kshe'mIne'to oshuwe'ncIke'wun, osam, i
 mikce'wiwun katpIse'stawat. 27 Pic cI kapie'wat, ipi kakish maotIna
 wat ni te'pwe'ie'ntumnIncIn, okiwitmowawan cake'ko Kshe'mIne'ton
 kaocI kshIe'osuwat; ipi kashI te'pwe'ie'ntumnIt ni Me'ikIsnIncIn. 28
 ShiwcI kInwe'sh okiwicawan ni te'pwe'ie'ntumnIncIn.

15:1 AnIt cI, nInwuk, kaocI piacuk Cwtie'uk, okiknomowawan, ni
 te'pwe'ie'ntumnIncIn, otI kikItwuk, KishpIn, i pwashI tpakwnIkoie'k,
 kashI we'psIt Mosus, coktake'skwisim. 2 IcI Pan, ipi Pe'ne'pe's,
 mce'sh okiInawa iakwne'tatwun okine'nmawan ni PanIn ipi
 Pe'ne'pe'sIn, ipi niw anIt pe'kansIn cIn, winwa, e'wishiaawat shi
 Cinose'ne'muk, e'win natawawat ni nwakancIk, ipi nakanse'cIk; i
 natatwun. 3 Kanmupitse'wat cI oki, ni shokumakwan, ni
 te'pwe'ie'ntumnIncIn, okinmIshapshkanawa Pinisuk ipi Se'me'niuk,
 e'witmake'wat e'te'pwe'ie'ntumnIt, ni Me'ikIsnIncIn icI kikcI
 papine'ntumwun ni caye'k wikane'iwan. 4 IwcI kapiawat shi
 Cinose'ne'muk, oki pitkInkowan ni te'pwe'ie'ntumnIncIn ipi ni
 nwakancuk, ipi ni nakansIncIn, icI okiwitmowawan, cak ke'ko

Kshe'mIne'to, kaocukshke'osowat. 5 AnIt cI ki Pe'nisiuk,
kate'pwe'ie'ntukuk kipsukwik, ipi otI kikItwuk, o wunItsI e'wi
tpakwnItwa, ipi e'winakitawe'ntumwat i Mosus otpakwnuke'wun. 6
IcI ki nwakancIk, ipi koe'siuk kimaoce'tik e'winaktuwe'ntumwat otI
wanomkuk. 7 Pic, cI mce'shuk kaiakwne'tatwat, Pitu kipsukwi ipi otI
okinan, NInituk, ipi nikane'ituk, kukuke'ntanawa pnowi, Kshe'mIne'to
kiwwe'napmukonan nin, e'wi iactumwukwa i mnoacimowun ki
Me'ikIscIk, ipi e'wite'pwe'ie'ntumwat. 8 Kshe'mIne'to ke' ke'ke'ntuk,
ote` iman, win witokowan, ipi okiminan, ni PanakwsIn cIn CipamIn,
kinan kashuminkoikon. 9 Ipi co pkan okine'nmasin, ipi kinan,
okipinaktowan ni ote`inIn, i e'te' pwe'ie'ntumwat. 10 We'kwnicI
we'c kwcItIpe'nme'k Kshe'mIne'to, e'wipiskotne'k napkumwakIn shiw
kwe'knawak, ki te'pwe'ie'n tukuk, co ninan nkote'iI nosnanuk tanake'
ninan e'wi kshkItoiak e'wipmo`wtoiak. 11 NIshcI nte'pwe'ie'ntamIn,
oshuwe'ncuke' wun, Te'pe'nke't, Cibus Knayst ninanke'
nkuke'skonkomIn ke'cwa winwa. 12 IcI ki caye'k maoce'ticIk
tokumkiik ipi okipsItwawan ni Pe'ne'pe'sIn, ipi PanIn, e'witmakwat,
mataototmonIn ipi mamkate'ntumwunIn, Kshe'mIne'to kashI
nishokmakwat, e'ciiInIt ni Me'ikIsnIncIn. 13 IcI kakish pwa ke'ko
kItnIt Ce'ms okinkwe'twan, ipi otI kikIto, NInituk ipi nikane'ituk
PsItwushuk. 14 SImiun kishwitmaknan, Kshe'mIne'to ne'tum kashI
otIsat ni Me'ikIsnIncIn e'wi otI otapnat nIshInape'n iw tInoswunuk.
15 OtIsI ie'i nasap okikitonawa ki NakanacimocIk e'shpie'kate'k; 16
Kikish otI nomkuk minI nkupie'kiwe' ipi nkaoshIton minI e'tat Te'pIt,
kapmukote'k; ipi nkukishton i kansonacak, ipi nku`onakwsIton. 17
Ipi ki anIt nInwuk, e'wintone'wawat ni Kshe'mIne'to, ipi ki caye'k,
Me'ikIscIk ntInoswun wawitkuk kItwak Kshe'mIne'to e'totkuk caye'k
notI ke'ko. 18 Kshe'mIne'to okike'ntan caye'k niw omikce'wiwnIn
e'kowe'pkiwuk. 19 Osam cI otI we'cshIte'aian, e'wipwam
mkoshkacikwukon, ki Me'ikIscIk kakwe'knoitwacIk Kshe'mIne'ton.
20 NIshcI ktaonupie'mowamIn, e'wi pwa shiawat wansincIn, ni
me'ntokasnIncIn ipi, waonIshkawun, ipi, Ke'pne'we'shkamkuk ipi
mskwI. 21 Mosus ke' isha e'tsInuk kcI otanIn kiw anIt
okimnwactmakon iw otpakwnuke'wun, wapcIkate' shi msInukInuk,

nume'okumkok e'tso nume'kishkuk. 22 IcI ki nwakancIk, ipi nakanse'cIk, ipi caye'k ki te'pwe'ie'ntukuk okimnwe'ntumwuk e'winokanawat we'napcIkasIt ni nInwun winwa mamwI, e'wishianIt E'ntiakuk, e'wiwice'wanIt, PanIn, ipi Pe'ne'pe'sIn, kotI, Cwte's, ke'iapI kashInkasot Pe'se'pe's, ipi Sayne's, kanikanse'cIk, nInwuk, shi mamwI wikane'iwan. 23 Okiw nIpie'anawan cI mIsInuknIn, otI kinIpie'ke'k, NwakancIk, ipi nakanse'cIk, ipi, wikane'iwan, onitaawan numkatwun ni wikane'iwan Me'ikIscIk shi e'icIk, E'ntiakuk ipi shi Sinie'uk, ipi Sinishie'uk; 24 Osam nkinotake'mIn, anIt ninan shotI kaocI maciwat kimkoshkasmukwak niw kikitonIn, kiwie'shtmakwak cipamwak otI e'kItwat, kinwa kItpakwnukom ipi kInaktIwe'ntawa i tpakwnuke'wun, coninan, i nkishi kie'kmasimIn. 25 We'we'nI nkine'ntamIn e'maoce'tiak, e'nkotuk, nIshte'onInan, e'wi ipI kinwa shIn nokankIt, we'napcIkascuk, nInwuk, e'ciilie'k, e'wiwice'wawat te'pankon Pe'ne'pe's, ipi Pan: 26 NInwuk, kaianmItowat opumatsiw nowan, otInoswunuk, Te'pe'nmukwie'kon Cibus Knayst, kaocI ishowe'psowat. 27 OtI ie'i we'c nokankIt Cwte's, ipi Sayne's, winwa, ke' ke'iapI kuwitmakwak nasap notI ke'ko shiw otoniwak. 28 We'we'nI, kine'ntum PanakwsIt Cipam ipi ninan, e'witotme'k notI ke'ko, tashI owunuk e'witomuk. 29 E'wi pwamicie'k, wias, kamintwa me'ntokascuk, ipi mskwiik ipi ke'ko kakpe'ne'we'shkamkuk, ipi pshukwat sowun, kishpIn notI pwatotme'k kumnototam We'we'nI ktIne'nmInmIn. 30 Pic, cI kapkItItwa, kishie'k, shi E'ntiakuk, icI pic kamaosomawat ni maoce'tincIn ki mikwe'k, o mIsInukIn. 31 IcI kakishwaptumwat i mIsInukIn kimnowankoswuk, i kashu mnoacimonIt. 32 Osam cI, Cwte's, ipi Sayne's, nakanacimocuk winwa, okiakwamawan ni wikane'iwan, mce'sh kikitonIn, ipi okiwishkumawan. 33 IcI shi kakishiIwat, nomuk, we'we'nI okip kIte'nmukwan ni wikane'iwan, icI e'kishiatwat ni nwakancuk. 34 Ki ianwI mnwe'ntuk Sayne's, shie'witat. 35 Pan ke'iapI, ipi Pe'ne'pe's, kiik shi E'ntiakuk e'kInomake'wat, ipi e'mnwactumwat okikitowun Kshe'mIne'to, ipi ki anIt pe'kanse'cIk, ke'winwa. 36 IcI kaonatsokwnuktInuk, Pan, otI okinan, Pe'ne'pe'sIn, Shi atan minI, ipi owawapmatan kikane'nanuk, shi e'tsuk, kcI otanIn, katshI,

mInwactumwukon okikitowun Kshe'mIne'to; ipi e'wiwapmukon e'shwe'psuwat. 37 Pe'ne'pe's cI kine'ntum e'wi wice'wawat CanIn ke'iapI e'shnukasot Mak. 38 NIshcI Pan, cowunse'non kine'ntum e'wi wice'wawat, okinknancI shi Pe'mpinie'uk cocI oki wice'wasin, e'wi mikce'winIt. 39 CocI kimnwe'ntusik iwcl, kaocI papke'wat, icI Pe'ne'pe's, okiw i ce'wan MakIn SaypnIsuk cI ki kinashwuk. 40 IcI Pan, okiwe'napman, Sayne'sIn, icI kakish matmowawat, Kshe'mIne'to oshuwe'ncIke'wIn, ni wikane'iwan, kin mumacik. 41 IcI e'kishiat Sinie'uk, ipi Sinishie'uk, e'wishke'e'ntumoat ni te'pwe'ie'ntumnIncIn.

16:1 Iwcl kapiat shi Te'piuk, ipi Ne'stiuk ipi pInI, nkot te'pwe'ie'ntuk shi kiiI Timotius kishInkaso, okiw okwIsmukon, nkot, Cwkwe', kate'pwe'ie'ntuk, nicI osIn Knik nInI. 2 We'we'nI okishumkon ni we'wikane'itIncIn ipI kaie'cuk Ne'stiuk, ipi Ikoniumuk. 3 Win, Pan, kine'ntum, e'wiwice'okot, ipi oki tpakwnan osam ni CwiIn shi kaiIncIn, osam, okike'nmawan caye'k, ni isIn e' Knik nInwunIt. 4 Iwcl kanmIshiat shi kcI otanIn okiminawan i tpakwnuke'wun e'wikowaptumwat, kaoshItowat ki nwakancIk ipi nakanse'cIk, shi e'icIk Cinose'ne'muk. 5 OtI cI kashI we'psuwat kite'pwe'ie'ntukuk, kiwishkIckate'ne', ote'pwe'ie'ntumwunwa wusimI cI, kimane'k, e'tso kishkuk. 6 Pic cI kacakshkumwat shi Pniciuk ipi shi e'kiwuk, Ke'ne'shiuk, okiknImakowan ni PanakwsIncIn CipamIn, e'wi mnwactumwat i kikitowIn shi E'shie'uk. 7 Kapiawat cI shi Maysiuk, Kine'ntumwuk, e'wishiawat, ipI Piti niuk, cocI okine'nmukwsiwan, ni CipamIn. 8 Iwcl okikwe'pmosatanawa Maysiuk, icI kipie'shie'k, shi Tno e'suk. 9 Pan cI e'pkonianuk, kiapwI, nkot, e'nipwunIt Me'sitonie' nInwun, e'wish te'pmukot otI kikItwun; Me'sitonie'uk pie' shian; ipi pie' nishokmoshInak. 10 Kakish i napituk, kie'nup, ipI ki kwcl shie'k Me'sitonie'uk, we'we'nI e'ne'ntuk Kshe'mIne'to kintomkonan, e'wiiac tumwukon, i mnoacmowun. 11 IcI kawepshkaiak shi, Tnoe'suk, nkipie' shiamIn tpaI shi Samotne'shie'uk, icI wiapuk, shi NiapnIsuk. 12 Nkiwcl shiamIn shi Pinipayuk, iw ie'i mamwI kcI otan shi Me'sitonie' kik, KaocI tpe'ncIkate'k shi cI nkilmIn shi kcI otanuk, onatsokwun. 13 IcI e'nume'kishkuk, nkisakamIn shi kcI otanuk,

nkishiamIn, cikspik, katshI ntanumawat, icI nkicipitupmIn, ipi nki
knonamIn kwe'k, shi kacipie'n tashiawat. 14 Iwcl nkot kwe' Nite'
kishInkaso tawe't mskwe'kIn kcI otanuk Taye'tayniuk
kanume'kItowat Kshe'mIne'ton, nkipsItakwnan, Kshe'mIne'to
kapaknumwat ote`inIn iwcl kaocl psItuk, kakItInIt ni PanIn. 15 Iwcl
kakish kcI-tapie'nIt, ipi ni kawitke'macIn; nkiwishte'pmukwunan otI
kikIto, kishpIn ne'nImlie'k e'te'pwe'ie'nmuk Kshe'mIne'to,
pie'pitike'k, e'taian, ipi shiiuk; icI nkiwishte'pmukwunan. 16 IcI otI
kanomkuk, e'wi we'pnumaiak nkot kikiak, packakwcIn
mIne'tonakanacmonIt nkinkwe'shkakwnan, mce'sh ke'ko
okikshkItwan te'pe'nmukwocIn iw onikanacimonIn. 17 Win
okipmnashkawan PanIn ipi ninan, ipi kiwishkwe'we'kse' otI kikIto.
KotI nInwuk MamwI shpumuk Kshe'mIne'to, opmitakaimIn,
waptukoikon washu ke'skonkoikon. 18 Iwcl mce'shkon katotuk,
NIshcI Pan kikwinwune'ntum kikwe'knoi, ipi otI okinan, ni mIne'ton,
Nin ktInIn shiw tInoswunuk Cibus Knayst, e'wi pie'sakumIn. IcI e'ki
pie'sakuk, shi ie'i pic tpukIn. 19 Iwcl ni pic, te'pe'nmukwocIn kawap
tumwat kashI nkItowat, iw, ie'shklcke' wat, okimshInawan ni PanIn
ipi Sayne'sIn ipi okishonawan shi e'tshItatuk ni nakansIncIn. 20 Ipi
oki shonawan e'ciiInIt tpakwnuke'onInwun otI kikItwuk, kotI
nInwuk, e'ianwe' Cwiwawat, okIc, mkoshkacikanawa kIc otanan. 21
Ipi kuknomake'k watotmuk cokinan wunsInon e'wiwtapnumkon,
tanake' e'winaktIwe'ntumkon, osam kinam NomIn nInwuk. 22 Iwcl ki
maoce'ticIk kipsukwik mamawI ipi ki tpakwnuke' nInwuk, oki na ni
sikpIto nawan paskumwacIn ipi kishuwe'k e'wi we'we'pockasnIt; 23
IcI kakish we'we'potwawat mce'shuk, okipitike', wapnawan shi
cupakotiw kumkok ipi okiwitmowawan ni e'kwapicuk, e'wi
wike'kawapmanIt. 24 Iw winwa kakish witmotwa okikatwawan shi
ianke' piciukwan, kupakotiwkumkok, ipi okiktapkuwawan shiw
osItinuk. 25 IcI e'iaptI tpukuk Pan, ipi Sayne's ki nume'k, ipi
kinkumwuk okiwinwanawan Kshe'mIne'ton, ipi ki shi
kakupakwukasnIt, okinotakwan. 26 IcI kie'nup kikcI macshke', kI, ipi i
ne'tmuskIn shi kpakwo tiw kumkok kinukshke', icI papuk, caye'k ni
shkwate'me'n kinsakwshke'ton, ipi e'tshuwat otukpIckInwan

kiapskoke'ne'. 27 IcI o e'kwapituk i kpakotiwkumuk e'tokit, ipi e'waptuk kpakotiw shkwate'mIn e'nsakwsInuk, okikicpIton i okishkowun, ipi takinsIto e'kine'nmat ni kie'pakwuukasnIncIn e'kiw shumIt. 28 NIshcI Pan kiwishkowe' otI okinan, Ke'ko na`w totatsokIn; anwukshI caye'k shotI ntlimIn. 29 IcI e'kintotuk waskone'ncukIn, ipi kipie' pitike'se', ipi kinukshke' kipmukocIn e'nasmupnIt PanIn, ipi Sayne'sIn. 30 IcI e'ki pie'sakconat, ipi otI okinan Ke'knomake'ik, We'kwnonicI ke'totman e'wi ke'skwian? 31 OtI cI okinawan, Te'pwe'ie'num Te'pe'nke't Cibus Knayst, icI ke'cI ke'skwin, ipi ki e'icuk, e'tan. 32 Iwcl e'kiiactumwawat iw kikitowun Kshe'mIne'to, ipi ni caye'k, kaie'ncIn shi e'tanIt. 33 Iwcl e'kiw otapnat iw pic tpukIn e'pkonianuk, ipI e'kiksipie'nmoat kanuk inackasnIt, icI e'kikcItapie'nIt, ipi caye'k shi kaice'n, e'tat, kie'nup. 34 Iwcl kapitike'nat shi e'tat, otituwan wamicnIt, e'nasmupnIt, ipi kimnowankose' e'te'pwe'ie'nmat Kshe'mIne'ton, ipi ni caye'k kaie'ncIn e'tat. 35 Iwcl kawapne'nuk, tpakwnuke', nInwuk, okinokanawan ni okumasIn, otI kikItwuk; PkIt nuk, kotI nInwuk. 36 IkI o e'kwaptuk, i kpakotiwkumuk, okiwitmowan ni PanIn, tpakwnuke' nInwuk, nokashwe't, e'wi pkIt nukasie'k, Macik, ipi we'we'nI shiak. 37 Pan cI otI okinan, Ninan sI Nome'n nInwuk, ipi NkipsItie'konanukIni, e'cowapcIkate'k, e'pwa tpakwnuke'wat, ipi nki pitikwe'pe'nukinanuk, kpakotiwkumkok, nkom nIcI kimoc nwisakcI, katokwnanuk? we'we'nI coIn, winwa tpInwI kupie'k ipi nkIsakconukwinanuk. 38 Iwcl kiw okumasuk, kawitmowawat ni tpakwnuke' onInwun, kakIt nIt, kise'ksik kanotake'wat winwae', Nome'n wInwunIt. 39 Iwcl e'kipiawat, ipi okiwishte'pmawan icI e'ki sakcocawat, ipi okinatowawan e'wi sakumnIt shi kcI otanuk. 40 Iwcl e'kisakumwat shi kpakotiwkumkok, icI e'kipitike'wat shi e'tanIt Nitie'iIn icI kawapmawat ni wikane'iwan okinciwe'nmoawan, icI e'ki maciwat.

17:1 Iwcl kanmI kwe'pмосatmowat E'mпоponisuk, ipi E'pononie'uk, kipie'shie'k shi Te'sinonie'uk shi kite'nI otInume'okumkomwa ki Cwiuk. 2 Iwcl Pan, e'shcIke't okipitike'ntawan shi, ipi nsuk e'nume'kishkuk, okiwishte'pman shi Kshe'mIne'to ikikitonuk. 3

E'witmowat ipi we'we'nI e'iactumwat, nomkItne' Knayst e'wi kwtukitot, ipi, minI e'wipsukwit, e'kinpot, otl cI ie'o Cibus nin me'nwactumonkon oie'o Knayst. 4 Iwcl anIt kite'pwe'ie'ntumwuk, ipi okiwitokwawan ni PanIn, ipi Sayne'sIn, ipi ke'cmaoce'ticIn, e'nmuancIn Knik nIshInape'k, ipi co kipke'ci shIiwusik, nakanse'cIk kwe'k. 5 KicI Cwiuk, kapwate'pwe'ie'ntukuk, kikshawe'ncuke'k, ipi okiwtapnawan anIt ke'kie'patsIncIn nInwun, mamwI kie'patsIncIn, ipi okimaotanawan, maoce'tincIn, ipi caye'k shi kcI-otanuk kiwishkwe'we'ksik, ipi okimikatmoawan e'tanIt Ce'sInIn, e'wi kwCIsakcoonawat e'wisho`tuwawat ni nIshInape'n. 6 Iwcl shi kapwa mkuwawat, okiwtapnawan Ce'sInIn, ipi anIt wikane'inInIn, okisho`tuwawan, ni nakansIncIn shi kcI-otanuk otl kikItwuk, kotI, kakwe'npawe' pnukuk kI, win wake' shotI pie'k. 7 KotI Ce'sIn kapitike'naIn, caye'k cI cototsik otpakwnuke'wun SIse'iIn, otl kItwuk, nkot, pkansI kcI okuma, nkot Cibus. 8 Ipi kimkoshkate'ntumwuk, ki nIshInape'k ipi nikansimwan shi kcI-otanuk, pic kanotmoat notI ke'ko. 9 Iwcl kataswat, o Ce'sun ipi ki anIt, kipkItnukaswuk. 10 Iwcl ni wikane'iwan, kie'nup, kinokana wan ni PanIn, ip Sayne'sIn kapkonianuk ipI Pinie'uk kapiawat kipitike'k shi otInume'okumkomwa ki Cwiuk. 11 KotI cI wusimI kipite'ntakwsik icI kikaicuk ipI Te'sinonike'uk, osam winwa kipsItanawa i kikitowIn, caye'k, anwaci ne'ntumwun, ipi okintowapitanawa Kshe'mIne'to okikitowun e'tso kishkuk, e'wike'ntumwat tanak notI ke'ko, e'wite'pwe'mkIttuk. 12 Iwcl ie'i mce'sh kaocI te'pwe'ie'ntumwat ke'iapI nakanse'cIk knik kwe'k, ipi nInwuk co kipke'cishIiwusik. 13 Pic cI ki Cwiuk kaie'cuk Te'sinonike'uk kake'ntumwat Pan, e'mnwactuk Kshe'mIne'to kikitowIn, ipI Pinie'uk, kipie'k shi ke'iapI, ipi okiopwe'awan ni nIshInape'n. 14 Iwcl kie'nup ni wikane'iwan okinokanawan PanIn, ke'cwa e'ki shiakasot shi kcu kamik, Sayne's cI ipi Timotius shi me'kwa kiik. 15 Kiwcl kapmonacuk ni PanIn, kipie'na wan shi E'tinsuk, icI kakish witmakwat e'wiwitmowawat Sayne'sIn, ipi TimotiusIn kie'nup e'wipianIt shi e'ciIt, kinmamacik. 16 Me'kwacI Pan e'ie' pwi iat shi E'tinsuk ocipamIn okim mackakon, pic waptuk i

kcI otan, caye'k e'pkItntsoWat me'nItto kat nIncIn. 17 Iwcl otl, kaocl
iakwne'twat, ni CwiIn shi otInume'okumkonmnuk, ipi ni e'nmaancIn,
ipi shi e'tshItatuk e'tso kishkuk shiw kankwe'shkakwcIn. 18 Iwcl anIt
ne'pwakacIk nInwuk, kiw Ipkwne'n ipi stoik nInwuk
okiiakwne'takon. Ipi anIt, otI kikItwuk, WikwnicI otI ke'c,
ntakakikitot, ke'kItot? anIt ke' pe'kanse'cIk, kikItwuk, ne'ntakwsI,
we'ckie'kwe't ni me'matao sIncIn MIne'ton, osam kaocl kie'kwe't ni
CisusIn, ipi psukwiwun kanpok. 19 Iwcl e'kiw otapnawat, ipi
okishonawan shi E'niopike'suk, otI cI kikItwuk; ConI otI
ntake'ntusimIn, oshke'shIcke'wun, otI kin iactumIn. 20 Osam kin
kpie'ton me'matawiau ke'ko ntokananuk; ie'i ntIne'ntamIn
e'wike'ntumak notI ke'ko we'cnomkuk. 21 Osam caye'k ki E'tinsuk
nInwuk, ipi pwake'ncIkascuk, shi kaie'cuk, coke'ko oki miktIsinawa,
mtIno, e'wi witmake'wat tanake' e'wi psItmowat we'shkianuk, ke'ko.
22 Iwcl Pan e'kinipwIt, shi na`wiukwan Me's kwutakik,, ipi otI
kikito; E'tinsuktI nIn ituk, nmukan kinwa cake'ko, ktosam
te'pwe'tanawa. 23 E'pmose'ian kiwapmInum, e'numaie'k, nkimkawa,
e'tshI sku`umatuk, otI e'shuonIpie'kate'k, WIN KSHE'MINE'TO
PWAKE'NTAKWSIT; otI ie'i e'pwa ke'ntume'k, ktInume'kitowawat,
Win ke'iactmonum. 24 Kshe'mIne'to, kaoshItot kI, ipi cake'ko pic
iukwan e'te'nuk, osam win o Te'pe'n tan shpumuk, ipi kI cowi te'si,
wikwamuk, onIcima kaoshIcke'k. 25 Cowike', nInwuk onIciwan ocl
nume'ktowasi, ke'cwa e'ntuwe'ntuk ke'ko, osam cak wIil ominan
pmatsuwun, ipi ne'mwun, ipi cake'ko. 26 Okowshian cak e'shumIt
nInwun, e'nkot nInwuk mskwI, shotI e'icIk caye'k kik, ipi kisha,
kishne'ntum e'pwamshu piampIt nuk pic, ipi wakopmatsInIt. 27 E'wi
ntone'wawat Kshe'mIne'ton tanak, kinaktawe'nmawat ipi mkawawat;
co anwI pnociIsi e'tshIikon. 28 Osam win we'cpmatse'ikon, ipi
we'cmaacuwilkon, ipi we'cilikon kpmatsiwnunanIn, ke'cwa anIt
kinwa ne'kumocIk kakItwat, ke'iapI ninan ntonicansumkonan. 29
OsomcI kinan e'wi nicansumkoikon Kshe'mIne'to,
cosuktashite'asimIn, Kshe'mIne'to shInakwsI, ke'cwa osaw` shonia,
tanake' shonia, tanake', SIn, kamiuk, u`koshuk, nInI, e'shkuke'ntuk.
30 Pic cI otI, pwake'ntumuk Kshe'mIne'to okicipikwe'tan, nIshcI

nkom, otInan caye'k nInwun e'wikisate'ntusnIt. 31 Osam okishwshIston e'kishkiwuk shiw ke'ci tpakwnuk otI kI, shi npwakawunuk, niw nInwun, kawe'napmacIn, kashu witmoat, caye'k nIiwun, i e'kipsukwitnat, e'nponpIt. 32 Iwcl kanotmoat i psukwiwun, e'npok anIt okinapto takon, ipi anIt otI ki kItwuk, minI kupsItomIn otI katshItmIn. 33 Iwcl Pan e'kinkInat e'kinmumacit. 34 NIshcl anIt nInwuk, okiwise'okon ipi kite'pwe'ie'ntumwuk, nkot-cl Tayonius E'niapikayt, nInI, ipi nkot kwe', Te'me'nIs, kishInkaso, ipi anIt pe'kanse'cIk.

18:1 IcI kakish otI nomkuk Pan kiwcl maci, shi E'tinsuk, ipi kipie'wak Kone'ntuk. 2 Iwcl shi okimkawan nkot CwiIn E'kwine' kishInkaso katshInikIt shi Pantusuk mcupshuk kiwcupie' Ite'niuk, kipie'wice'wan wiwun, Pe'se'nie'n, osam Knatius kishowe' caye'k CwiIn e'wiwclmacinIt shi Nom; icI e'kipie'naskakwat. 3 Osamcl ke'win kiie'inInkie', shiw okiwitke'man, ipi kimikce'win, pukwoian wikwame'n e'oshItowat i kanInkie'wat. 4 Ipi kiknomake' shi nume'okumkok e'tso nume'kishkuk; okikie'kman, ni CwiIn ipi Knik nInwun. 5 Pic Sayne's ipi Timotius kaocupiawat Me'sitonie'uk, Pan cipamIn okiw pwe'shkakon, ipi we'we'nI okiwitmowan ni CwiIn o Cius, win Knayst. 6 Iwcl kanschke'nmawat, ipi kapiclkikitowat, okipapiwnanIn niw paskukIn ipi otI okinan, kinwa kmIlskwimwa kupuksIn ktupiwak, nincl mpinakwIs nkom, cl nkIshia e'ci ilwat, Me'ikIscIk. 7 Iwcl kanmumacit kinmupitike' nkot nInI wikwamnInIn, Custus, kishInkaso, win kanume'kitowat Kshe'mIne'ton, e'tat, pe'shoc kite'nI shi nume'okumkok. 8 Iwcl KnIspus ke'k nikansIt shi nume'okumkok, kite'pwe'ie'nman Kshe'mIne'ton, ipi caye'k kaiInIt shi e'tat ipi mce'sh ki Kone'ntie'n nIshInape'k kspsItake'wat kite'pwe'ie'ntumwuk ipi ki kcItapie'nkaswuk. 9 Iwcl Kshe'mIne'to e'pkonianuk okiknonan ni PanIn, otI kinaptum, Ke'ko kwackIn, kikiton, ke'kowi co kikitokIn. 10 Nin ke'ce'in kuiI ipi cowliI nInI ke'ko ktotakwsi, na`w e'wi totakwiIn osam mce'sh ntInIshInape'muk shotI ik kcI otanuk. 11 Iwcl shi e'kiiIt nkot pon ipi nkot watso kisIs, e'kiknomowat, i Kshe'mIne'to kikitowun. 12 Pic Ke'nio e'ie'

okumawut shi E'kie'uk icI ki Cwiuk, ki mamwI ne'ntumwuk
kipie'msou`tik e'kiw otapnawat, ni PanIn, ipi okipie'nawan shi
tpakwnuke' cipitupwunuk. 13 OtI kikItwuk otI nInI wishte'pman
nInwun, e'winume'kitowanIt, Kshe'mIne'ton, e'shpwa
tpakwnuke'ikon. 14 Pic cI Pan, wawe'pkakitot Ke'nio, otI okinan ni
CwiIn, kishpIn otI ke'ko mianuk, tanake', kie'patsowun, O kinwa
Cwituk, taowunIt, e'wpsIttonkon. 15 NIshcI tanak ki kitonIn ipi
noswunIn, ipi shi ktpakwnuke'onuwa, kinwa naktu we'ntumok, CoIn
nin nkItpakwnIsin notI ke'ko. 16 Iwcl e'kimiwnashkawat shi
tpakwnuke' cipitupwunuk. 17 Iwcl ki caye'k, Knikuk nInwuk
kiwtapnawan Sostinis, ke'c nikansIt shi nume'okumkok, ipi
okipsItie'wawan, shi tpakwnuke' cipitupwunuk, Ke'nio cI co oki
tpate'n tusin notI ke'ko. 18 Pan cI, otI kashkish otI nomkIttuk
kInwe'shi kiw, icI e'kinumkawat ni wikane'iIn, iwcl e'ki ocIposIt
shiw e'kinashIt Sinie'uk, ipi okiwise'okon Pisinie', ipi E'kwine',
okimoshwan otupinuk, shi SInkniuk, okiwawitma ke'. 19 Ipi
kipie'wak shi IpiSus shi cI oki nkInan winclie'k, kipitike'wak shi
nume'okumkok, ipi okikie'kman ni CwiIn. 20 IcI shi e'wiInIt,
e'kinawat wusimI co okite'pwe'twasin. 21 OkinumkawancI otI
okinan, ninsI we'we'nI, nkumicIn wikwtowun ipI waiuk,
Cinose'ne'muk, nIshcI minI ne'iap kupie'naskonum kishpIn
Kshe'mIne'to ne'ntuk Iwcl shi e'kiwcl posIt, IpiSuswk. 22 IcI kakupat,
shi Sisune'uk, ipi kawu kuke'nonat ni te'pwe'ie'ntumnIncIn, kishie'
wak, E'ntiakuk. 23 Iwcl shi kInwe'shishI kaiIt, kinmumaci, ipi kishie'
cak, e'kiwuk, Kne'shiuk, ipi Pnicie'uk, iaianke', e'wishke'ntumoa
caye'k ni te'pwe'ie'ntumnIncIn. 24 Ipi nkot Cu E'panus kishInkaso
katshinikIt, shi E'ne'kse'nte'ne'uk ke'ckikitot nInI, ipi kawishkisIt
shiw kikitonuk Kshe'mIne'to, kipie'shie' shi IpiSusuk. 25 OtI nInI
kiknomowa shi otIne'ntumwunuk, Kshe'mIne'to; kiminwe'ose' shi
ocipamuk, oki iactan, ipi kikInomake' pIne', e'ne'ntumnIt
Kshe'mIne'ton, mtIno okike'ntan, CanIn okIctapie'nwe'wun. 26 Iwcl
e'we'p wishkuknonat shi nume'okumkok pic E'kwini ipi Pisine'
kanotwawat okiw tapnawan ipi okikInomowawan, wusimI we'we'nI,
e'ne'ntumnIt Kshe'mIne'ton. 27 Iwcl e'kine'ntuk e'wishiat shi

E'ke'ie'uk, wikane'iIn kiwnIpie'ke'k, e'wishte'pmanIt, ni te'pwe'ie'ntumnIncIn, e'wi mnototwanIt, pic ipI pianIt, okikcI nishokmowan ni te'pwe'ie'ntumnIt, shuwe'ncIke'wun. 28 Ipi okiwishkukie'kman ni CwiIn, ipi e'wapituat mIsInukInuk o Cibus oie'o Knayst.

19:1 OtI cI kanomkuk, E'panus, e'ie'ilt shi Koue'ntiuk, Pan kapmIcakshkuk, mpIne'iuqwan shiw otukimwak kipie'wak shi IpiSusuk, okimkawan anIt shi te'pwe'ie'ntumnIncIn. 2 OtI cI okinan, KiwtuskowanI o PanakwsIt Cipam, e'ko te'pwe'ie'ntume'k? OtI cI okinawan co su tInankinotake'simIn e'wiiIt PanakwsIt Cipam. 3 Iwcl otI okinan, We'kwni nukwe', kaocI cItapie'nkoie'k? OtI cI okinawan, CansI okIctapie'nwe'onuk; 4 OtI cI kikiTo Pan, Can, we'we'ni kikiI tapie'nkowa shi kcItapie'nwe'onuk, e'kisate'ntumuk otI okinan, ni nIshInape'n, e'wi te'pwe'ie'nmanIt ni shkwe'iak wapie'tnIsnIncIn niw cI ie'ni Knayst CibusIn. 5 Pic cI kanotmoat otI, kikiIctapie'nkaswuk shiw tInoswunuk Te'pe'nke't Cibus. 6 Pic cI Pan ka`tot niw onIce'n shi wiwunuk, PanakwsIt Cipam okipkIshnotakwan, ipi papkankishu kikitok, e'iacimoat. 7 MtatsoshItInish, ki caye'k nInwuk, kitshik. 8 Iwcl e'kipitike't shi nume'okumkok, nso kisIs kiwishkukie'kwe', e'wishte'pmat, ipi e'tshItuk ni ke'ko shi otokumauwunuk Kshe'mIne'to. 9 Pic cI anIt kawishkite'awat, ipi kapwa te'pwe'ie'ntumnIt, nIshcI e'ki mcI tshItmoat iw ni maoce'tincIn, shiw kiwclmaci e'kinkInat, ipi e'kipapke'pnat ni te'pwe'ie'ntumnIncIn, ipi e'ki iakwne'twat e'tso kishkuk, shi Tayne'nusIn, e'tshI kno make'nIt. 10 IwsI otI plne', katotuk nishpon, icI ki caye'k kaie'cuk shi E'shiuk, okinotanawa okikitowun Te'pe'nke't Cibus, ne'ne'ish Cwiuk ipi knikuk, nIshInape'k. 11 Kshe'mIne'to cI kimataonInkie', shiw onIcinuk ni PanIn. 12 Shi cI owiiwuk otocmacitwawan, ni iakwnokancIn moshwe'iIn, tanake', pe'kanuk kwu`wun, icI i otInapne'onawa ke'imacimkIt nuk, ipi ni mIcImIne'nton kisakumwun shi wiuwuwak. 13 IcI anIt ki ke'ko pwapite'ntakwsIcIk Cwiuk, caskie'cuk, kine'ntumwuk, e'wintomawat, kakIshkwanIt, ni mIcIme'ton, e'wiwawinawat ni Te'pe'nke'ne't CibusIn, otI kikiItwuk,

ku WitmonmIn shi Cisuusuk o Pan we'ckie'kwe't. 14 NonkcI kitshin okwIsIn Sipe'i, Cwi nInInI, ipi kanikansIt ni me'matmoncIn iw kanukmuksInIt. 15 Iwcl o mIcIme'to okinkwe'twan ipi otI okinan Cisuus slie'k nkuke'nma, ipi Pan, nkuke'nma, nIshcI we'ninukcIkinwa? 16 IcI o nInI kakIshkwat, ni mIcIme'ton okikwashknotwan, ipi okinshiwuan, ipi okiwe'ctIn shiwan, icI shi kisakitInshumwuk shi wikwamuk, shashakIt, ipi kimiaksik. 17 OtI cI okike'ntanawa caye'k, ki Cwiuk ipi Knik, nIshInape'k, ke'iapu, katacuk shi Ipisusuk; ipi caye'k, kise'ksik icI otInoswun Te'pe'nke't Cisuus, kiwinwackate'ne'. 18 Ipi mce'sh ki te'pwe'ie'ntukuk kipie'k, ipi oki iactanawa, ipi kiwaptawe'k, kanukmuksowat. 19 Mce'sh ke'iapI kiw mataototkuk, okipie' tonawan, mIsnukInwan, e'ki msocaksumwat e'nasmupnIt nInwun; ipi okiki tanawa e'pite'ntakwtInuk, nianomtInI tsuk mtatswak shonia. 20 Iw kashu kcI mace'knInuk Kshe'mIne'to okikitowun, ipi kinshiw awe'mkItInI. 21 IcI kakish nomkItInuk, Pan kishIte`e` shiw Cipamuk, kakish kwe'pmsatuk Me'sitonie'uk, ipi E'ke'iuk e'wshiat shi Cinose'ne'muk, otI kikIto shi kishie'ian ke'iapI nkowaptan Nom. 22 Okinokanan cI, ipI Me'sitoniuk, nish ni kapmitakwcIn, Timotius, ipi Ine'stus, nIshcI win shi kiuwak, nomuk; shi E'shie'uk. 23 Iwcl i pic; okik cI cshItanawa i totmowun. 24 Osam nkot nInI KishInkaso Timitinus shwaniake't, kaoshItwat shonia mkukwe'n, ni Taye'niIn, okikshkItIn mce'sh e'ki pie'twat ni, shonia mikce'winInwun. 25 Okimaosoman ni, shwaniake'ncIn, kashu ie'i mikce'winIt, otI okinan, Nikantuk, kuke'ntanawa, otI e'shmikce'wikon we'c tpInwe'ose'ikon. 26 Ke'iapukI kinwa kowaptanawa, ipi kinotanawa, comtIno, ipI Ipisusuk, kakake' shi caye'k E'shie'uk, otI Pan, okiwishte'pman, ipi okikwe'knan mce'sh nIshInape'n, otI okinan Cowi ki Kshe'mIne'tok, winwa kaoshIckascuk onIcimak-e'ioK. 27 Coike' otI mtIno, kmikce'wiwunInan, nie'sansInon, e'wi we'pnukate'k, iwkwshu ke' ke'iapI otInume'okumkom, kcImIne'to Taye'ne', e'wi shi ke'ncIkate'k, ipi i okIcne'ntakwsuwun, kupinacIkate' caye'k E'shie'uk, ipi kik, e'nume'kitakwcIn. 28 Pic cI otI kanotmowat; notI kItwunIn, kimoshkIne' nshkatsik, ipi kinotakwsik, otI kikItwuk, Ke'cpite'ntakwsIt, Taye'ne', te'pe'n mukot IpisusIn nIshInape'n. 29 Ipi

i caye'k kcI otan, kimoshkIne' wishkwe'we'kIt, ipi kamIshInawat Ke'usIn, ipi, E'nistakusIn, Me'sitoni nInwuk, Pan kapmIwice'wacIn e'pamatsIt, kimso pitike'ptok shi ke'ko e'tshI waptuwe'k. 30 Pic cI Pan, e'wipitike'ntuwat, ni nIshInape'n ni te'pwe'ie'ntumnIncIn cokipkIt nukwsin; 31 Ipi anIt kiwokumak, shiw E'shie'uk, ka wikanmacIn, kinokashwe'k, e'nawat e'wipwa kwcI pitike'nIt shi e'tshI ke'ko wapituwe'k. 32 AnIt ke' aiapIn kishInotakwsik, anIt ke' papkan, osam ki maoce'ticIk kiwishkwe' we'ksik, wusimI kimane'k, ki kapwa kuke'ntukuk kaocI maotoshnowat. 33 KicI Cwiuk, kipie'sakconawan E'nikse'nte'In, shi e'tshI maoce'tiwat, E'nikse'nte', cI okiiainInkawan, ni nIshInape'n ipi takiknotmatso. 34 IcI kake'nmawat, e' Cwi nInwunIt, caye'k kimsonotaksik, e'pite'ntakwuk nish tpukIn, KcIpite'ntakwsI Taye'ne', Te'pe'nmukot IpususIn nIshInape'n. 35 Pic cI o we'npie'ke't shi otanuk katokmupat ni nIshInape'n, otI okinan tshI nInituk Ipusus, We'nice' nInI pwake'ntuk okIc otanmowa, ki IpususIn nIshInape'k, e'nume'kituwat ni kcI Taye'ne'In, ipi i we'npie'kate'k, kaocI pmukocuk, shi Cwpite'uk. 36 Osam cI notI, ke'ko co ke'ko tanIshIckate'snon tokum ktaium, ipi kie'nup ke'ko e'wi pwatotme'k. 37 Osam kote' kipie'nawak nInwuk, ktInie'me'okumkomwak, pwakmocuk, coke' otumcIcshumasiwan ni kimintomwan. 38 IwsI ie'i otI, kishpIn Timitius ipi ki mikce' winInwuk, ni pe'mwice'kocIn, ke'konInmawat wliI nInwun, tpakwnuke'wun nsakwsun, ipi ik tpakwnuke' nInwuk, nocma winwa ke'tpakwnItwuk. 39 KishpIn cI e'k, ke'ko pe'kanuk witshItme'k, kiac cI kate', shi tpakwnuke'wunuk. 40 Osam knInie'sansImIn, e'witpakwnukoikon otI nkom e'kishkiwuk e'kiwishkwe'we'kuk co ke'ko kukItsimIn otI we'cmaoce'tikon. 41 IcI otI kakishkItot, okisakitInan ni maoce'tincIn.

20:1 IcI kakish wishkwe'we'kuk Pan okintoman ni te'pwe'ie'ntumnIncIn, ipi okinumkowan, icI e'kinmumacit e'wishiat Me'sitoniuk. 2 IcI kakish pe'nIcakhkuk, shi, ipi kapmI kcIwishte'pmat, kipie'shie' Knisuk; 3 ShicI kiiI nso kisIs. IcI ki Cwiuk e'kuwapmawat pic wanashnIt, shi Sinie'uk, kie'ntum e'wi

shukiwe't, e'winmIshiat Me'sitoniuk. 4 IcI okishIwice'okon shi E'shie'uk, Sope'te' Pinie' nInI, ipi E'nIstakus ipi Sikuntus Te'sinoni nInwuk, ipi Ke'us ipi Timotius, Te'pie' nInwuk, ipi TaycIkus Topimus E'shie' nInwuk. 5 KotIcI kinmInikanik, nkipwikonanuk, shi Toe'suk. 6 Nkiw cI mace'iashmIn shi Pinipayuk kakishkishkiwuk, pwaopce'te'k pkwe'shkIn, icI kanianokwnukuk nkipie' otIsamIn shi Toe'suk shicI nkiiImIn nouktsokwun. 7 IcI ine'tum e'kishkwuk shi wik, pic ki te'pwe'ie'ntukuk, kamaoce'tiwat e'wi pikuptowat pkwe'shkIn, Pan, okikie'kman e'wshInwit, wapuk e'wimacit, icI oki knonan nash apitI tpukitInuk. 8 Ipi shi kimane'nI waskone'ncukInIn shi shpumuk wikwamuk, katshI maoce'tiwat. 9 IcI shi nkot, kicipitupI, e'cI wase'ckIn kate'nuk, oshkInwe' Iwtaykus kishInkaso kicIn pe', icI Pan kInwe'sh e'kie'kwe't kipmukocIn e'ie'npat, nsuk e'pitokInkate'k shi shpumuk kiwtukocIn, ipi kiw tapInukaso e'upot. 10 IcI Pan e'kinisat, ipi wiwunuk kipukshIn, icI e'ki iakce'nat, otI cI kikIto; ke'ka mkoshkate'ntuke'k, opmatsiwun shi me'kwate'nI. 11 IcI minI kapie' kwutasit, ipi kapikupitot i pkwe'shkIn, ipi kawisnIt, ipi kIn we'sh kakakikitot nash e'wase'apnInuk, icI e'ki macit. 12 IcI okipie'nawan niw oshkInwe'n e'pmatsInIt, kicI mciwe'nmokcI. 13 IcI ninan nkinikanimIn, e'ki shiaiak, napkwanuk, ipi nkinashmIn E'susuk, nkine'ntamIn shi e'wi otapnukIt, Pan iw kashumiImIt, kine'ntum win swipmose't. 14 IcI kankwe'shkwukIt, shi E'susuk nkipo samIn, ipi nkipiamIn shi Maytiniuk; 15 ShicI nkiwcI macimIn, nki nashmIn icI wiapuk nkikpamIn shi Kayasuk, icI minI wiapuk nkipiamIn shi Se'masuk nkiiImIn cI shi Tnociniumuk, icI minI iapuk nkipiamIn shi Minitiusuk. 16 Pan kine'ntum e'winashIt cikiiIkwan Ipisusuk, osam co kine'ntusi shi e'wiIt E'shie'uk, kiwe'witpIshke', shi e'wi te'piat shi Cinose'ne'muk, pic e'wiwikwtowut. 17 Minitiusuk cI nokashwe' e'wishianIt ipI Ipisusuk, e'ntomat ni onikansimwan ki te'pwe'ie'ntukuk. 18 IcI kapiawat otI okinan, Kuke'ntanawa, pic e'wshkukishkuk, kapie'naskonkon shi E'shie'uk, kashuwe'psian, pIne', e'kowicInkon. 19 E'shpmitwuk Kshe'mIne'to e'pwakcIne'ntuman miia`w, ipi mce'sh moawun, ipi kwcItupe'ntuwun iw kaocI showe'psian e'kikawapmIwat ki Cwiuk. 20 Ipi kapwashu, ke'ko

kiatmonkon, tao cI ke'koie'ie'k; kiwaptInum, ipi kiknomonum e'cI
wapcIkate'k iaianke' wikwamuk. 21 E'kie'kmukwa ki Cwiuk, ipi
ke'iapI ki Knik nIshInape'k, kisate'ntumwun e'wi ne'nmukon
Kshe'mIne'to ipi e'wi te'pwe'ie'nmukon Te'pe'nmukwiukon Cibus
Knayst. 22 Ipi nkom pInI, ntusha, tkopso ncipam shi Cinose'ne'muk,
co nkuke'ntusin ke'shu we'psowane'n shi: 23 NIshcie'k PanakwsIt
Cipam, witmake', shi e'tso kcI otanwuk, tkopsowunIn, ipi
kwtukitowunIn ntupwiikon. 24 NIshcI co ke'ko notI mpupame'ntusin,
coke' ke'ko npumatsuwan ntupite'ntusin, iw mtIno e'wipon
mikce'wian mnowan kosian, ipi i pmitake'wun kamishIt, Te'pe'nke't
Cibus e'wiwitmake'ian, omIn wacmonuk iw shuwe'ncIke'wun
Kshe'mIne'to. 25 Ipi nkom pInI, nkuke'ntan kinwa caye'k
kapmImnwactumonkon iw otoku mauwun Kshe'mIne'to, co minI
kawapmIsim. 26 OtI cI ie'i, we'cotapinInkon, otI e'kishkiwuk e'wi
ke'ntme'k, e'pinakwse'ian nInwuk omuskwimwan. 27 Co nkipontosin
e'witmonkon caye'k Kshe'mIne'to otIne'ntumwun. 28
Ikwame'ntumok, kiiwuwa, ipi caye'k ki kumsawe', o PanakwsIt
Cipam, kaoshukoie'k e'wikuwapme'k; e'wipmIshIme'k,
te'pwe'ie'nmacuk, Kshe'mIne'ton win tpInwe' omIskwim kaocI
kshkaacIn. 29 Osam otI nkuke'ntan, kikish mumacian,
shake'ntakse'cIk moe'k, okupitike'ntawawan, cokuponikwasiwawan
ni me`sotincin. 30 Ke'iapI ke'kinwa tpInwe' nInwuk kupsukwik;
kumcIkikitok, e'wi wikpInawat te'pwe'ie'ntumnIncIn. 31 IwsI ie'i otI,
kuwapuk, ipi nakutuwe'n tmok, e'konsoponkuk, conki ponwitmoasik
e'tshuwat e'tso pkoniak, ipi e'tso kishkuk, e'mwoian. 32 Ipi nkom
nikane'ituk, nminakiiIwuwa Kshe'mIne'to, shi ntInume'onuk. ipi shi
okikitonuk oshuwe'ncuke'onuk, ie'i takshkukoie'k,
e'wipsukwitnukwie'k ipi e'wiminkoiak te'pe'ntukuk, e'ciiuwat ki
caye'k panakwcIkascuk. 33 Co nItwe'ntumwasi wIil nInI oshoniaum,
tanake' osaw shoniaiIm tanake' otukwIn. 34 Kinwa, tpInwe',
kuke'ntanawa, notI nIce'n, ne'twe'ntuman nkipmitakwnIn, ipi kiw
kapmI wice'ocuk. 35 Cake'ko, kiwapte`num, otI e'shu mikce'wik,
washu nishokmoe'k ki ne'ninwuscuk, ipi e'wi naktIwe'ntumwe'k
okikitonIn Te'pe'nke't Cibus, e'kikItot. wusimI shuwe'ntakwsowun, i

e'wimikwak icI e'wiwtapnmuk. 36 Pic cI i kakish kItot
kiIwucikwnIshIn ipi caye'k kiwic nume`k. 37 IcI caye'k kikcumwik;
ipi kipmukocnok, shiw kwe'knanuk, ni PanIn, ipi okiwce'mawan. 38
WusimI i kaocI kisate'ntumwat, i e'kikitnIt cominI kawapmIsim. IcI
ipI napkwanuk e'kishuwic wawat.

21:1 OtIcI, kanomkuk, icI kankInkIt, ipi kawe'pshkaiak, tpasu
nkishiamIn shi Ko-osuk icI wiapuk nkipiamIn Nots-uk, icI shi nkiwci
macimIn icI nkipiamInIcI shi Pe'te'ne'uk. 2 IcI kamkumak napkwan,
e'nasuk, ipI Pinisie'uk, nkiposmIn, ipi nkinmacimIn. 3 IcI
kawaptumak, Saypnusuk, onum ciwnak nkishInkItamIn, ipi
nkinashmIn shi Sinie'uk, ipi nkikpamIn shi Tayniuk, shi wie'shi
wacukwasnaswat i napkwan. 4 NkimkowamInIshi te'pwe'ie'ntukuk,
nkiiImIn shi nouktsokwun, okinawan shiw Cipamwak ni PanIn,
e'wipwa shi auIt shi Cinose'ne'muk. 5 Pic cI kate'psak notI
e'kishkiwuk nkinmacimIn, ipi caye'k, nkiwice' okonanuk nike'
owiuwan, ipi otupnoce'imowan, nash kanmIsakumak, shi kcI-otanuk,
icI nkiuwucikwnIshnImIn shi cik kcukumik, ipi nkinumamIn. 6 Pic
cI kakishnumkokIt, nkiposmIn shi napkwanuk, icI ke'winwa minI
kikiwe'k. 7 KaocIpiaiak, cI shi Tayniuk nkipie' shiamIn shi
Ptonimiusuk ipi nkinumkuwamIn kiwnikane'inanuk, ipi shi nkotkon
nkiiImIn. 8 IcI iwiapuk ninan kapmI wice'okIt Pan, nkimacimIn, ipi
nkipaimIk shi Sisinie'uk nkipitike'mIn e'tat Pinip, ke'kie'kwe't, win o
nkot nouk ke'tshIcuk, ipi nkiwicamIn. 9 WinIcI o nInI kinie'win
ote'nsIn ki kikiak win, kiiacimok. 10 Shice' nkiwmIn onatsokwIn
kiwci pie'wak Cwtie'uk, nkot Nakanacimot, E'ke'pus kishInkaso. 11
Pic kaotIsiImIt okiwtapnumwan okIcipsownInIn PanIn, icI e'kitkop
tot, niw onIce'n ipi osIte'n, otI cI kikito; otIsI e'kitot, PanakwsIt
Cipam i ke'totwawat ki Cwiuk okItkopnawan ni nInwun te'pe'ntumnIt
otI kcipsowun, shi Cinose'ne'muk, ipi okupkItnumwawan wia`w shiw
onIc inuk, ni Me'ikIsnIncIn. 12 Pic cI otI kanotmak notI, ne'ne'ish
ninan, ipi ki shi kaie'cuk; nkiwishte'pmamIn e'wi pwashiat sho
Cinose'ne'muk. 13 Pe'n cI otI okinan, TacI we'cmwoie'k ipi e'wi
pkIshke'ntumo`ie'k? CoIn mtIno nkishe'wisi e'wi tkopsoian mtIno

ke'iapIsuke' e'wi npoian ipI Cinose'ne'muk, win shiw otluoswunuk
Te'pe'nke't Cibus. 14 Pic cI kapwak shkumkIt nkiponmamIn otI
nkikItmIn, OtIne'n tumwun Kshe'mIne'to knomkItne'. 15 IcI notI
kakash kishkiwuk nkimacinamIn ntotapiananuk icI e'kishiaiak Ii
Cinose'ne'muk. 16 Ipi anIt nkiwice'okonanuk, te'pwe'ie'ntukuk, shi
sisine'uk, ipi nkot kipie'nawan, Me'nsun, Saypnus nInI, kowe'si
te'pwe'ie'ntuk, win o e'wiwicukIt. 17 Pic cI kapiaiak shi
Cinose'ne'muk nikane'inanuk, kinciwe'nmok e'kiwapme'ie'nIt. 18 IcI i
wiapuk Pan, nkiwice'okonan, Ce'ms e'ciIt, ipi caye'k ki nakanse'cIk
shi kiik. 19 IcI kakash numkaokIt, nkiwike' witmaknan,
Kshe'mIne'ton kashu mwuntmakot, shi e'ciiInIt Me'ikIsnIncIn shiw
okukie'kwe'wunuk. 20 Pic cI otI kanotmowat, okowinwanawan
Kshe'mIne'ton, ipi otI, okinawan Kowapitan, nikane', tsuk mtatswak
Cwiuk, te'pwe'ie'ntukuk, ipi caye'k pupame'ntanawa i
tpakwnuke'wun. 21 Kinotake'ksI kin e'knomotwa, caye'k ki Cwiuk,
wawiakshkuwacuk, ki me'ikIscIk, awinkInawat MosusIn otI kikIt
awipwa tpakwnawat niw nicansawan e'wipwake' naksuwapitumwat
ni ototmonuwan. 22 We'kwnicI otI, taocI nomkuk? ki nIshInape'k,
kumaotoshnok, osam kInotake'k e'kipian. 23 OtI cI ie'i, ke'ocI totmIn,
nie'w nInwuk shotI ntliwamIn, kawawitmake'cuk. 24 OtapIn ki, ipi
pinakwton kia'w ipi winwa, ipi tpI`In anIt ke'pite'n takwuk, iw ke'ocI
moshmowat niw otupi wan, ipi caye'k e'wike'n. tumwat kashu
notake'wat, i e'kikon coke'ko pite'ntakwsInon iw kaocI ke'ntumwat
kwiuk e'shuwe'psin, ipi e'naktuwe'ntumIn, i tpakwnuke'wun. 25 Kiw
cI wi Me'ikIscIk, te'pwe'ie'ntukuk nkiwnIpie'mowamIn ipi
nkine'ntamIn e'wi pwa naktowe'ntumwat notI ke'ko, mtInoie'k,
e'wikokatowat wiuwawa kamontwa ki mIntokasnIncIn, ipi mskwI, ipi
ke'ko ke'pne'we'shkanuk, ipi pshukwatsowun. 26 IwcI Pan ki
e'kiwtapnat ni nInwun icI wiapuk e'ki pinakwtot i wiia`w ipi ni icI
e'kipitike'wat shi nume'okumkok, e'wiwaptowe'wat e'caksanuk
nie'kishkiwuk shi pinakwItsowunuk, nashcI mikwe'wun, e'tshowat
e'wimintwa. 27 Pic cI kaka e'nouk tsokwnuke'tInuk Ki Cwiuk, kaocI
piacuk, E'shie'uk, kawapmawat shi nume'okumkok, okiwpwe'mawan
ni nIshInape'n, icI e'kiw tapnawat. 28 Kinotakwsik, IsniIn tshI

nInituk nishokmoshInak. OtI ie'i nInI, ke'knomowat caye'k nInwun, caknkoci e'winshke'nmanIt ni nIshInape'n ipi i tpakwnuke'wun, ipi otI nume'okumuk, ipi wusimI okipie' nan Knik, nIshInape'n ke'iapI shotI nume'okumkok, ipi okiw winakwton otI panakwuk nume'okumuk. 29 Osam kiwapmawan oshklca, e'pmowice'wanIt shi kcI otanuk, TopimusIn, Ipususuk nInI, okine'nmawan ni PanIn, e'kipitike'nant shi nume'okumkok. 30 IcI caye'kshi kcI otanuk, kimatIn, icI ki nIshInape'k, kimsowe'pik, ipi okiw tapnawan PanIn, ipi oki sakite'nawan shi nume'okumkok. IcI kie'nup e'ki kpakw`umwat ni shkwate'me'n. 31 Me'kwacI e'ie'tnInkowat e'winsawat kikitowun, kipie'twa okcI Kapte'nmowan ki shumaknIshuk, shi caye'k Cinose'ne'muk e'wishkwe'we'ktInuk. 32 Win kie'nup kimacinan, shumaknIshIn ipi kapte'nIn, icI ipI e'kipItowat. Pic cI ki kawapmawat ni kcI Kapte'nIn, ipi shumaknIshIn okipon psItie'wawan ni PanIn. 33 IcI o kcI Kapte'n pe'shoc kipie', ipi okiwtapnan kishuwe' e'witkopcIkasnIt nish piwapkwe'n, ipi kinatake', We'kwe'ntuk ni, ipi we'kwe'nshutuk katotmokwe'n. 34 AnIt cI, kako kikItwuk, anIt kI pkan kikItwuk, kiw maoce'ticIk, picI we'we'nI, e'pwake'ntuk, osam i e'wishkwe' we'ksInIt kishuwe', e'wishao`cukasnIt shi wakakInuk. 35 IcI kapiawat shi e'kwkwItasiwunukate'nuk okipmanukon ni shumaknIshIn osam e'puksukwtatwat ki nIshInape'k. 36 Osamki maoce'ticIk nIshInape'k oki pmnashkakon kinanotakwsik; Maciwnuk. 37 Pan cI o Wapitike'nIt shi wakakInuk, otI oki nan ni kcI Kapte'nIn, Kta pkIte'numnI e'wiknonan? wincI otI okinan, ktanI`kikItnI Knikuk e'shumwat? 38 ConI kin o Iciptuk nInI, otI e'pwamshu picak, kawishkwe'we'kitot, ipi nie'wuk mtat swak nInwun kashuonat shi na`wmtukwakik kanshowe'cuk. 39 Pan cI otI kikito; Nin sI Cwi nInI nkitshInik shi Tasusuk, kcI otanuk shi Sinishie'uk, e'kiwuk, ntoc pia e'cI pwa na`wne'ntakwuk kcI otan, kumumatmIn e'wipkIte'nmin e'wiknonkwa kotI nIshInape'k. 40 Pic cI kapkIte`nmat, Pan kinipwI shi e'kwtsasiwunukate'nuk, ipi okiaine'nkowan ni nIshInape'n, pic cI kakeItokmIte'nuk, okiknonan, Ipnoiun, e'shumnIt, OtI kikItwak.

22:1 NInituk, nikane'ituk, ipi Nose'ituk; psItumok, wanInkon e'winatmatsoian. 2 (Pic cI kanotwawat e'kikitonIt, e'shumnIt ni Ipnoiun, wusimI tokum kiik icI otI okinan;) 3 We'we'nI nin, Cw nInI, nkitshInik shi Tasusuk, kcI otanuk, shi Sinishie'uk e'kiwuk, nIshcI nkit shIkishuk, shotI kcI-otanuk, e'tIste'pIt Ke'me'niIn, ipi nkiknomako, omIno tpakwnuke'onuwa, kikosnanuk, ipi nkipmitwa Kshe'mIne'to ke'cwa kinwa e'totme'k nkom e'kishkiwuk. 4 Nkimiashtotwak, ipi nkinsak otI kashu te'pwe'ie'ntukuk, nkitkopInak, ipi nkipitike'nak kpakotiwkumkok nInwuk, ipi kwe'k. 5 Ipi ke'iapI ke'cme'matmot, nkuke'nmuk, ipi caye'k, kakitocIk, kinakanse'cIk, winwa ke'iapI, nkiminkok, ni msInukInIn e'wimacitwukwa ki nikane' iuk, ipi nkishia ipI Te'me'ske'suk e'wipie'nkwa, shi te'kopsocuk, Cinose'ne'muk e'wipsItie'kaswat. 6 OtIcI kanomkuk, me'kwa e'ie' ipI shiaian, ipi pe'shoc kanImItInIsian shi Te'me'skusuk, e'na`wkwe'k, kie'nup kicIwase'ia ociukwan shpumuk nkiwa wase'shkmakon kiwtayiukwan. 7 Ipi nkipmukocIn shi ne'kwukik; ipi nkinotan notakwsuwun, otIki kitomkIt, San, San, We'kwnicI we'cmiashtotwun? 8 OtI cI nkishInkwe'twa, We'nicI kin, Te'pe'nke'n? otI cI nkinuk, ninsI Cissus Ne'se'ni nInI, kin me'ashtotwin. 9 KicI kapmowice'okuk, we'we'nI okiw aptanawa e'wase'anuk, ipi kise'ksik, nIshcI cokinotwasiwawan nikaki noshcIn. 10 OtI cI nkikIt, We'kwnicI ke'totman Te'pe'nke'n, icI o Te'pe'nke't otI nkinuk Psukwin ipi shian Te'me'skusuk, shiw kwshI kuwitmako, cake'ko e'ne'nmukon waoshItan. 11 Pic cI kapwan apian e'pic iasikwe' sian i e'wase'iak, nkipmIskInkInkok, ki kapmowice'ocuk, nkipie'shia Te'me'skusuk. 12 Nkot E'ne'naye's, kwiuk nInI, shi tpakwnuk e'wunuk, caye'k ni CwiIn kamnotshumkot shi katancIn; 13 Nkipie' naskak, kinipwawak, ipi otI nkinuk, Nikane' San, n`I ntuwapIn icI pic i tpukIn, nkiwapma. 14 OtI cI nkinuk, O Kshe'mIne'tomwan ki kosnanuk, kiwe'napmuk e'wike'n tumIn iw tIne'ntumwun, ipi e'wi wapmIt o Nkot Kwiuk; ipi e'winotmIn iw kikitowun shiw tonik. 15 Kin ke'ocI kuke'ntumwat caye'knInwuk, caye'k, i kawaptumIn, ipi kanotmIn. 16 We'kwnicI nkom e'pwiton? Psukwin ipi kcItapie'nkason, e'wiksIiapawe'k kmiashsuwe'psiwnIn, nume'ki to`w

Kshe'mIne'to shi tInoswunuk. 17 OtI cI kanomkuk, minI shi kapiaian
 Cinose'ne'muk e'ie' numaian shi nume'okumkok nkiapwa; 18 Ipi
 nkiwapma, otI nkinuk, Ke'npIsIn, ipi kie'nup sak-In shi
 Cinose'ne'muk, osamco, okIte'pwe'tsinawa, kukie'kwe'wun, e'shmiIn.
 19 OtIcI nkikIt, Te'pe'nke'n, nkW ke'nmukok, e'kikpakwokwa, ipi e'ki
 psItie'kwa shi e'tsuk nume'okum kwe'n ki kate'pwe'ie'nmukwiIn. 20
 Pic cI omuskwim kupmitakaiIm StipIn, kasikwe'pnukate'nuk,
 ninke'iapI shi nkinipow; ipi e'te'pwe'tman, iw o nupwun; ipi
 nkiknInmowak paskumwacIn kikansacuk. 21 OcI cI nkinuk,
 Nmumacin; knokanIn; pnoc, shi e'ce'iuwat ki Me'ikIscIk. 22
 OkipsItwawancI, nashcI otI kakItInIt. kiwishkwe'we'ksik, ipi otI
 kikItwuk, Macinuk, otI e'shwe'psIt nInI, shotI kik; cosupite'ntakwsIsi
 e'wi pmatsIt. 23 E'ie' wishkwe'we'ksuwat ipi e'kiskonie' wat, ipi
 ne'kwukI shpumuk e'ie' puk itowat; 24 KcI kapte'n kishuwe'
 e'wipitikIckas nIt shi wakakInuk, ipi kishuwe' e'wipsItie'kasnIt,
 e'wiocIke'nmawat we'c i shumkot ni nIshInape'n. 25 Me'kwacI, e'ie'
 tkopnawat ni mishakIn tkopcIkInIn Pan; okinan, niw okuman
 cikiwukwan kanipwunIt inI ktIne'ntakwsum shi tpakwnuke'wunuk
 e'wipsItie'we'k, Nome'n, nInI e'pwamshI tpakwnIt. 26 Pic cI kanotwat
 o okuma kishie'wak ipi okiwitmowan ni kcI kapte'nIn otI okinan,
 ikwamsuk otI e'totme'k osam Nome'n nInI otI. 27 IcI kcI kapte'n
 kipie' ipi otI, okinan, WitmoshIn kinI Nome'nInI? OtI cI kikito e'. 28
 IcI o kcI kapte'n, okinkwe'twan, mce'sh shonia nkimikwe'-e'ki-
 kikishpIne'toian te'pe'ntuswun; Pan cI otI ki kIto ninkinik,
 e'tupe'ntusian. 29 Kie'nupcI okinknawan, kiw wak e'nmapninuk, ipi
 ke' o kcI kapte'n kise'kse', kake'nmat, win Nome'n nInwunIt, osam
 win okitkopnan. 30 IcI wiapnIwuk, e'wike'ntuk i e'nomkIt nuk,
 e'mcItshumkot ni CwiIn, okiiapwan shi nIcinuk, ipi okinan ni
 ke'cmatmoncIn, ipi caye'k okikitonawan e'wipianIt, ipi
 okipie'niswunan, ni panIn, ipi okicipitupan e'nasmup wat.

23:1 IcI Pan kane'napmat, kikito nInwun, otI kikIto, NInituk, ipi
 nikane'ituk, e'kopie'pmatse'ian, pie'mnone'ntum, e'nasm upIt
 Kshe'mIne'to, nash otI e'kishkiwuk. 2 IcI o kcI me'matmot

E'ne'naye's, okinan, nI kanipwunIt shi cikiiukwan, e'wiwe' pokwanIt shiw otoninuk. 3 PancI otI, okinan, Kshe'mIne'to kuwe'potak, kin, wapshkukasIn, shinI we'c cipitupiIn, e'wi tpakwnin, shi tpakwnuke'wunuk ipi e'towe'n e'wi we'potakoian shi tpakwnuke'wunuk? e'shupwacIcke'k? 4 KicI kanipwucuk cikiiukwan, otI kikItwuk, kumiashknonanI Kshe'mIne'to, ke'cmatmukwocIn? 5 IcI Pan, otI kikIto, Conkuke'nmasi nikane'ituk win e'kcIme'matmot; osam otI nIpie'kate', Ke'ko, mcItshumakIn otokumamwan ki ktInIshInape'muk. 6 Pic cI Pan, kake'nmat ni anIt e' Se'cwsiwunIt ipi ni anIt e' Pe'ne'siwunIt, kikItwak shi e'kikitokiwnInuk, NInituk ipi nikane'ituk, NinsI Pe'ne'si, ipi Pe'ne'si ntokwIsmuk; pkose'ncIke'n, shi ipi minI psukwiwun kanpok, ie'i we'cntom koian, e'wishpakwnukoian. 7 Pic cI i kakItot, kipie'mkIt kikatwun ki Pe'ne'siuk, ipi Se'cwsiuik, ipi ki mas ce'ticIk, kipapkItik. 8 Osam ki Se'cwsiuik, kItwuk, Coin minI ke'ko psukwiwun kanpok, coi ki mshInwe'k, tanake', cipam, kicI ie'k Pe'nisiuk, te'pwe'tanawa ne'ne'ish. 9 IcI kicI notakwsik, ipi ni we'npie'mowacuk ni Pe'nisiIn kipsukwik, ipi kikikatwat, otI kikItwuk, coke'ko nmukumoasimIn miashowe'psuwun, otI nInI, kishpInie'k mIne'to, tanake', mshInwe', kaknonkokwe'n, cokumikanasimIn Kshe'mIne'to; 10 IcI kapiamkuk, kcI kikatwun kcIkapte'n, e'kwsat ni PanIn, e'wipikupcIkasnIt; okinan ni shumaknIshIn, e'winisasinIt, ipi kitwe' e'wi otapna nIt, ipi e'wipie'nanIt shi wakakInuk. 11 WiapukcIs e'pkoniak, Kshe'mIne'to, okiwic kapwutwan, otI cI okinan, MInowankosIn Pan, osam nin kimnwacum, shi Cinose'ne'muk, iwke' ke'shu mnwacmin ke'iapI shi Nom. 12 Pic cI kakishkiw nInuk anIt ki Cwiuk kimsomaotoshnok; otI kikItwuk, `pnats iwnuk, nkIshiamIn, kishpIn pwansukIt Pan, e'pwamshu wisne'ak tanake', e'pwanshu mnukwe'iak. 13 WusimI cI nie'waptuk kitshik, otI kashuwitokwtatwat. 14 IcI okipie'naskawawan nkcl me'matmoncIn, ipi nakanse'cIk, kikItwuk, otI nkikItmIn, pnatsiwnunuk nkIshiamIn, kishpIn pwansukIt Pan, e'pwamshu wisne'iak, 15 IcI ie'i kin ipi i kikitowun, nokashwe'n e'wiwitmowIt kcI kapton, e'wipie'nawat wapuk, ke'cwa ke'ko e'wi ocInatowut, wusimI kwiuk e'wi iactukwia`w; icI ninan pe'shoc e'pwamshu piaiak,

nkukishkumkIsmIn e'winsukIt. 16 Pi cI Pan, omIse'iIn okwIsnInIn, kanotwat e'wikuwapmanIt, kishie'wak, ipi kipitike' shi wakakInuk, icI e'kiwitmowat ni PanIn. 17 IcI Pan e'kintomat, nkot ni okuman ipi otI okinan, sha`onuk otI oshkInowe' e'ciwnIt ni kcI kapte'nIn; osam ke'ko wiwitmowan. 18 IcI e'kiwtapnat. ipi e'ki sha`onat, e'ciiInIt kcI kapte'nIn, ipi otI okinan, Pan ke'pa kwukasot, nkintomuk, ipi nkiwishte'pmuk e'wi pie'tonan otI oshkInwe', winke'ko kwishukunonuk. 19 IcI o kcI kapte'n okiskInke'nan, ipi cIciukwan kishie'kimoc, icI e'kinatawat We'kwnicI otI wawitmoiIn? 20 OtI cI kikIto, kisI Cwiuk, kikItwuk, e'winatakwiIn e'wipie'nIt Pan, wapuk, shi watshu kikitok, ke'cwa e'wi natawawat wusimI kwie'k ke'ko. 21 NIshkI ke'ko pamtawakIn, wusimI nie' waptuk tshik ki nInwuk e'kwapmacuk kIkakIcuk, pnatsowunuk nkishiamIn, kishpIn, pwansukIt conkuwisnIsimIn coke' nkumnukwe'simIn, ipi nkom otupwitonawa, e'wi wawitmotwa. 22 IcI o kcI Kapte'n okipkItnan, niw shkInwe'n e'wimacinIt; ipi okiikwaman ke'ko wIiI nInI witmowakIn, otI kapie'witmoiIn. 23 IcI e'kintomat nish kapte'nIn otIcI okinan oshInwiuk nishwak shumaknIshuk, e'wishawaw Sisine'uk, ipi nouksomtInI pe'momkocIk, ipi nishwak, shumakinIn me'mackonkuk, nsotpukIn kish iaptu tpukuk. 24 Ipi minuk ne'ktoshkshayIn, Pan, e'winumomkot, ipi mnopie'nuk e'ciiIt Piniks, NakansIncIn. 25 IcI e'kiwnIpie'uk msInukIn, otI cI kanIpie'uk; 26 Knatius Naysie's, okImonan, o ke'c, mIno NakansIt Piniks; otIne'nman mInowankoswan; 27 OtI nInI okiwtapnukon ni CwiIn, ipi otakinsukon, shumakInIshuk cI nkipie'wice'wak, icI nkike'skona mIn, kanotake'ian win Nome'n nIniwut. 28 OsamcI e'wike'ntuman, i kaocI mcItshumawat, nkisha`onashi e'tI kikitowat. 29 NIshcI nkimkan okimiashtshamawan, shiw tpakwnuke'onawak, cocowi ke'ko otInasiwan, taocI pite'ntakwtunuk onupwun, tanake' waocI kpakot. 30 Pic cI kawitmakoian ki Cwiuk, kashu kawapmawat ni nInwun, nkinokashwe' kie'nup, e'ciin, ipi nkiwitmoIsk ni kamiasht shumkocIn ipi e'wikItwat we'kwe'ntuk i we'cmiane'n mawage'n e'nasmupie'n. We'we'nI ktInkwunmIn. 31 IcI ki shumakInIshuk kishowe'psik kashumtwa e'kimacinawan PanIn, ipi oki pie'nawan, kapkonianuk shi

E'ntipe'tnIsuk, 32 IcI kawapnInuk okinkInawan ni ne'nomkoncIn e'wiwice'wanIt icI, e'kikiwe'wat shi wakakInuk. 33 Winwa kapiawat shi Sisinie'uk ipi kami nawat msInukIn, ni NakansIncIn, okipie'nawan ke'iapI ni PanIn, e'nasmupnIt. 34 Pic cI o NakansIt, kawaptuk i msInukIn okinatawan, e'tnukie'nIt, pic kake'nmat, e' Sinishie' nInwunIt; 35 KupsItton okinan, pic piawat ke'winwa ki me'iashtshumkoinuk, icI kishowe' e'wikuwapcIkasnIt shi E'nut otpakwnuke'okumkomuk.

24:1 Kakish nianokwnuktInuk, E'ne'naye's, ke'cme'matmot okiwice'wan ni nakansIncIn, ipi nkot, kakikitot. TitunIs kishInkaso, kamcIcshumat PanIn e'nasmupnIt, ni NakansIncIn. 2 Pic cI kantomIt TitunIs, o kiwe'p mcIcshuman otI okinan, osam, kin, we'ckcI tokumie'iak, ipi, kIcmnototwak kote' nIshInape'k, e'mno kowapmItwa; 3 Nto tapnamIn pIne', ipi caye'k, nkoci ke'cmnoshuwe'psin Piniks, cak nml noshIte`e`onInanIn. 4 Cowike' otI wusimI kInwe'sh e'wiknonan, kumumatmIn, e'wipsItwe'iak shi kmnoshuwe'psiwnuk o natso nkikitonInanIn. 5 Osam otI ukimkawamIn, pe'pamkoshkaswe't, nInI, ipi okimacan caye'k ni CwiIn, caye'k shotIkik, e'wi mkoshkacikwtat nIt, ipi pe'mnikansIt, shi Ne'se'ni nInwun. 6 Win ke'iapI kawinakwtot, i nume'okumuk nkiwtapnamIn, ipi ntaki tpakwnamIn shi ntpakwnuke'onunanuk; 7 NIshcI kcI kapte'n Naysius kipie'wak ipi nkimne'ukonan, shi nIcinanuk. 8 E'kikatonan, ni kamcIcshumkocIn e'wi pie' naskakwiIn, kin e'winInatowut ipi e'wi ke'ntumIn cak otI ke'ko we'cmcIc shumkIt. 9 Ipi ki Cwiuk ke'iapI kite'pwe'tatwuk otI kikIt-wuk otI we'we'nI e'nomkuk. 10 Pic cI kcI NakansIt kaianInkawat ni PanIn, e'wikikitonIt, o kinkwe'twan osam kuke'ntan, me'kwe'tsopon, kin ktupakwnak, kotI nIshInape'k, ie'i wusimI we'cmnwe'ntuman e'wi kikitotatsoian. 11 Osam otI ke'ocI nsItmIn mtatsoshItInish tsokwunukIt kakoshiaian shi Cinose'ne'muk, e'ki wunumaian. 12 Coke' nkimkakwsik shi nume'okumkok, e'wi e'iaiakwne'twuk wIil nInI; coke' nkimacasik ki nIshInape'k, coke' shi nume'okumkok coke' shi kcI otanuk. 13 Coke' wIil otamkawasiwawan e'wite'pwe'ta kwuat,

i e'wi kItnIt, i kashuwe'pse'ian. 14 OtIcI, ie'k niactan winwa
e'tmowat,ie'i mItotmowun, iwsI e'shnume'kitowuk
Okshe'mInitomwan, kinosuk, e'te'pwe'ie'ntuman cake'ko e'shunIpie'
kate'k shi tpakwnuke'wunuk ipi ki Nakan acimocuk. 15
Nte'pwe'ie'nma Kshe'mIne'to, winwake' ke'iapI ote'pwe'ie'nmawan,
e'wipsukwinIt kanponIt, ne'ne'ish ni ne'pwakancIn, ipi
ke'kie'patsIncIm; 16 Iw otI pIne' e'shkwcIpmatse'ian,
e'wipwamIcitotwuk, Kshe'mIne'to, e'nasmupIt, ipi nInwuk
e'nasmupwat. 17 KakishcI mce'shtsoponkuk, nkipia e'wipie'twukwa,
mnototatwun, ipi mikwe'wu nIn, ki, nicie'ishIshmoiuk. 18 Iw pic anIt
Cwiuk nkimkat kaocI piacuk E'shie'uk` nkimkakok e'pinakwse'ian,
shi nume'okumkok; coke' nkiwice'wasik, maoce'ticIk, coke'
nkiopwe'asik. 19 Winwake' shotI takiik, e'nasmupiIn, ipi awikItwat,
kishpIn ke'kone'n mawapIt. 20 Tanake' shotI e'icIk kuktuk, kishpIn
ke'ko mkumwowat nmIctotmowun e'ie' nipwoian e'nasmupwat
okikito onuwak. 21 Iwie'k, mtIno nkot kikitowun, kakItian me'kwa
e'wickapwutwukwa, E'kitshItuman i psukwiwun i kanpok, iw we'c
tpakwnin otI e'kishkiwuk. 22 IcI kik Piniks kanotuk notI ke'ko, ipi
wusimI e'nsItup e'nomkIt nuk e'wipwikot, otI cI okinan, pama piat kcI
kapte'n Naysius nkuke'ntan, wusimI e'nomkuk. 23 Okikatonan nkot
Kapte'nIn e'wikuwapmanIt ni PanIn, e'ne'ntumnIt e'wishuwe'psunIt,
ipi e'wipwaknaomowanIt ni e'nwe'manIt e'wipmitakot tanake',
e'wipitkakot. 24 Ipi kakish onatso kw nukItInuk Piniks,
okipie'wice'wan wiwun TnwsIne'In Cwkwe'; okintoman ni PanIn, ipi
okipsItwan e'kim nwactumnIt, i te'pwe'ie'ntumwun shi KnaystIn. 25
Me'kwacI e'ie' knomowat i mnoshuwe'psiwun, kwiuk, pmatsowun,
ipi tpakwnuke' kishuk piamkIt nuk, Piniks kinukshke', ipi
okinkwe'twan, otI okinan, Winmacin, nkom pama minI, we'npInuk,
kIntomIn. 26 Kine'ntum ke'iapI shonia, e'wiminkot, ni PanIn,
e'wiwcIpkItInat, iw cI ie'i kaocI ntomat nanakIc, e'wikInonat. 27
NIshcI kakish nishponkIt nuk Posius Pe'stus okinapshkawan,
PiniksIn, icI Pniks e'wi mnwe'ntumnIt, ni CwiIn, okinkInan ni PanIn,
e'kupkasnIt.

25:1 Pic cI Pe'stus kapiat shi e'kiwuk; kansokwnuktInuk, kiwcI maci shi Sisine'uk e'kishiat Cinose'ne'muk. 2 IcI o ke'cmatmot, ipi otokmamwan ki Cwiuk, okiwitmowawan, e'kimia nacimawan ni PanIn ipi okima tmawan; 3 OkintawancI e'winokanat shi Cinose'ne'muk; e'kuwapmawat shi wapmIshianIt, e'winsawat. 4 NIshcI Pe'stus okinkwe'twan, otl okinan, Pan shi e'wikuwapcIkasnIt, Sisine'uk ipi win tpInwe' kie'nup ipI e'wishiat. 5 Otl cI kikIto nocima ki ke'kshkItocuk e'wishiat, nkuwice'okok, ipi mIcIcshume'k otl nInI; kishpIn ke'ko shumiashuwe'psIt. 6 IcI kakishilt shi wusimI mtatsokwun kishie'wak, shi Sisine'uk, icI wiapuk kacipitupIt shi tpakwnuke' cipitupwunuk kishuwe' PanIn e'wipie'ckasnIt. 7 PcI kapiat ki Cwiuk kaocI piacuk shi Cinose'ne'muk, kinipwik kiwtayiukwan mce'shcI ke'ko kamcI kItwuk e'wipatamawat ni PanIn cocu okikshkupatama siwan; 8 Kinkwe'tmatso, otl kikIto, Cowika, me'iashto tmoasik, ki Cwiuk, otupakwnuke'onuwa coke' wi kashi, nume'okumkok, coke' wika me'iashtotwasi Sise'. 9 NIshcI Pe'stus, e'wimnwe'ntumnIt, ni CwiIn okinkwe'twan, PanIn ipi otl okinan, kIshianI, shi Cinose'ne'muk, ipi shi e'witpakwnukon, notI ke'ko e'nasmupian? 10 Pan cI otl ikinan, Nipo`w, shotI Sise' otupakwnuke' ocipitupwunuk shotI tatshI tpakwnukoian,, kicI Cwiuk, coke'ko nkishI, miashtotwasik kin we'we'nI anwI kuke'ntan. 11 KishpIn kamIcitotmoanIn, tanake' ke'ko katotmoanIn pite'ntakwuk npowIn, coin nshakwe'nimosi e'winpoian, KishpIn cI ke'ko otl pwanomkuk, we'c patamkoian, cowIil nInI ntapkItinuk kwsI Sise' nkItIpakwnuk. 12 Pic cI Pe'stus, kakishknonat shi kikitonuk, okinkwe'twan, ipi otl okinan, KnItwe'nt anI Sise' e'witpakwnukwiIn` kishiasI Sise'. 13 IcI kakish onat sokwnuktInuk, kcI okuma, E'kIpe', ipi Pe'nIs, kipie'shie'k Sisine'uk, e'winumkawawat Pe'ste'sIn. 14 Shi cI kakishiuwat mce'shkon, Pe'ste's okiwitmoan ni kcI okuman, PanIn e'shwe'psInIt, otl nI okinan, ShotI nkot nInI Piniks okinkInan okik pakwan. 15 E'kiianshi Cinose'ne'muk ki kcI-me'matmocuk, ipi onikansimwan, ki Cwiuk, okimcIcshumawan ipi nkinatakok, ipi i tpakwnuke'wun e'wipatakonIt. 16 Otl cI nkinak, Cosuwi otl e'witotmowat ki Nome'n nInwuk, e'wipkIte'nma wat, wIil nInwun e'winponIt, e'pwamshu win

o me'cIcshnmIt, ni patamkocIn, e'witshItmoat, ipi e'wipkIt nukasot e'wikikitotmatsot, i we'c mcIcshumIt. 17 IwsIe'i, shotI kapiawat, e'swapwitoian e'wiwapuk, nkicipitup shi tpakwnuke' cipitupwunuk, ipi nkinokashwe' o nInI e'wipie'nIt. 18 KapatamacIk kapsukwiwat coke'ko okishu patamasiwan, e'ne'nmukwapIn. 19 NIshcI kaocI miane'nmawat, mtIno winwa okukie'patsiwnuwa ipi nkot okitshumawan CisuusIn, kanpopIt, win Pan we'we'nI kakitot; e'pmatsInIt. 20 Osam cI nkikwinwune'ntanIn notI natatwunIn, Nkinat tawa, tanak e'wi shiat, shi Cinose'ne'muk, ipi shi e'wi tshIt pakwnIt. 21 Pic cI Pan kakItot, AkustusIn, e'witpa kwnukot; nkishuwe' e'wi kuwapcIkasot nash e'wi sho`wcIkasot e'ciIt Sise'. 22 IcI E'knIpe' otI okinan ni Pe'ste'sIn Ninsuke' ke'iapI, ntapsItwa otI nInI. OtI cI okinan, WapuksI kupsItwa. 23 IcI kawapinInuk, pic E'knIpe' ipi Pe'nIs, kapiawat wickcImishatsonuwa, ipi kakish pitike'we't watshu psItake'wat okiwise'okowan ni kcI kapte'nIn, ipi nakanse'cIk nInwun shi kcI otanuk, Pe'ste'scI kashawe't, Pan kipie'ckaso. 24 IcI Pe'stus otI kikito, kcI okuma E'knIpe', ipi caye'k nInituk, shotI e'ie'k kuwapmawa; otI nInI caye'k ki maoce'ticuk Cwiuk, kaocI mkoshkacawat ipI Cinose'ne'muk, ipi ke'iapI shotI e'kItwat, cowunsInon wusimI e'wipmatsIt. 25 NIshcI pic ke'ko kapwamkumwuk, e'pite'ntakwuk npowun, ipi win onItwe'nman e'witpakwnukot ni AkustusIn, nkine'ntan, ipI e'wishaoCkasot. 26 Win coke'ko, e'pwe'mkIt nuk, nmukmoasi taocI onupie'omouk, Te'pe'nmIt iwce' ie'i we'cpie'nuk, e'nasmupie'k ipi we'we'nI e'nasmupiIn kin okcI okuma E'knIpe' ipi kish tpakwnukasot; ke'ko ntaotnIn e'wiw onIpie'ke'ian. 27 CowunsInon ntIne'ntum, e'winitawe'k ke'pakwukasot, ipi e'pawitmatuk we'cmcItshumIt,

26:1 IcI E'knIpe' otI okinan, ni PanIn kpuki tIwkas e'wikikitotatson, icI Pan, e'ki shipnuke'not ipi e'kinkwe'tmatsot. 2 We'we'nI nte'ne'ntan nia`w kcI okuma E'knIpe', osam e'wi kikitotmatsoian otI e'kishkiwuk, e'nasmupiIn, e'witshItman cake'ko we'c mcItshumwat ki Cwiuk. 3 We'we'nI kin osam e'ke'nme'nan, kin e'ke'ntumIn caye'k, otIshcIke'onawa ipi nInatattwunwan, Winwaki Cwiuk, owsIe'i,

kumumatmIn, we'we'nI e'wipsItwin. 4 Caye'k ki Cwiuk, nkuke'nmukok, e'shpmatse'ian, e'kopnoce'iuwe'ian, e'kiwitike'mkwa nic ie'ishIsmoiuk shi Cinose'ne'muk. 5 Kake'nmIcuk oshkIca, kishpIn witmaka wat, iw kakish we'we'nI, kwiuk e'tomuk shi ntInume'onunanuk, nkishu pmatIs Pe'nIsiuk. 6 IcI nkom nipo`w, ipi we'ctpakwnukasian osam e'te'pwe'ie'ntuman kawawitmoat Kshe'mIne'to KosnanIn. 7 Kinan mtatso shItInish, e'shumcuk, pIne' pmitwawan Kshe'mIne'ton, kakpe'kishIk ipi kakpe'tpuk, ne'ntumwuk e'wipiawat; osamce' i te'pwe'ie'ntumwun kcI okuma E'knIpe' i we'cpatamwat ki Cwiuk. 8 TacI shIna we'tshIte'an e'wipwakshkItot, Kshe'mIne'to, e'wipsukwitnat kanponcIn. 9 We'we'nI, nkine'ntus, e'witotman ke'komce'sh e'wimcItotmowuk otInoswun Cibus Ne'se'ni nInI. 10 Iw katotman ke'iapI shi Cinose'ne'muk ipi mce'sh te'pwe'ie'ntukuk nkikpakwak shi kpakotiwkumkok, kamishwat kshke' e'osuwun ki ke'cme'matmocuk, ipi pic kan sIckaswat, nkimcItshImak; 11 NkipsItie'wak, nanakIc e'tsuk nume'o kumkok, ipi nkiwishte'pmak e'wipcI kikitowat, ipi e'kcInshke'nmukwa, nkikwtukak shi pwake'ntakwkIn kcI otanIn. 12 Iwcl ie'i e'shiaian Te'me'skusuk; nkiiun kshke'e'osuwun ipi msInukInIn, nkiminkok kike'c me'matonocuk. 13 E'na`wkwe'kcI O kcI Okuma, e'ie'shiaian nkiwaptan wase'iak, kiwcIpie'mkIt shpumuk, wusimI kishu wase'ia icI o kisIs nkiwawase'shkmak kiwtayiukwan ipi ki kapmIwice'ocuk. 14 Pic cI caye'k kapmukocnak shi kik, nkinotan notakwsuwun e'knonkoian ipi otI kikitomkIt, shi Ipnwuk e'shumwat, San, San, We'kwnicI we'c mIcItotwin? SInukIt kin e'witkIshkwutwa kakaoshiuk. 15 IcI otI nkikIt We'nicI kin Te'pe'nke'n? IcI otI kikIto, NinsI Cibus me'iashtotwin. 16 NIsheI Psukwin, ipi, nipwun, osam otI we'cwapitue'nan otI nia`w e'wiwshe'nan e'wipmitwin, ipi e'wiwitmake'n notI ke'ko, kawaptImiInIn, ipi notI ke'ko ke'wapte'nan shi niwuk. 17 Shi ktocke'skonIn ki nIshInape'k, ipi Me'ikIscIk shiwie'shi, nkom, e'shnokanan. 18 E'winsakwnumwutwa ni oshkishkowan ipi me'kwe' kiskupkonia, e'wikwe' knItwa shi e'wase'iak, ipi e'wimiwnumwutwa MIcImIne'to O wishkIswun, e'wimintwacI Kshe'mIne'to o wishkIswun, e'wimintwa

e'wiwe'pnumwutwan i miashuwe'psiwnun, ipi kuminak,
 tpInwe'osuwun e'ciiInIt kaocI pinakwsowat e'te'pwe'ie'nmowat. 19
 Kie'nupcI O kcI Okuma E'knIpe', nkite'pwe'tan wawaptuman,
 kaocIpiamkuk, shpumuk. 20 Ne'tum nkikikie'kumak kaie'cuk
 Te'me'skusuk, ipi shi Cinose'ne` muk, ipi shi caye'k, Cwtie'uk, ipi pic
 ki Me'ikIscIk; e'wikisate'ntumwat, ipi e'wi kwe'knoitwawat
 Kshe'mIne'ton, ipi e'wishI mikce'wiwat e'wiwapitowe' wat,
 kisate'ntumwunwa. 21 OtI cI ie'i ki Cwiuk kaocI mshInwat shi
 nume'okumkok, ipi waocIn shuwapIt, 22 Kshe'mIne'to cI
 nkinishokmak, ntIi nash otI e'kishkiwuk, e'witmokwa, ne'ne'nish ke'c
 pite'ntakwse'cIk, ipi pwapite'ntakwse'cIk, nkikIt coike'ko, mtIno i
 Mosus, ipi Nakanacimocuk, kakItwat, e' ipiamkIt nuk. 23 I Knayst,
 e'wikwtukitot, ipi win, ne'tum kie'psukwit, e'npopIt, ipi e'wiwapitaat
 wase'anuk ni nIshInape'n, ipi ni Me'ikIsnIncIn. 24 Me'kwacI ie'ie'
 knotmatsot, Pe'stus, kiwishkowe', ipi otI kikito, Pan, kowawunum,
 mce'sh ke'ko e'ke'ntumIn, we'conate'n tumIn. 25 NIshcI otI okinan,
 cosuwi ntonate'ntusi wusimI ke'cpite'ntakwsin Pe'stus, nIshcI
 e'kikitoian we'we'nI nkikIt ipi mnone'ntumwun. 26 Osam kcI okuma
 win okuke'ntanIn otI ke'ko, win e' nasmupIt ke'iapI we'c we'we'nI
 kikitoian, osam tIne'n tum, coi notI ke'ko kukItwasi co otI kitotsim
 e'wikwe'ak. 27 KcI o kuma E'knIpe' kte'pwe'twaknI ki
 Nakanacimocuk? Kuke'nmIn, e'te'pwe'ie'ntumIn, 28 IcI E'knIpe' otI
 okinan, ni PanIn, kaka kowishte'pum, e'wi KnaystnIniwian. 29 Pan cI
 otI kikItto, ape' ntIne'nma Kshe'mIne'to, co i kin mtIno, ke'iapI cpe'k
 noatuwuwat otI e'kishkiwuk, cowi kaka e'shwe'psoian, kwiuksI
 e'shwe'pse'ian, mtInoie'k notI tkopcIkInIn. 30 IwcI pic kakishkikitot
 kcI okuma kipsukwik, ipi o NakansIt, ipi Pe'nIs, ipi ki kawitp macuk,
 31 Pic cI nkoci kashlawat ki kInontok, otI kikItwuk, OtI nInI
 coke'ko, kitotsi taocI pite'ntakwte'nuk, npowun; tanake' we'c tkopsot.
 32 IcI E'knIpe', otI okinan, ni Pe'ste'sIn OtI nInI taki pkItna, kishpIn,
 pwakItIpIt e'wi tpakwnukot Sase'In.

27:1 Pic cI katpowe'wat e'winashiak Ite'niuk okipkIt nawan PanIn, ipi
 anIt pe'kansIncIn kie'pakwukascIk kiminawan nkot Cwnius,

kishInkaso, kapte'n Akustus o shumakInIshimIn. 2 IcI kaposiakshi E'tne'maytium tshI napkwan, nkiwe'pshkamIn, nkine'ntamIn e'winashiak ci kiiukwan e'kokmukiak E'shie'uk nkot E'nIstakus Me'sitoni nInI kiw cupie', Te'sinonIke'uk nkipmI wice'okonan. 3 IcI wiapuk ukikpamIn, Saytunuk, icI Cwnius we'we'nI okitotwan ni PanIn, ipi okipkIte'nman, e'wi shi anIt, ni wikanIn, e'winwashmonIt, 4 Pic cI shi kaocI we'pshkaiak, ci kiiukwan Saypnusuk, nkipmInashmIn, Osam kimiananmIt. 5 Pic cI Katkumashiak shi kcIkumik Sinishiuk ipi Pe'mpinie'uk, nkipiamIn shi Mayniuk, kcI otanuk, Naysiuk. 6 Shi cI o kapte'n, E'nikse'nte'ne' tshI napkwan okimkan, Itinie'uk e'winasuk icI shi e'kipose'imIt. 7 Pic cI u`e'kapmashiak o natsokwun, kawantotamIn Snaytusuk, osam cI e'miananmuk nkinashmIn, ci kiiukwan Knituk e'nasmIte'k, Se'nmoniuk. 8 E'pwamshI kwe'pmosatmak nkiwtItamIn Mnokpe'onIn; e'shnukate'k, pe'shoc shi kcI otanuk Ne'sie'uk; 9 Pic cI kInwe'sh kaotumkumkIsuk, ipi pmashwun e'ni e'saniak, osami kikwe'pocItse' e'pwawisuuk, Pan oki ikwaman; 10 OtI okinan NInituk nIstowe'ntan, otI pmashwun, kInie'sania, ipi mce'sh pnactaswun, coi mtIno i postaswun ipi napkwan, kupumatsiwnInanIn ke'iapI. 11 Ke'iapI o kapte'n, okite'pwe'twan ni okiman ipi ni Te'pe'ntumnIt i napkwan, wusimI, ni icI kakItnIt ni PanIn. 12 Osam cI i kpe'wun, cowunsInon shi e'wiponshuk, kaka caye'k kine'ntumwuk shi e'wiwcl maciwat, tanakshkItowat, e'wishiawat Pinusuk, e'wishi ponshawat kpe'wunuk shi Knituk, e'cIte'k we'cplIshmok. 13 Pic cI we'csha`onuuk n`e'ke'wtanumuk, kine'ntumwuk, e'wtItnumwat, kashu ntIwe'ntumwat kiwe'pshke'k, ipi ci kiiukwan Knituk kinashwuk; 14 NIshcI co kInwe'sh kicInotIn e'kikwe'kanmuk Iwnoknaytun e'shnukate'k; 15 Pic cI i napikwan, we'pasuk, ipi e'pwa nipwimkuk ie'notuk; nkipkItnamIn; 16 Ci kiiukwan cI kapmie'iak mnIshe'iuk, Knatie', shInkate', nkikcI mikce'wimIn e'wi postoiak i ciman. 17 Pic cI kapostowat, e'wi nishokmotowat cI namiiukwan okitkopitonawa inapikwan, ipi e'kwutumwat, e'wipe'kwshInwat, pInItaokokik oki nispItonawan pmashwun, ipi nkiwe'pashmIn. 18 IkI e'kcI we'pokwiak, iw

e'miananmuk; icI wiapuk, nkipukiatomIn i napikwan. 19
Kansokwnukuk, cI nki sakcowe'pnamIn e'iok, shi napikwanuk,
tpInwe' nIcinanIn. 20 Pic cI onatsokwun e'pwanakwsIt kisIs,
ke'iapukI nukok, ipi pIne' e'kcI notuk, caye'k nkine'ntamIn,
e'wipnatse'ak. 21 NIshcI kInwe'sh e'pwawisnIwat ki nipwI Pan,
me'kwe' nawe'nI, otI cI kIkIto NInituk, kitakipsItwumsI, ipi co
kitakiwce'we'pshkasim shi Knituk, cocu kitaki pinatsIsimIn, ipi ktaki
nkIt` asimIn 22 Ipi nkom nkumumatmInum, e'wi mInwankosie'k,
cowi wIiI nInI opmatsiwun kupnacasnInI, mtInoie'k i napikwan. 23
Osam nkom otI e'pkoniak, Kshe'mIne'to omIshIne'we'mIn, e'ciian
kinipwI Win te'pe'nmIt, ipi win, pe'mitwuk. 24 OtI cI kIkIto,
ke'kokwtackIn Pan, kIsho`ocIkas, e'nasmupIt Sise', ipi pInI,
Kshe'mIne'to kiminuk caye'k ki pe'mwitomcuk; 25 OtI cI ie'i NInituk
mInowankosuk, nte'pwe'twa Kshe'mIne'to, iw ke'nomkuk kashu
witmakoian. 26 NIshcI mInIshe'iuk kupukcIkasmIn. 27 Pic cI mtatso
shItInie'w katsotpukuk; e'ie' onukumuk nInashiak shi E'tniuk, e'iapI
tpukitInuk, ki napikwan nInwuk, kine'ntumwuk, pe'shoc e'pie'tnIswat
nkoci e'kiwnunuk. 28 IcI kIkwtukie'ke'k; okimkanawacI
nishwaptuktsonuk e'kwitmianuk; nakIcI kapmashwat
okikwtukie'anawa minI okimkanawacI mtatso ctInianIn tsonuk
e'kwitmianuk. 29 E'kwitumwacI tane'nashwuk me'kwe' sInik mpik
okipukitonawan nie'w Piwapkwe'n, otakanuk ociukwan, e'pwi towat
e'wiwapnInuk; 30 IcI ki napkwan nInwuk e'pitkumkIswat
e'winkItInIshtumwat, i napikwan, katowat i ciman, shi kcIkumik,
e'wine'nmItwa e'wipu. kitowat, Piwapkwe'n shi nikan mukanuk, 31
Pan, cI otI okinan, ni kapte'nIn, ipi ni shumaknIshIn; KishpIn kotI
pwaiuwat shi napikwanuk, coki take'skwisim. 32 IcI ki
shumaknIshuk, oki kishkshanawan ni kate'apiIn, shi cimanuk, icI
e'kiwe'pote'nuk. 33 IcI pic e'pie'tapuk, Pan oki mumatuman caye'k,
e'wiwisnInIt, otI kIkIto, otI e'ki shkiwuk mtatso shItInie'w tsokwun,
e'ko pwitoie'k, ipi moshuk e'pwawisne'ie'k; ipi coke'ko kimitsinawa.
34 IwsI, ie'i, we'cmatmInkon, e'wiwisnIe'k, e'wiwcI mnopmatse'ie'k;
co tIna nkot kinsIsiwa kuocI pmukote'snon, nkote'iI ktupiwak. 35 Pic
cI i kakishkItot, okiwtapnan pkwe'shkIn, ipi okinume'kitowan

Kshe'mIne'ton, e'nasmupnIt caye'k, icI kakish pikupitot kiwe'pwisnI.
36 IcI caye'k kimnowankoswuk, ipi wInwa ke'iapI, okiwtapnanawa
anIt, micum. 37 ShicI caye'k kaie'iak shi napikwanuk, nishwak, ipi
nouksomtInI shItInkotwatso, cipamuk; 38 IcI kakish te'psInie'wat,
okipukiatonawa i napkwan, okipukitonawa i pkwe'shkIn,
e'wpukomnanwuk shi kcIkumik. 39 Pic cI kawapnInuk, co
kike'ntusinawa, i e'kiwnunuk, nIshcI okiwaptanawa nkot sipiwe',
e'cikumkianuk, shi kine'ntumwuk, kishpInkshkItowat shi
e'wikwitowat, i napikwan. 40 Pic cI kaotapnumwat ni Piwapkwe'n,
okipkIte'ntanawa, wiuwawa, shi kcIkumik, ipi, okiapanawa i powI
shiw otakanuk ipi okiw nakakwnanawa, kcI katasmowe'kIn shi we'c
notnInuk, ipi kinashwuk cikpIe'k. 41 KipukitashwukcI shi nish
kcukimiIn, e'matasuk, kipe'kwsun i napkwan, icI nikanmukan
kimcImosIn ipi ke'iapcI wishkIsIn, icIie'k, otakanuk, kipikwIn
e'kcImakashkak. 42 Iwcl ki shumakInIshuk kine'ntumwuk
e'winsawat ni kie'pakwu-ukasIncIn, e'kwtumwat, e'wipmatkanIt, ipi
e'wikiInkawat. 43 NIshcI o kapte'n, e'wishte'psIt e'wike'skonat ni
PanIn, co okipkIte'nmasin i kane'ntumnIt, kishuwe'cI, ni ne'atkanIt,
e'wipuksowat, shi kcukumik ne'tum, ipi e'wikwashnInIt: 44 Ipi
kipe'kanse'cIk, AnIt cI ki psukakok, ipi anIt kaocI pikwshkanuk, i
napikwan. Iwcl kanomkuk, caye'k kikiItmok shi e'kiwnInuk.

28:1 Iwcl kakiItmowat okike'ntanawa i mnIshe' e'shInkate'nuk
Minayte'. 2 Ipi ki pkoc nIshInape'k, co pike'ci nkishI
mnototakwsinanuk; okiwtIttonaua, shkote', ipi e'tshIiak
nkipitkInkonanuk, osam e'kmowuk, ipi e'ksIniak. 3 Iwcl pic Pan
kakish mamkInsukwe't, ipi kapkItnuk shi shkote'k kipie' ocI soikitota
pwatacke't mIne'to shi shkote'k ipi okimcumnukon shiw one'cik. 4
Iwcl pic ki pkoc nIshInape'k, kawapmawat ni mIcIpwatacke'ncIn,
e'we'we'pkocnInIt, shiw onIcinIn; otI kikiItwuk, we'we'nIsI otI nInI
ne'shwe't, win, e'kiianwu kie'tuk shi kcIkumik,
kwiukmnoshuwe'psowun co ne'ntakwsIsi e'wipmatsIt. 5 Iwcl
e'kipapiwe'pnat ni mIcIpwatacke'ncIn, shi shkote'k cocu ke'ko kitsi. 6
Iwcl okiwapmawan, pic i e'wi mkwitmInIt, tanake' e'wipmukocnInIt,

kie'nup e'winponIt, nIshcI kakish kInwe'sh wapmawat, ipi ke'ko e'pwa shuwe'psInIt, pkan okine'nmawan otl kikitwuk, Win sI o Kshe'mIne'to. 7 Shiw cI kitkomkIt tpInwe'osoonIn, katpe'ntuk, nakansIt nInI, shimnIshliuk kashInkasot Pupnius nkiitp kInkonan, ipi shi nkiImIn nsokwun nki mnototakwnan. 8 Otl cI kanomkuk, Pupnius osIn shkIshIn e'iakwnokat e'psIsot, ipi e'mskwapiat, Pan okipitkawan, ipi kinume` ipi okipkItnanIn, niw nIce'n shiwiwunuk, icI e'kine'se'at. 9 Iwci kakish itotuk pe'kanse'cuk ke'iapI, na'w kanapne'cuk, shi mnIshe'iuk kipie' naskawawan, icI e'kine'se'twan. 10 Nkimnototakwnanuk, pic cI wamaci ak; nkiminkonanuk ke'ko tsome'ne'siak. 11 IcI kakish nsokisIs nkiposmIn. E'ne'kse'nte'ne', tshI napkwan, shi mnIshe'iuk katshu ponshumkuk e'shkInwacIkate'k Ke'stIn, ipi Ponuks. 12 IcI kakupaiak shi Sayne'kusuk, nkinwashmomIn, shi nsokwun. 13 ShicI nkipie'ocImacimIn, nkipie' kiwtashnImIn nkipiamInci Niciumuk, icI kakish nkot konkuk, e'sha`wnu, uk kiw tanmIt, icI wiapuk nkipiamInshi Piwtionayuk. 14 Shi nkimkawamIn nikane'inanuk, ipi nkintuwe'nmukwnanuk, nouktsokwun shi e'wliiak, icI e'ki shiaiak ociukwan Nom e'shnukate'k. 15 Pic cI ki nikane'inanuk kanotake'wat shi kiw cI pie'k, nkipie'nkwe'shkaknanuk, shi E'piay Ponumuk ipi ni NswI na`w e'shiw okumkwe'n pic Pan kawapmat, we'we'nI okine'nman, Kshe'mIne'ton, ipi kiwishkIte'-e'. 16 Pic cI kapiaiak Nom-uk o kapte'n, okipkItnum wsn, ni ke'pakwuukasnIncIn, ni otl kapte'nmowan, ki e'kowapcuk, NIshcI win Pan kipkIte'nma nshuke' e'wiwicat ni shi shumaknIshIn kakuwapmukwcIn. 17 Otl cI kanomkuk kakish nsokwnukuk Pan kintoman ni otokumamwan ki Cwiuk, e'maosmomat pic cI kamaoce'tinIt, otl okinan, NInituk ipi nikane'ituk, e'kiaanwI pwamcIt otwukwa ki nIshInape'k tanake' otIsh cIke'onuwa ki kosnanuk ke'iapI nkiwcIpkItnukas ke'pakwukasot shi Cinose'ne'muk, nkipkItnukas onIciwak ki Nome'n nInwuk. 18 Pic cI katpakwnawat, ntakipkItnukok osam co okimkIsinawa, taocI nshuwat. 19 NIshcI, pic ki Cwiuk, kamcI tshItmowat, iw kaocI kItian e'wi tpakwnIt Sise', cowi e'miane'nmukwa, ki nicie'ishIshmoiuk. 20 Otl cI ie'i we'cntomnukon, e'wiwapmInkon, ipi e'wiknontIkon, osam,

i opukose'nmowun, IsnIn, otI we'ctkop soian iw piwapuk. 21 OtI cI okinawan, coke'wika msInukInIn nkiwcI otItInIsimIn, shi Cwtie'uk e'witshumkon, coke' wliI ki nikane'inanuk kapiacuk, kimcItshum kosik. 22 NIshcI nkintuwe'ntamIn e'wi nota ke'iak e'ne'ntumIn otI e'shte'pwe'ie'ntumuk nkuke'ntamIn cak nkoci mcIcshIckate'. 23 Pic cI kakumowawat e'kishkiwnunuk mce'sh kipie'naskakon, e'citat, okiwitmowan, ipi okimnwactumwan i Kshe'mIne'to otokmawun; okukatonan e'shumat CisuusIn, shiw tpakwnuke'onuk Mosus, ipi ni NakanacimoncIn; kukishie'p nash e'nmupkonianuk. 24 AnIt cI ki okite'pwe'ie'ntanawa, i kashuknontwa; kicI anIt cokite'pwe'ie'ntusik. 25 Pic cI kapwamnnone'ntawat kinmumacik kakish Pan, kikitot otI kikitowun, We'we'nI kikito, PanakwsIt Cipam, win Ise'us Nakanacimot kanat KosnanIn. 26 OtI kikItto, Shian; e'ciiuwat kote' nIshInape'k, ipi otI kInak; Notake'ie'k, knotake'm, cocu kInsItake'sim, ipi wapke'ie'k, kawapke'm, cokInsItwe'nke'sim. 27 KotIsI nIshInape'k, ote`iwan, mukwitmomkItInI e'pic miante'nuk, oto`wkawan iapie'tsimkItInI, e'winotake'wat, ipi kie'pikwe'nwuk e'kwtumwat, e'wiwapke'wat, w`shkishkowan, ipi anInotake'k shiw to`wkawak, ipi ansItake'k shiw te`iwak, icI taocI kwe'kapowat, icI tacI ne'se'ukwa. 28 Kuke'ntumok otI, oke'skonwe'wun Kshe'mIne'to, nitaak, ki Me'ikIscIk, ipi okInotanwa. 29 Pic cI kakishkItot notI, kikitonIn, ki Cwiuk kinmumacik, icI kicI knontik winwa tpInwe'. 30 IcI Pan kite'wak tpInwe' ka`wuwe't wikwam shiw nishpon, ipi okipitke'nan, caye'k kapie'naskakwcIn. 31 E'mnwactuk, i Kshe'mIne'to otokmawun, ipi e'knomake't notI ke'ko, iacm umIt ni Te'pe'nke'nIt Cisuus KnaystIn, caye'k iw wishke'ntumwun, cocu wliI nInwun okiknumakwsin.